




**CD included**

Samia Louis

# Kallimni 'Arabi Aktar

An Upper Intermediate Course  
in Spoken Egyptian Arabic 3





كَلِّمْنِي عَرَبِي أَكْثَر

# **Kallimni 'Arabi Aktar**

An Upper Intermediate Course  
in Spoken Egyptian Arabic 3

Samia Louis

Illustrations by  
Nessim Guirges

The American University in Cairo Press  
Cairo • New York



## Contents المحتويات

x	Acknowledgments	الشكر والتقدير
xi	Introduction	مقدمة
xiv	Plan of Modules	خطة الوحدات
١	Revision	راجع معلوماتك
٧	Module 1	الوحدة الأولى
١٠	My personal history	١-١ مشوارحياتي
١٦	The White Desert	٢-١ الصحرا البيضاء
٢٦	Chat with us	٣-١ دردش معنا
	Have we seen each other before?	شوفتك فين قبل كده؟
٣٤	Real Life	من واقع الحياة
٣٩	Remember	افتكر



### الوحدة الرابعة

١-٤ ذكريات عن مصر زما

٢-٤ ذكريات الطفولة

٣-٤ دردش معانا

ماتعرفش فين الاقي؟

من واقع الحياة

افتكر

راجع معانا

### الوحدة الخامسة

١-٥ الزمن اتغير

٢-٥ حياتي اتغيرت

٣-٥ دردش معانا

ماتيجي نروح دهب

من واقع الحياة

افتكر

### ٤١ Module 2

٤٣ An Egyptian picture

٥٢ The family

٦٣ Chat with us

I have an errand to run

٧٠ Real Life

٧٤ Remember

### ٧٧ Module 3

٨٠ Where should I travel?

٨٩ How is your new job?

٩٩ Chat with us

I've heard a lot about you

١٠٩ Real Life

١١٤ Remember

### الوحدة الثانية

١-٢ صورة مصرية

٢-٢ العيلة

٣-٢ دردش معانا

ورايا مشوار

من واقع الحياة

افتكر

### الوحدة الثالثة

١-٣ أسافر أنهي بلد؟

٢-٣ إزَي شغلِكَ الجديد؟

٣-٣ دردش معانا

سمعت كثير عنك

من واقع الحياة

افتكر



١١٧	<b>Module 4</b>	الوحدة الرابعة
١١٩	Memories about Egypt in the past	١-٤ ذكريات عن مصر زمان
١٢٥	Childhood memories	٢-٤ ذكريات الطفولة
١٣١	Chat with us	٣-٤ دردش معنا
	Do you know where I can find?	ماتعرفش فين الاقي؟
١٣٩	Real Life	من واقع الحياة
١٤٤	Remember	افتكر
١٤٦	Revision and Consolidation	راجع معنا
١٥١	<b>Module 5</b>	الوحدة الخامسة
١٥٣	Times have changed	١-٥ الزمن اتغير
١٦١	My life has changed	٢-٥ حياتي اتغيرت
١٦٩	Chat with us	٣-٥ دردش معنا
	How about going to Dahab	ماتيجي نروح دهب
١٧٧	Real Life	من واقع الحياة
١٨٥	Remember	افتكر



## الوحدة السادسة

١-٦ قالوايه؟

٢-٦ مين هيساعدني؟

٣-٦ دردش معانا

ما سمعتش عن اللي حصل؟

من واقع الحياة

افتكر

## الوحدة السابعة

١-٧ كنت مستعجل

٢-٧ نازل دلوقتي .. راجع

على طول

٣-٧ دردش معانا

ما أنا عارف

من واقع الحياة

افتكر

## Module 6

١٨٩ What did they say?

١٩٨ Who can help me?

٢١٠ Chat with us

Haven't you heard about what  
happened?

٢٢١ Real Life

٢٢٨ Remember

## Module 7

٢٣١ I was in a hurry

٢٤٣ I am going out, coming  
back soon

٢٥١ Chat with us

I know

٢٥٨ Real Life

٢٦٤ Remember

## الوحدة الثامنة

١-٨ لسة بانصّف

٢-٨ لسة من شويّه

٣-٨ دردش معانا

وده .. مين ده؟

من واقع الحياة

افتكر

راجع معانا

فهرس



٢٦٥	<b>Module 8</b>	الوحدة الثامنة
٢٦٧	I am still cleaning	٨-١ لسة بانضف
٢٧٥	Just a while ago	٨-٢ لسة من شويه
٢٨٠	Chat with us	٨-٣ دردش معنا
	And who is that?	وده .. مين ده؟
٢٨٩	Real Life	من واقع الحياة
٢٩٣	Remember	افتكر
٢٩٥	Revision and Consolidation	راجع معنا
٢٩٧	Glossary	فهرس



٢٦٥ Module 8

٢٦٧ I am still cleaning

٢٧٥ Just a while ago

٢٨٠ Chat with us

And who is that?

٢٨٩ Real Life

٢٩٣ Remember

٢٩٥ Revision and Consolidation

٢٩٧ Glossary

الوحدة الثامنة

١-٨ لسة بانصّف

٢-٨ لسة من شويّه

٣-٨ دردش معانا

وده .. مين ده؟

من واقع الحياة

افتكر

راجع معانا

فهرس

## الأمر

كَمَلْ بفعل مناسب.

١- يا أَحْمَدُ ..... الملفات.

٢- يا نَجْوَى ..... الأوضة.

٣- منى ما ..... ش دلوقتي.

٤- يا جماعة ..... بذري.

٥- يا عَبْدُة ..... القهوة.

كَمَلْ (ماتنساخ / إوعي / إوعوا /

خليك فاك).

١- يا أولاد ..... تعدوا الشارع.

٢- يا ناجي ..... تاكل حاجة

من الشارع.

٣- يا ماجدة ..... تضربي

أخوكي.

٤- يا مُفيد ..... تجيب معاك

كوكا.

٥- يا صُبْحِي ..... الأولاد

بكرة.

## في الكافيتريا

رتّب الكلمات في الجملة.

١- بس بسرعة / و ٥ شاي / ٢ قرفة /

هات لنا / لو سمحت.

للملكية (بتاعك / بتاعة / بتوع).

١- الكتب دول ..... مين؟

٢- الشنطة دي ..... مين

يا نهال؟

٣- يا أَحْمَدُ فين الواجب .....؟

اكتب فين.

قَدَامْكَ / يمينك / شمالك .. إلخ.

أ - لو سمحت فين المتحف؟

ب - امشي على طول .....

هتلاقي المتحف.

أ - لو سمحت فين الجزار؟

ب - الجزار هناك على .....

جنب الصيدلية.

أ - لو سمحت فين الحلاق هنا؟

ب - آه .. امشي دوغري لحد آخر الشارع

هتلاقي على ..... حلاق بعد

الميدان على طول.

٢- تجيب لنا / و / ١ كوكا؟ / شاي /

ممكن / لو سمحت.

٣- من فضلك / ٢ شيشة تفّاح / ممكن.

٤- رز بلبن / و / ٢ مهلبية / عايزين.



## التخطيط للمستقبل

اكتب الكلمة الصحيح.

- ١- بكرة أجازة ..... نصحي الساعة ١١. (عاوز - عاوزين)
- ٢- هو ..... يلعب كورة مع الجيران. (عايزة - عايز)
- ٣- هي ..... تتعلم عربي. (عايزين - عايزة)

## الشرا و الطلبات

وصل (أ) و (ب).

ب	أ
أ - لا .. آسف ما عنديش فكة.	١- فيه لحمة طازة؟
ب- اتفضل الباقي ١٠ جنيه.	٢- اديني ٣ كراتين ميه.
ج- الحساب ١٥٠ جنيه.	٣- عندك فراخ؟
د- حاضر حاجة تانية؟	٤- الحساب كام؟
هـ- لا مافيش فراخ.	٥- جيب لي ٦ بواكي شاي.
و- آه .. كل حاجة طازة.	٦- هات لي ٤ علب سجائر.
ز- مارلبورو وللا كنت؟	٧- معاك فكة؟
ح- ليبتون وللا ديلما؟	٨- عايز باقي ٥٠ جنيه.

اكتب (فيه / مافيهوش / فيها / مافيهاش).

- ١- الشقة ..... ٤ أوض.
- ٢- أوضة النوم ما ..... بالكونة.
- ٣- المطبخ ما ..... كنية.
- ٤- السلم ..... باب.

## الالوان

اختار كلمة مناسبة.

- ١- عربيّتي الجديدة (أحمر - حمرا - لونها أحمر).
- ٢- أوضة النوم بتاعتي (لونها بنّي غامق - لونه بنّي - اسود).
- ٣- عايز الأرض (لونهم أزرق - أزرق - لونها أزرق).

## الملابس

(لابس / لابسة / لابسين) إيه؟

- ١- همّ ..... فساتين بيضا منقّطة.
- ٢- هيّ ..... بنطلون أخضر مشجّر.
- ٣- هوّ ..... بدلة سودا مقلّمة.

اختار الرد المناسب.

(أ) السؤال	(ب) الرد
١- تقدر تمشي ٥ كم في السّاعة؟	أ - مش ضروري نساfer. أنا باحبّ أقعد في البيت.
٢- الجوّ دافي .. ياللا نروح شرم الشيخ.	ب - آه .. باعرف كومبيوتر تمام قوي.
٣- تيجي نروح الأوبرا النهارده؟	ج - باحبّ ألعب تنس في النادي.
٤- تحبّ تاكل بيكاتا بالمشروم؟	د - لا أنا باحبّ أكل أسكالوب بانيه.
٥- بتحبّ تعمل إيه في الأجازة؟	هـ - ماشي بس ما باحبّش الباليه.
٦- ياه! الجوّ غيم ومطرة وبرد! هنقدر نساfer النهارده؟	و - لا نساfer الغردقة المرّة دي.
٧- بتعرف كومبيوتر كويس؟	ز - طبعا أقدر دي حاجة سهلة قوي.



## الصفات

قول عكس الصفة.

طويل

تخين

غني

صغير

من غير شنب

عجوز

وحش

ناعم

بدقن

نشيط

اكتب الفعل في الماضي.

بيحط

بيتكلم

بيستعمل

بينصف

اكتب الكلمة الصح.

١٠٠٪ دائماً

٩٥٪

٤٥٪

٥٪

٠٪



## الوحدة الأولى

### محتويات الموضوعات في الوحدة الأولى

- ◆ تقديم (١) التكلّم عن المعلومات الشخصية.
- ◆ تقديم (٢) التكلّم عن تجارب شخصية حدثت في الماضي.

### ٤ درّش معانا

- ◆ تقديم (٣) جُمْل افتتاحية للمحادثات و التعرف على صديق قديم.



## فهرس الكلمات الجديدة في وحدة ١

### تقديم (١)

اتولد - درس - اخرج - دخل الجيش - خرج من الجيش - الحالة الاجتماعية  
- التجنيد - طفل - الجواز - خلف - عاش - جائزة - تاريخ الميلاد  
حياتي - مشوار.

### تقديم (٢)

الصحرا البيضاء - هدم ثقيلة - عين / عيون - واحة / واحات - أعلن - افكر  
- وصل - خيمة - السكة - رجل - حرامي - جري - سجن - تغلب - لاعب  
- لعبية - علقه سحنة - طاقية - مسك - غريب - اتسرق.

### تقديم (٣)

طابور - عروسة - فرح - غريب - ظريفة - لذيذ - نخلص - يقولوا عليه  
- تخلص - ياترى - قرب - آخر - فعلاً - لحظة واحدة - هایل - فكر  
ناسي - عطل.

### من واقع الحياة

الطريق الدائري - تاه - خاف - الدنيا مطرت - المقابر.

## تقديم (١)

كلمات جديدة:

ادرس الكلمات دي و اكتب الفعل قدام الصورة الصح.

اتولد - درس في - اتخرج من - دخل الجيش - خرج من الجيش - اتجوز  
- التجنيد - التخرج - اشتغل - خلف - الحالة الاجتماعية - تاريخ الميلاد.





أنهي فعل بيتكلم عن تاريخ الميلاد؟ التجنيد؟ التخرج؟ الحالة الاجتماعية؟  
اقرأ استمارة العمل دي وكون مع المدرس أسئلة ممكن المدير يسألها لمقدم الطلب.

أسئلة المدير	استمارة طلب عمل
• اسمك إيه؟	الاسم:
• حضرتك اتولدت إمتى؟	تاريخ الميلاد:
• درست فين؟ إمتى؟	الدراسة الثانوية:
• اتخرجت إمتى؟	الدراسة الجامعية:

## تقديم (١)

### مشوار حياتي

كلمات مفيدة: مشوار حياتي = قصة حياتي / حياتي = عمري



أستاذ هشام .. المخرج الكبير .. في

الأول مبروك على جايزة الفيلم

الجديد السنة دي.

شكراً .. ألف شكر.

ممكن نتكلم شوية عن

مشوار حياتك؟ يعني

في الأول اتولدت

إمتى؟ بعد كده عشت فين؟ درست إيه؟

شوفي يا ستي .. أنا اتولدت في اسكندرية سنة ٤٥ .. عشت هناك لغاية

لما خلصت المدرسة.

وجيت القاهرة بعد كده إمتى؟

مُذِيعَة

هشام

مُذِيعَة

هشام

مُذِيعَة

- هشام سبت إسكندرية و جيت القاهرة بعد المدرسة .. و بعدين دخلت الجامعة.  
درست و اتخرجت من معهد السينما سنة ٦٦.  
مُذِيعَة و عملت إيه بعد كده؟  
هشام قبل الشغل دخلت الجيش سنة ٦٩. و بعدين لما خلصت الجيش اشتغلت  
في ستوديو مصر في نفس السنة .. و بعد كده سافرت برّة سنة ٧١ ..  
و لما رجعت اتجوزت سنة ٧٤ و بعدين خلّفت ابني الكبير بعد كده بسنة.  
مُذِيعَة عندك أولاد تاني؟  
هشام آه .. عندي بنت .. خلّفت بنتي سحر بعد ابني الكبير بسنتين.

#### لاحظ القواعد

#### (١) للتعارف

بنسأل معلومات عن	أسلوب السؤال
تاريخ الميلاد.	اتولدت إمتى؟ فين؟
الدراسة.	دخلت المدرسة إمتى؟ فين؟
	دخلت الجامعة إمتى؟ درست إيه؟
	اتخرجت إمتى؟ اتخرجت منين؟
التجنيد / الجيش.	دخلت الجيش / خرجت من الجيش إمتى؟
الشغل.	اشتغلت إيه؟ اتعينت فين؟
الحالة الإجتماعية.	اتجوزت؟ إمتى؟
	عندك أولاد؟ خلّفت أول طفل إمتى؟



(٢) لترتيب الأحداث الزمنية بتستعمل الكلمات دي

في الأول - قبل - بعد - وبعدين - لما - بعد كده.

(٣) ممكن نقول

سنة أسبوع شهر ساعة ٥ دقائق	—	بعد كده قبل كده
--	---	--------------------

### التدريبات

تدريب (١ - أ)

اختر الكلمة المناسبة.

١- ناجي ..... سنة ١٩٥٠. هو دلوقتي راجل عنده ٥٨ سنة و متجوز.

[ خَلَفَ - عاش - اتولد ]

٢- سَمِيرَة بتشتغل دكتورة من ٣٠ سنة. هي ..... من كلية الطب سنة ١٠

[ خَلَفَتْ - اتخرجت - عاشت ]

٣- أيوه سُهير ..... ٣ أولاد و عندها كمان بنت صغيرة.

[ عاشت - خَلَفَتْ - درست ]

٤- إنت ..... من الجيش إمتى؟

[ اتخرجت - خرجت - دخلت ]

٥- أنا ..... في اسكندرية لحدّ ما خلّصت المدرسة.

[ خلّفت - اتخرّجت - عشت ]

٦- منزل ..... من كليّة التجارة وبعدين ..... في بنك بعد كده.

[ اتخرّجت - درست ] [ درست - اشتغلت ]

٧- حضرتك عندك كام سنة بالظبط؟ ..... إمتى؟

[ خلّفت - اتجوّزت - اتولّدت ]

٨- عندك ٤ أولاد! ياخبر!! ليه ..... إمتى؟

[ درستي - اتجوّزتي ]

صحّ مع زميلك.



### تدريب (١ - ب)

#### الجارة الجديدة



استماع: دى جارة سميرة الجديدة.

همّ فين؟ همّ يعرفوا بعض قبل كده؟

سميرة ساكنة فين؟

اسمع مرة ثانية وكمّل الجملة.

١- نوريكو ..... في .....

٢- هيّ درست في ..... هيّ بتشتغل .....

٣- نوريكو عايزة ..... عربي. هيّ مش .....

٤- سميرة ..... و عندها .....

٥- هيّ درست في ..... واشتغلت .....



## تدريب (١-ج)

اتكلم مع زملائك في الفصل أو في القهوة و اسأل الزملاء عن المعلومات دي.



					١- جون
					.....
					سنة ١٩٨٠.
					٢-
					٣-
					٤-

اختر اسم زميل أو اثنين و قدمهم للفصل و استعمل المعلومة اللي عرفتتها عنهم  
زي المثال.

جون اتولد سنة ..... و دخل المدرسة سنة ..... و اتخرج سنة .....

## نص الاستماع لتدريب (١ - ب)

- سَميرة: حضرتك جارتنا الجديدة هنا مش كده؟ تحبِّي أشيل معاكي حاجة؟  
نُوريكو: ممكن .. متشكِّرة قوي. أنا جارتكو الجديدة. أنا جيت هنا من أسبوع بس.
- سَميرة: أهلاً وسهلاً .. أنا اسمي سميرة. ساكنة في شقة ٦١ قدامك على طول  
و حضرتك اسمك إيه؟ وإنتي منين؟  
نُوريكو: أنا اسمي نوريكو. أنا يابانية. اتولدت في مدينة هيروشيما. وإنتي متجوزة؟ عندك أولاد؟
- سَميرة: آه .. أنا متجوزة .. اتجوزت من ٦ سنين. و خلفت الولدين بعد كده.  
نُوريكو: و درستي إيه قبل كده؟  
سَميرة: أنا درست في كلية الحقوق و اتخرجت من ٧ سنين و بعدين اشتغلت محامية .. وإنتي؟
- نُوريكو: أنا مش متجوزة. أنا هنا عشان أدرس عربي لكن أنا درست في كلية الآداب .. ولما اتخرجت من سنتين اشتغلت صحفية في مجلة .. و عايزة أدرس عربي عشان الشغل بتاعي.
- سَميرة: آه .. بتذاكري عربي علشان الشغل. طيب أهلاً وسهلاً بيكي في مصر ..  
و أنا ممكن أساعدك في العربي كمان. ضروري تتفضللي عندنا و تشربي شاي.
- نُوريكو: إن شاء الله .. متشكِّرة قوي .. فرصة سعيدة.
- دلوقتي اقرا الحوار و كرِّره مع زميلك.





## تقديم (٢)

### الصحرا البيضاء

كلمات مفيدة: الصحرا البيضاء / هدوم  
ثقيلة / عين - عيون / واحة - واحات



اسمع وكرر

نَجْلَاء  
مُعْتَزَّ  
نَجْلَاء  
مُعْتَزَّ  
نَجْلَاء  
مُعْتَزَّ  
نَجْلَاء  
مُعْتَزَّ  
نَجْلَاء  
مُعْتَزَّ

انْبَسَطْتُ فِي الرِّحْلَةِ إِمْبَارِحَ يَا مُعْتَزَّ؟  
آه .. انْبَسَطْتُ قَوِي. رَحْنَا الْوَاحَاتِ وَالْصَّحْرَا الْبَيْضَا.  
الْصَّحْرَا الْبَيْضَا؟ الصَّحْرَا الْبَيْضَا دِي فِين؟  
بَعْدَ وَاحَةِ سَيُوءَ .. فِي الْجَنُوبِ كَدَه .. وَقَبْلَ الْفَرَاغَةِ بِشُوءِيَّةَ.  
يَا! أَحْكِي لِي رُوحَتَا إِزَايَ؟ وَعَمَلْتَا إِيهَ؟ شَفْتَا إِيهَ؟  
شُوفِي يَا سَتِي .. طَبْعاً أَنَا يَوْمَ الرِّحْلَةِ حَضَرْتُ شَنْطَتِي وَأَخَذْتُ مَعَايَا  
هَدُومَ ثَقِيلَةَ عَشَانٍ قَالُوا لِي هُنَاكَ بَرْدٌ بِاللَّيْلِ .. وَقَمْنَا السَّاعَةَ ٨ بِاللَّيْلِ  
مِنْ قُدَّامِ الشَّرَكَةِ .. وَسَافَرْنَا طَوْلَ اللَّيْلِ.  
قَعَدْتَا قَدْ إِيهَ فِي السَّكَّةِ؟  
قَعَدْنَا حَوَالِي ٦ سَاعَاتٍ .. يَعْنِي الْأَتُوبِيْسَ وَصَلَ الْفَجْرُ مَرْسَى مَطْرُوحَ.  
دَخَلْنَا الْفَنْدُقَ وَنَمْنَا عَلَى طَوْلِ .. وَصَحِينَا حَوَالِي السَّاعَةَ ١٠ نَزَلْنَا  
فَطَرْنَا .. وَرَكَبْنَا الْأَتُوبِيْسَ تَانِي .. وَوَصَلْنَا وَاحَةَ سَيُوءَ السَّاعَةَ ١ الضُّهْرَ.

نَجْلَاءُ      و شفتوا إيه هناك؟  
مُعْتَزٌ      شفنا عيون سُخْنَة و عيون ساقعة .. هناك فيه حوالي ٢٠٠٠ عين.  
نَجْلَاءُ      و اتفرجتوا هناك على الصحرا البيضاء؟  
مُعْتَزٌ      لا .. لا.. إحنا ركبنا بعد كده عربيات جيب و دخلنا الصحرا .. و قبل  
واحة الفرافرة بشوية بحوالي ٦٠ أو ٧٠ كم وصلنا و شفنا الصحرا  
البيضا. لونها أبيض و جميل .. و عملنا هناك خيمة و نمنا يومين في  
الصحرا. لازم تيجي معنا المرة الجاية يا نجلاء.  
نَجْلَاءُ      إن شاء الله يا مُعْتَزٌ .. لازم أشوف الصحرا البيضاء شكلها إيه!

#### لاحظ القواعد

#### الفعل الماضي الصحيح

٦ 		٥ 		
سَافِرٌ	حَضَرٌ	رَكِبَ	كَتَبَ	
سَافِرْتُ	حَضَرْتُ	رَكَبْتُ	كَتَبْتُ	أنا
سَافِرْتَ	حَضَرْتَ	رَكَبْتَ	كَتَبْتَ	إنت
سَافِرْتِي	حَضَرْتِي	رَكَبْتِي	كَتَبْتِي	إنتي
سَافِرْ	حَضَرْ	رَكِبْ	كَتَبْ	هو
سَافِرَتْ	حَضَرَتْ	رَكَبَتْ	كَتَبَتْ	هي
سَافِرْنَا	حَضَرْنَا	رَكَبْنَا	كَتَبْنَا	إحنا
سَافِرْتُوا	حَضَرْتُوا	رَكَبْتُوا	كَتَبْتُوا	إنتو
سَافِرُوا	حَضَرُوا	رَكَبُوا	كَتَبُوا	هم



٩ 		٨ 		٧ 	
اِسْتَعْمَلَ	اِفْتَكَرَ	اِنْبَسَطَ	اِتَقَابَلَ مَعَ	اِتَفَرَّجَ عَلَى	اُعْلَنَ
اِسْتَعْمَلْتُ	اِفْتَكَرْتُ	اِنْبَسَطْتُ	اِتَقَابَلْتُ مَعَ	اِتَفَرَّجْتُ عَلَى	اُعْلَنْتُ
اِسْتَعْمَلْتَ	اِفْتَكَرْتَ	اِنْبَسَطْتَ	اِتَقَابَلْتُ مَعَ	اِتَفَرَّجْتُ عَلَى	اُعْلَنْتَ
اِسْتَعْمَلْتِي	اِفْتَكَرْتِي	اِنْبَسَطْتِي	اِتَقَابَلْتِي مَعَ	اِتَفَرَّجْتِي عَلَى	اُعْلَنْتِي
اِسْتَعْمَلِ	اِفْتَكِرْ	اِنْبَسِطْ	اِتَقَابِلْ مَعَ	اِتَفَرِّجْ عَلَى	اُعْلِنْ
اِسْتَعْمَلْتَ	اِفْتَكَرْتَ	اِنْبَسَطْتَ	اِتَقَابَلْتُ مَعَ	اِتَفَرَّجْتُ عَلَى	اُعْلَنْتَ
اِسْتَعْمَلْنَا	اِفْتَكَرْنَا	اِنْبَسَطْنَا	اِتَقَابَلْنَا مَعَ	اِتَفَرَّجْنَا عَلَى	اُعْلَنَّا
اِسْتَعْمَلْتُوا	اِفْتَكَرْتُوا	اِنْبَسَطْتُوا	اِتَقَابَلْتُوا مَعَ	اِتَفَرَّجْتُوا عَلَى	اُعْلَنْتُوا
اِسْتَعْمَلُوا	اِفْتَكَرُوا	اِنْبَسَطُوا	اِتَقَابَلُوا مَعَ	اِتَفَرَّجُوا عَلَى	اُعْلَنُوا

الفعل الماضي المعتلّ

١٢ 	١١ 			١٠ 	
الآخر			النصّ	الأول	
صحي	(ي) شال	(و) شاف	(أ) نام	وصل	
صَحِيتْ	شَلْتُ	شُفْتُ	نَمْتُ	وَصِلْتُ	أنا
صَحِيتْ	شَلْتُ	شُفْتُ	نَمْتُ	وَصِلْتُ	إنت
صَحِيتِي	شَلْتِي	شُفْتِي	نَمْتِي	وَصِلْتِي	إنتي
صَحِي	شَال	شَاف	نَام	وَصِل	هو
صَحِيتْ	شَالَتْ	شَافَتْ	نَامَتْ	وَصِلَتْ	هي
صَحِينَا	شَلْنَا	شُفْنَا	نَمْنَا	وَصِلْنَا	إحنا
صَحِيتُوا	شَلْتُوا	شُفْتُوا	نَمْتُوا	وَصِلْتُوا	إنتو
صَحِيُوا	شَالُوا	شَافُوا	نَامُوا	وَصَلُوا	هم



الفعل الثلاثي المهموز

١٤ 		١٣ 	
في الآخر	في النص	في الأول	
قرأ = قرا	سأل	أكل / كل	أخذ / خد
قَرَيْتَ	سَأَلْتُ	أَكَلْتُ / كَلْتُ	أَخَذْتُ / خَدْتُ
قَرَيْتَ	سَأَلْتُ	أَكَلْتُ / كَلْتُ	أَخَذْتُ / خَدْتُ
قَرَيْتَنِي	سَأَلْتَنِي	أَكَلْتَنِي / كَلْتَنِي	أَخَذْتَنِي / خَدْتَنِي
قَرَأَ	سَأَلَ	أَكَلَ / كُلَّ	أَخَذَ / خَدَّ
قَرَيْتَ	سَأَلْتُ	أَكَلْتُ / كَلْتُ	أَخَذْتُ / خَدْتُ
قَرَيْنَا	سَأَلْنَا	أَكَلْنَا / كُلْنَا	أَخَذْنَا / خَدْنَا
قَرَيْتُمَا	سَأَلْتُمَا	أَكَلْتُمَا / كَلْتُمَا	أَخَذْتُمَا / خَدْتُمَا
قَرَوْا	سَأَلُوا	أَكَلُوا / كُلُوا	أَخَذُوا / خَدُّوا

١٥ 

الفعل الثلاثي المضعف

حَطَّ							
أَنَا	إِنْتَ	إِنْتِي	هُوَ	هِيَ	إِحْنَا	إِنْتُمَا	هُمْ
حَطَّيْتُ	حَطَّيْتَ	حَطَّيْتِي	حَطَّ	حَطَّتْ	حَطَّيْنَا	حَطَّيْتُمَا	حَطُّوا

نفي الماضي

إنت ركبت تاكسي؟ لا .. مارَكِبْتِش تاكسي رَكِبْتِ أُتوبيس.

لا + ما + فعل ماضي + ش



## التدريبات

تدريب (٢ - أ)

كلمة مفيدة: رَجُل

اختار الفعل المناسب للحوار (ممكن تستعمل الكلمة أكثر من مرة).  
زار - عمل - كلم - قابل - سافر - جاب - اشترى - أخذ - اتغدى - شاف.

(ب)	(أ)
أول إمبراح ..... سامر في المستشفى عشان كسر رجله!	١- ..... إيه أول إمبراح؟
لا ..... لكن ..... في التليفون.	٢- ..... عادل إمبراح؟
لا إحنا ..... فرنسا. إحنا ..... مالطا.	٣- السنة الي فاتت إنتو ..... فرنسا. مش كده؟
من بوتيكَ نانا و ..... الجيبة دي من محل جنبه.	٤- ..... الجاكتة دي منين يا نوال؟
آه ..... كل حاجة بس ممكن تشتري لي فاكهة؟	٥- ..... الأكل كله خلاص؟



٦- أخذت أجازة الأسبوع اللي فات؟	لا أنا ..... أجازة الأسبوع اللي فات خالص.
٧- تيجي نتغدى في مطعم تكا؟	لا شكراً أنا ..... خلاص.
٨- ..... فيلم باحب السيم؟	لا ..... الفيلم ده! هو في أنهي سينما؟


اسمع و صحح.



تدريب (٢ - ب)

عَلَقَة سُخْنَة

كلمات مفيدة: يجري / يجري / يغلب / لاعب / لعبة  
/ علقَة سُخْنَة / طاقية / مسك / غريب / اتسرق



اسمع الحوار و جاوب.

١- مایسة و باسم اتسرقوا؟

٢- اسمع و رتب الصور مع

زميلك.

٣- كمل الجمل دي:

• مایسة بتقدر .....

• بتعرف .....

• بتعرف .....

• کویس قوي.

• هي أخذت ..... من النادي.

- ٤- مائية أأءء الجائزة ليه؟  
 ٥- هي و باسم راحوا فين إمارح؟ ليه؟  
 ٦- الحرامي فين دلوقتي؟  
 ٧- اءكي لزميلك حصل إيه.  
 ٨- اءكس الأءوار و زميلك يءكي الءكاية مرة ثانية.

### ءءريب (٢ - ء)

(أ) اءءار موءف من المواقف ءي. اءمل ءكاية و قول لزميلك حصل إيه في الموءف ءه. اسءعمل الءلمات المساعءة اللي في الصور.

#### موءف (٢)



ءلمات مساعءة

- سمكة ءبيرة
- وقعت
- ماباعرفش أءوم

#### موءف (١)



ءلمات مساعءة

- عيء ميلاء/ اءأءر
- طابور/ زءمة
- مافيش ءءاكر
- اءءانق
- اسءنيت ءءير



موقف (٣)



كلمات مساعدة

- القطر قام
- نسي ابنه
- جري
- نزل

موقف (٤)



كلمات مساعدة

- مكتبة / أخذت كتاب
- قرئت حكاية
- ضرب
- تاكسي
- قسم البوليس

موقف (٥)



كلمات مساعدة

- الأكل بتاعي
- مسك
- خفت
- جري

موقف (٦)



كلمات مساعدة

- شفت بنت حلوة
- عزمت
- ميعاد
- مقابلة

(ب) احكي لزميلك عن موقف حصلك في الماضي.

استماع (٢ - ب)

- حَنان ياخبر يا مائسة! إيه الحكاية؟ إزاي ده حصل؟  
مائسة شوفي يا ستي .. إمبراح النادي عمل لي حفلة كبيرة عشان أخذت جائزة  
في الكاراتيه وكسبت كمان جائزة تانية عشان قدرت أجري ٦ كم في  
رُبع ساعة.
- حَنان صحيح؟ .. ألف مبروك! أنا عارفة .. إنتي شاطرة قوي في الكاراتيه  
و الجُري و بتغلبي كل اللعيبة.
- مائسة طبعاً باسم جوزي انبسط جداً و عزمي في فندق كونكورد .. فاتعشنا ..  
ورقصنا و رجعنا البيت متأخر قوي.
- حَنان طيب برافو عليكم .. هه .. و بعدين؟  
مائسة وصلنا البيت .. لقيت باب الشقة مفتوح شوية و شفت التلفزيون بتاعنا  
برة باب الشقة و شفنا واحد لابس طاقية و شكله غريب جوّة الشقة.
- حَنان ياخبر! .. مش معقول! و بعدين؟  
مائسة طبعاً جوزي فتح الباب بسرعة .. و ضربه .. بسّ الحرامي ضربنا برضه  
.. طبعاً أنا استعملت الكاراتيه بتاعي و ضربته علقة سخنة .. بسّ هوّ  
جري في الشارع.
- حَنان جري في الشارع .. طيب و عملتي إيه؟  
مائسة جريت وراه بسرعة و مسكته .. و جوزي أخذه للبوليس .. و الحمد لله  
ما سرقش حاجة.
- حَنان الحمد لله. و هوّ طبعاً في السجن دلوقتي .. مش كده؟



## تقديم (٣)

شفتك فين قبل كده؟



دول ناس أول مرة يشوفوا بعض  
في الطابور.  
اسمع الحوار.

صفوت ياها! .. الطابور قدام البنك طويل قوي .. إحنا مش هنروح النهارده  
وللا إيه؟

نُها آه .. فعلاً أنا كمان هنا من بدري من الساعة ٨ الصبح و دلوقتي  
الساعة ١ الظهر.

صفوت دايماً البنك زحمة الساعة ١ الظهر عشان بيقفل الساعة ٢.

نُها و خصوصاً قرب آخر الشهر. دايماً البنك زحمة قرب آخر الشهر.

صفوت آه .. فعلاً .. لكن حضرتك شكلك مش غريب علياً. أنا شفتك فين قبل كده؟

نُها مش فاكرة .. لكن برضه حضرتك شكلك مش غريب علياً ..

بس مش متأكدة شفتك فين.

صفوت إم .. إم .. آه أقولك .. يمكن شفتك في كورس الكومبيوتر السنة اللي فاتت

مع أستاذ مُسعد. أنا اسمي صفوت خيري.

نُها آه .. صحيح يا صفوت .. أنا آسفة! ما عرفتكمش في الأول.

صفوت أيوه. طبعاً عشان تخنت شوية .. و دلوقتي عندي دقن و أصلع شوية.

نُها لا ماتخنتش قوي .. طيب دي فرصة سعيدة قوي!

صفوت و أنا أسعد.

جاوب على الأسئلة.

- ١- هم فين؟
- ٢- هم في أول الشهر وللا في آخر الشهر؟
- ٣- هم يعرفوا بعض قبل كده؟ منين؟
- ٤- صفوت اتغير في إيه؟

لاحظ معنى العبارات دي

اقرا و اختار المعني الصحيح.

ياه! .. الطابور ده طويل قوي.	يعني	هو مدايق عشان هيتأخر. هو مبسوط عشان هيمشي بسرعة.
إحنا مش هنروح وللا إيه؟	يعني	هو عايز يعرف هيروح إمتي؟ هو مدايق عشان هيتأخر.
شكلك مش غريب علياً؟	يعني	هو شافها قبل كده؟ متأكد؟ هو فاكر اسمها أو شافها فين؟
أنا شفتك فين قبل كده؟	يعني	هو شاف الست دي قبل كده؟ متأكد؟ هو عارف إمتي؟ وفين شاف الست دي؟
أنا برضه باقول كده.	يعني	أنا مش موافق على الكلام ده. أنا موافق و باقول نفس الكلام ده.
فرصة سعيدة!	يعني	مبسوط عشان قابلتك. بيتكلم عن واحدة اسمها فرصة سعيدة.



و أنا أسعد.	يعني	هو بيقول أنا اسمي أسعد. هو بيقول أنا كمان مبسوط عشان شفتك وقابلتك.
-------------	------	--



١٩

## التدريبات

### تدريب (٣ - أ)

كلمات مفيدة: ياترى؟ / أغلب الناس

دي صور لمواقف مختلفة. ناقش مع زميلك إيه المواقف دي.

١- اقرا و اختار الرد المناسب لكل جملة.

٢- ناقش مع زميلك أنهي جملة مناسبة للموقف.

٣- اسمع و صحح الجمل.





١- الحفلة دي ظريفة قوي.

٢- إحنا هناخد وقت عشان نتكلم

عربي كويس مش كده؟

٣- أنا شفت حضرتك فين قبل كده؟

٤- شكل حضرتك مش غريب علياً؟

٥- شفتي العروسة قبل كده؟

٦- يا ترى مدرّس العربي ده كويس؟

- آه .. بيقولوا عليه مدرّس كويس.

- آه .. إحنا اتقابلنا في حفلة

قبل كده.

- اتكلم مع المصريين كتير وإنت

هتتعلم بسرعة.

- شفتنا بعض في فرح قبل كده

الأسبوع اللي فات.

- مش متأكدة شفتها فين قبل كده!

لا مش فاكرة.

- آه و الأكل كمان لذيذ قوي.



٢٠

تدريب (٣ - ب (١))

أصحاب من زمان



اسمع الحوار ده.

جاوب على الأسئلة.

١- همّ من أنهي بلد؟

٢- همّ راحوا أنهي مدرسة؟

٣- صُبّحي عنده أخ؟ اسمه إيه؟

٤- أسامة اسمه ..... ليه؟

اسمع مرّة تانية و كمل.

١- لو سمحت لحظة واحدة ..... أنا .....؟

٢- لا! في الحقيقة أنا مش ..... لا مش متأكّد .....



٣- أنا ..... قبل ..... فين؟

٤- أهلاً وسهلاً دي .....؟

٥- وأنا .....

اقرا الحوار و كرّره مع زميلك مرّة ثانية بالتبادل.

اختر المعنى الصحّ.

إزاي الكلام ده؟	يعني	هوّ بيسأل سؤال؟ هوّ مش موافق؟ هوّ عنده رأي ثاني؟
شفت إزاي؟	يعني	هوّ كلامه صحّ؟ هوّ عنده رأي؟ هوّ بيقول إنّ رأيّه صحّ؟

### تدريب (٣ - ب(٢))

إنت أوّل مرّة تشوف شخص في مواقف مختلفة.

استعمل المواقف و الكلمات المساعدة دي عشان تبتي محادثة مع زميلك زيّ المثال:

#### الموقف

١- طابور في السينما.

#### كلمات مساعدة

طالب (أ): الطابور/ فيلم كويس/ ياترى

طالب (ب): بيقولوا في الجورنال

## المحادثة

طالب (أ): الطابور ده مش هيخلص؟ ياترى الفيلم ده كويس؟

طالب (ب): بيقولوا عليه في الجورنال فيلم هایل قوي.

الموقف	كلمات مساعدة
٢- في حفلة	طالب (أ) حفلة ظريفة / الحفلة زحمة / الأكل كثير. طالب (ب) حفلات الكريسماس كلها / مزيكا حلوة / هایل.
٣- أول يوم في الدورة في الفصل	طالب (أ) كويس / المدرس / بيقولوا عليه. طالب (ب) زميلي / قبل كده / درس / مش بطل.
٤- ماتش كرة في الاستاد	طالب (أ) التذاكر / الطابور / غالية / الفريق. طالب (ب) خسران / كسبان / اللعبة الحلوة.
٥- في السنترال عشان تدفع فاتورة التليفون	طالب (أ) اتأخرت .. كمل. طالب (ب) يمكن قدامنا ساعة كمان .. كمل.
٦- عايزين تشتروا تذاكر للأوبرا	طالب (أ) التذاكر خلصت .. طالب (ب) تذاكر بلكون ..
٧- شفت صديق (صاحب) قديم	طالب (أ) ساكن في إمبابة .. طالب (ب) اتخرجت من جامعة القاهرة ..



### تدريب (٣ - ج)

#### تمثيل

(أ) إنت ماشفتش زميلك من زمان .. قابلته في المواقف دي:

١- كان ساكن جنبك أيام المدرسة.

٢- درستوا مع بعض في الجامعة.

٣- كنتوا ساكنين في نفس الأوضة.

٤- روختوا رحلة مع بعض قبل كده.

٥- كان بيلعب معاك تنس كثير في النادي زمان.

٦- كنتوا بتشتغلوا مع بعض في شركة واحدة.

(ب) اعمل حوارات و استعمل العبارات الجديدة.

.....

.....

.....

(ج) فكر في مواقف ثانية من عندك.

.....

.....

.....

(د) اعمل محادثة مع زميل لأول مرة تشوفه في المواقف دي:

١- المترو زحمة قوي و مافيش مكان عشان تقف.

٢- عايزين تشتروا تذاكر قطر و الطابور طويل.

٣- قابلته في حفلة لأول مرة و بتتكلم عن الناس و الحفلة.

٤- الطائرة اتأخرت و إنت في صالة الترانزيت.

٥- الأتوبيس عطل وإنت عايز تروح شرم الشيخ.

٦- الأسانسير عطلان وإنتوا قدام باب الأسانسير وعايزين تطلعوا.

(هـ) فكَر في مواقف تانية من عندك.

### نص الاستماع لتدريب (٣ - ب(١))

- أُسامة      لو سمحت لحظة واحدة .. أنا شفتك قبل كده؟! صحّ؟
- صُبحي      لا!! في الحقيقة أنا مش فاكرك.. إم .. لا لا مش متأكّد شفتك قبل كده وللا لأ..
- أُسامة      لأ... إزاي الكلام ده؟! شكك مش غريب عليّا.. أنا ما انساك حدّ أبداً .. أنا متأكّد شفتك قبل كده .. بس فين؟ .. فين؟ آه .. إنت عشت في طنطا؟
- صُبحي      آه .. أنا اتولدت في طنطا وعشت هناك مدّة.
- أُسامة      ودخلت مدرسة ثانوي بعد كده؟ مدرسة سعد زغلول؟
- صُبحي      آه .. مضبوط درست في المدرسة دي وبعدين سبت طنطا عشان أدخل جامعة القاهرة و اتخرّجت من هناك.
- أُسامة      شفت إزاي؟ وعندك أخ اسمه حسين.. صحّ؟
- صُبحي      أيوه .. أيوه مضبوط عندي أخ اسمه حسين. الله!! إنت مين؟ أُسامَة؟ ..
- أُسامة أبو طويلة؟
- أُسامة      بالظبط يا سيدي .. أنا أُسامَة أبو طويلة .. أطول واحد في الفصل. فاكرك؟ وللا ناسي؟
- صُبحي      آه .. مضبوط .. مضبوط .. أهلاً وسهلاً! إزيك ياراجل؟ .. دي فرصة سعيدة قوي.
- أُسامة      وأنا أسعد .. وإيه أخبارك؟





## من واقع الحياة

### الاستماع

كلمات مفيدة: الطريق الدائري / تاه /  
الدنيا مطّرت / المقابر / خاف / لقيت /  
اتصرّفت / عندي حرارة



### ليلة مش تمام

(أ) سوسن زارت أخوها بهاء.

بُصّ للصورة و ناقش زميلك:

١- إيه مشكلة بهاء؟

٢- هوّ فين دلوقتي؟

٣- ليه؟

(ب) اسمع و اعرف الرد على الأسئلة دي.

(ج) اسمع و جاوب.

١- بهاء انبسط مع أصحابه؟

٢- هوّ روح البيت بدري وللا متأخر؟ ليه؟

٣- إيه اللي حصل؟

٤- هوّ أخذ برد ليه؟

٥- سوسن هتعمل إيه؟

٦- هوّ صلّح العربية؟

(د) حَطَّ خط تحت الكلمة الصح.

”هُوَ عِنْدَهُ انْفِلُونْزَا مِنْ إِمْبَارِح.“ يَعْنِي

١- هُوَ أَخَذَ انْفِلُونْزَا ( إِمْبَارِح / النَهَارْدَه / أَوَّلُ إِمْبَارِح ).

٢- هُوَ (النَهَارْدَه كَوَيْس / لَسَّة عِنْدَهُ انْفِلُونْزَا).

### نَصَّ الاستماع لواقع الحياة

سَوَسْن إِيه فِيه إِيه يَا بَهَاء؟ مَالَك؟ حَصَلَ إِيه؟

بَهَاء أَنَا تَعْبَان قَوِي يَا سَوَسْن.

سَوَسْن إِيه بَس؟ لِيه تَعْبَان قَوِي كَدَه؟

بَهَاء يَوْمَ الْجُمُعَةِ رَحْتُ أَنَا وَأَصْحَابِي وَاتَعَشَيْنَا فِي مَطْعَمٍ جَنْبَ سَقَّارَةِ

وَالْهَرَمِ .. وَالْحَمْدُ لِلَّهِ أَكَلْنَا .. وَضَحَكْنَا .. وَسَمِعْنَا مَزِيكَ ..

وَانْبَسَطْنَا قَوِي.

سَوَسْن طَيِّبٌ وَإِيه الْمَشْكَلَةُ؟

بَهَاء وَصَلْتُ أَصْحَابِي بِيوتَهُمْ .. وَشَفْتُ شَارِعَ صَغِيرٍ مَشَيْتَ فِيهِ وَقَلْتُ دَه

هِيَوْصَلْنِي لِلطَّرِيقِ الدَّائِرِي بِسُرْعَةٍ.

سَوَسْن مَاشِي. وَبَعْدِينَ؟

بَهَاء دَخَلْتُ فِي الشَّارِعِ دَه وَسُقْتُ شَوِيَّةً. لَقَيْتُ نَفْسِي فِي حَتَّةٍ غَرِيبَةٍ قَوِي ..

سُقْتُ كَثِيرًا وَالدُّنْيَا مَطَرَتْ عَلَيَّ وَالْعَرَبِيَّةُ عَطَلَتْ فِي الْمَطَرَةِ.

سَوَسْن وَعَمِلْتُ إِيه فِي الْمَوْقِفِ دَه؟

بَهَاء نَزَلْتُ مِنَ الْعَرَبِيَّةِ .. وَدَوَّرْتُ عَلَى حَدٍّ يَسَاعِدُنِي أَوْ يَقُولُ لِي أَنَا فِين ..

مَالْقَيْتُش حَدَّ أَبَدًا .. وَصَلْتُ لَغَايَةِ الْمَقَابِرِ تَقْرِيبًا .. وَطَبْعًا خُفْتُ قَوِي

عِشَانُ تُهَتْ .. وَكَمَانُ أَخَذَتْ بَرْدَ عِشَانٍ مَالْبِسْتِشْ تَقِيل.

سَوَسْن وَبَعْدِينَ يَا بَهَاء اتَصَرَّفْتُ إِزَاي؟

بَهَاء شَفْتُ نَوْرَ مَنْ بَعِيدٍ وَجَرَيْتُ وَالْحَمْدُ لِلَّهِ وَصَلْتُ لِلطَّرِيقِ الدَّائِرِي وَأَخَذْتُ



تاكسي و رُوحت. بس أخذت انفلونزا و تعبت قوي .. و دلوقتي عندي  
حرارة ٣٨ من إمبارح.  
سؤسن طيب معلىش. أنا هاعملك شوربة هايلة دلوقتي.. المهم .. صلّحت العربية؟

### القراءة

اقرأ الإعلان عن الفيلم.



المركز الثقافي الفرنسي  
الفيلم: ناصر ٥٦: يوم الأربعاء الساعة ٨ بالليل  
في سينما التحرير.

### مين هو ناصر؟

- اتولد في ١٥ يناير سنة ١٩١٨ في اسكندرية.
- دخل المدرسة في أسيوط سنة ١٩٢٣.
- اتخرج من المدرسة بعد ١٣ سنة.
- دخل كلية الحقوق لكن ساب الكلية ودرس في الكلية الحربية واتخرج منها سنة ١٩٣٩.
- أول ما اتخرج إتجوز وخلف أول ابن.
- قام بثورة مع الضباط المصريين ضد الإنجليز و الملك سنة ١٩٥٢.
- بقى رئيس للجمهورية في نفس السنة.
- خلف بعد الثورة ابنه الثاني و بعد كده خلف بنتين.
- مات سنة ١٩٧٠.

جاوب.

- ١- مين هو؟
- ٢- اتولد إمتى؟
- ٣- درس فين؟
- ٤- اشتغل إيه؟
- ٥- مات إمتى؟
- ٦- الفيلم كان إمتى؟

### الكتابة

#### عايز وظيفة

- ده موظف جديد بيقابل المدير. كمل الحوار. هو بيقول إيه للموظف؟
- ١- اقرا الرد بتاع الموظف.
  - ٢- اكتب أسئلة المدير.



- مدير ..... ؟
- موظف ..... اتولدت سنة ١٩٦٠.
- مدير ..... ؟
- موظف ..... في جامعة عين شمس.
- مدير ..... ؟
- موظف ..... اتخرجت من ٤ سنين.
- مدير ..... ؟
- موظف ..... درست المحاسبة.
- مدير ..... ؟
- موظف ..... أيوه درست لغات. درست إنجليزي وفرنساوي.
- مدير ..... ؟
- موظف ..... اشتغلت في البنك الأهلي.



- مدير ..... ؟  
 موظف درست كومبيوتر طبعاً و باعرف اشتغل عليه كويس.  
 مدير ..... ؟ ..... ؟  
 موظف أيوه متجوز و عندي بنتين و ولد .. و مرتبي ٢٠٠٠ جنيه في الشهر.

٣- صحح مع زميلك.

### الكلام



#### موقف (١)

- طالب (أ) إنت قابلت صديقة قديمة و عرفتھا.  
 طالب (ب) إنت مش فاكّر شفتھا فين قبل كده؟  
 حاولوا تتعرفوا على بعض.

#### موقف (٢)

- طالب (أ) إنت أستاذ الفصل عايز تتعرف على الطلبة بتوعك.  
 طالب (ب) إنتوا بتقولوا للمدرس معلومات عن نفسكم.  
 طالب (ج) حاول تقدم نفسك و تقدم زميلك.

#### موقف (٣)



- ١- إنت رجعت من أجازة الصيف. احكي  
 لزميلك عملت إيه في أجازة الصيف.  
 ٢- اسأل زميلك عن أجازته.  
 ٣- حاول تقول موقف أو حادثة  
 حصلت لك في الأجازة دي.

## افكر

النفي	١- الفعل الماضي	
ما ..... تَشْ	ت .....	أنا
ما ..... تَشْ	ت .....	إنتَ
ما ..... تيشْ	تي .....	إنّتي
ما ..... شْ	.....	هوَّ
ما ..... تُشْ	ت .....	هيَّ
ما ..... نَاشْ	نا .....	إحنا
ما ..... تُوشْ	توا .....	إنّتوا
ما ..... وشْ	وا .....	همَّ

٢- عشان أعرف نفسي أو أعرف معلومات عن الناس:

اتولدت فين؟ عشت فين؟ درست إيه؟ اتخرجت إمتى؟  
اشتغلت إيه؟ اتجوزت؟ عندك أولاد؟

أنا اتولدت في ..... و درست في ..... و بعدين ..... و لما اتخرجت .....

٣- للتعرف على صديق ما شفتهوش من زمان:

- شفتك فين قبل كده؟
- شكك مش غريب علياً؟





## الوحدة الثانية

### محتويات الموضوعات في الوحدة الثانية

- ◆ تقديم (١) وصف الصور والمناظر.
- ◆ تقديم (٢) وصف الناس والمهنة.

### ٢ در دش معانا

- ◆ تقديم (٣) السؤال عن الأشياء ووصفها - تعبيرات مشهورة.

## فهرس الكلمات الجديدة في وحدة ٢

### تقديم (١)

شكلهم فرعوني - ماسك - فاس - يستريح - رافع - فلاح / فلاحة - مناظر  
- يوصف - حالة - من الصبح بذاكر - باصص - يخلق - حاطط رجل على رجل  
- تاج - ملك / ملكة.

### تقديم (١٢)

جد / جدة - عم / عمّة - خال / خالة - كتف - ساند - بنت - ابن عم - بنت خال  
- ابن خال - أولاد عم - أولاد خال - يعيد.

### تقديم (٢ب)

يوم العيد - لعبة - طول الوقت - اوصف - بالتبادل.

## ٤ دردش معانا

### تقديم (٣)

حظ - أم شعر أحمر - أبو دقن - خلّاط - عُقد - فرصة شغل - ورايا مشوار  
- تحت أمرك - قدامي فرصة - معاك ٥ دقائق - مستعجل - للأسف - بجد.

### من واقع الحياة

اتأخرت عليك - راجل أصلع - قماش - ميزان - الراجل المسكين - الاستقبال  
- مش معقولة.





## تقديم (١)

### صورة مصرية



اسمع و كرّر مع المدرّس.

- |  |      |
|--|------|
| صوّرت الصورة دي فين يا جيمس؟   | مارك |
| صوّرت الصورة دي في قرية جنب الأقصر .. لما سافرت هناك عشان اتفرّج على معبد الأقصر و الحمد لله اتفرّجت على المعابد الجميلة كلها.           | جيمس |
| والصورة الجميلة دي فين؟  | مارك |
| في قرية جنب الأقصر. شوف الناس شكلهم فرعوني. مصري قوي.  | جيمس |
| آه .. صحيح .. و شوف فيه ناس كتير بتشتغل في الأرض.  | مارك |
| آه .. طبعاً. الناس هناك بتشتغل طول النهار. بَصّ الفلاح ده راكب حمار و ماشي جنبه ابنه الصغير .. ضروري بيساعد أبوه.                        | جيمس |
| وشوف الفلاحين دول قاعدين تحت الشجرة لازم بيستريحوا من الشمس و الشغل .. و واحد جنبهم نايم كمان هناك شوف.                                  | مارك |
| طبعاً لازم يستريحوا شوية .. عشان بيتعبوا قوي .. و بَصّ هناك الفلاحة دي شايلة حاجة .. شايلة الأكل أو المية و ده جوزها .. اللي ماسك الفاس. | جيمس |



مارك آه .. دي لابسة جلابية جميلة قوي .. و شوف رافعة إيدها إزاي عشان تمسك الأكل. شاطرة قوي.

جيمس يعني كويسة الصورة؟ حلوة؟ آه .. على فكرة .. أنا مسافر البحر الأحمر الأسبوع الجاي .. وهاصور مناظر تاني إن شاء الله.

### لاحظ المعنى

الفلاح بيعمل إيه؟ اوصف. بص للصور و لاحظ.

فيه حركة	مفيش حركة	فيه حركة	مفيش حركة
			
بيقف	واقف	بيقعد	قاعد
			
بيلبس	لابس	بيركب	راكب
			
بتشيل	شائلة		



الفعل بيوضَح:	اسم الفاعل بيوضَح:
إليه اللي حصل.	مين اللي بيعمل الفعل.
إمتى حصل الفعل.	بيوصف حالة الفاعل.
مين عمل الفعل.	


### لاحظ القواعد

(١) الفرق بين الفعل و الوصف في المعنى

الوصف: اوصِف حالة الفاعل.	الفعل: الفلّاح بيعمل / عمل / هيعمل إيه؟ مضارع / ماضي / مستقبل
قاعد على الأرض.	١- بيقعد على الأرض / قعد على الأرض / هيقعد على الأرض ←
شايلة الأكل.	٢- الفلاحة بتشيل الأكل / شالت / هتشيل ←
واقف جنب أبوه.	٣- بيقف جنب أبوه / وقف / هيقف جنب أبوه ←
نايم تحت الشجرة.	٤- بينام تحت الشجرة / نام / هينام تحت الشجرة ←
راكب الحمار.	٥- بيركب الحمار / ركب / هيركب الحمار ←







#### (٤) تصريف اسم الفاعل من أفعال تانية

الفعل	للمذكر	للمؤنث	للمؤنث	للمؤنث	للمؤنث
(أ) فعل حرفين وشدة. (حط)	أنا إنت هو	حاطط	أنا إنتي هي	حاطة	إنتو إحنا هم
(ب) أكثر من ٣ حروف. (اتأخر)	أنا إنت هو	متأخر	أنا إنتي هي	متأخرة	إنتو إحنا هم
					متأخرين



#### التدريبات

##### تدريب (١ - أ)

اسمع و قول فين اسم الفاعل في الجملة.

١ - طالب (أ): فين أحمد يا مصطفى؟

طالب (ب): أحمد عايش في إنجلترا من ٣ سنين عشان بيذاكر الدكتوراه

و هيرجع بعد سنة.

٢ - طالب (أ): إنت بتحب الزمالك وللا المهندسين؟

طالب (ب): أنا باحب الزمالك. أنا ساكن هناك من ١٥ سنة.

٣- طالب (أ): فين الأستاذ علي؟

طالب (ب): الأستاذ علي قاعد في المكتب بتاعه.

٤- طالب (أ): ياه! الراجل ده شكله مدّايق قوي؟

طالب (ب): عشان مستنّي الأتوبيس و المحطّة زحمة و الدنيا حرّ.  
الأتوبيس إتأخّر.

٥- طالب (أ): ياه! شكلك حلو قوي يا سلوى النهارده! هيّ إيه الحكاية؟

طالب (ب): شكلي حلو عشان حاطّة مكياج النهارده .. إيه رأيك كده أحسن؟

٦- طالب (أ): شوف يا عُمر الولد ده ماسك إيد مامته إزاي؟

طالب (ب): أنا كمان هامسك إيدك يا ماما.

٧- طالب (أ): بُصّ يا حمادة الست دي شايلة حاجات كتيرة و ثقيلة إزاي.

طالب (ب): حاضر ها قوم عشان هيّ تقعد مكاني على الكرسي.

٨- طالب (أ): ألو .. أستاذ عادل موجود لو سمحتي؟

طالب (ب): أيوه يا فندم. لكن أنا آسفة .. هوّ نايم دلوقتي.

### تدريب (١ - ب)

#### كلام

١- طالب (أ) أنت عايز تعرف مين في أوضة (١) / (٣) / (٦)؟

اكتب اسمهم. اكتب اسم الأوضة.

٢- اطلب من زميلك يوصف كلّ واحد في أنهي أوضة و بيعمل إيه. و شكله إيه.

استخدم افعال من غير حركة للوصف.

ملاحظة: بعض أفعال الحركة تعطي معنى المضارع المستمر مع اسم الفاعل.



## كلمات مساعدة

ساند / ماسك / رافع / نايم / قاعد / لابس .. إلخ.

## صورة (١)





١- طالب (ب): إنت عايز تعرف مين في أوضة (٢) / (٤) / (٥).

اكتب اسمهم. اكتب اسم الأوضة.

٢- اطلب من زميلك يوصف كل واحد في أنهي أوضة و بيعمل إيه و شكله إيه.

### كلمات مساعدة

باصص / فاتح / حائط / قاعد / لابس .. إلخ.

### صورة (٢)





تدريب (١ - ج (١))

مين هو؟

١- طالب (أ) استعمل نفس الصورة اللي فاتت و اوصف شخصية.

٢- طالب (ب) يخمن مين الشخصية دي.

كرروا النشاط بالتبادل.

تدريب (١ - ج (٢))

كلام

دي صورة من معبد الأقصر:

طالب (أ) استعمل الكلمات اللي في الصورة دي و اوصف الصورة.



اعمل جملة زي كده.

الملكة لابسة تاج و شعرها طويل و ماسكة ..... و واقفة ورا ..... و رافعة

..... إلخ.

## تابع تدريب (١ - ج (٢))


دي صورة من معبد الأقصر:

طالب (ب) استعمل الكلمات المساعدة اللي في الصورة اللي فاتت و اوصف الصورة.



## تقديم (١٢)

العيلة







مفرد مذكر	جمع	مفرد مؤنث	جمع
جدّ	جدود	جدة	جدّات
أب	أبهاث	أمّ	أمّهات
خال	خيلاّن	خالة	خالات
عمّ	عمام أو أعمام	عمّة	عمّات
حما		حماة	حموات
زوج / جوز	أزواج / أجواز	مِرات	مِراتات

## التدريبات

تدريب (١٢ - أ)

مين هو؟

- ١- إمبراح قابلت ..... ورحنا الاستاد مع بعض.
- ٢- الأسبوع اللي فات رجعت ..... و جوزها من دُبّي.
- ٣- ..... طبخت لنا أكلة من أكالات زمان.
- ٤- بكرة بابا هياخد ..... للدكتور عشان عيّانة قوي.
- ٥- ..... هيسافر بكرة لندن.

- (أخو بابا)  
(أخت ماما)  
(مامة بابا)  
(أخته)  
(أخو ماما)


## تدريب (١٢ - ب) صورة عائلية

كلمة مفيدة: يعيد

اسمع الوصف و اكتب الاسم.



قول صفة للاسم اللي تسمعه (عم - خالة - جد..... الحج) مُرتضى.





- نهال  
مذحت بَصَّ صورة عيلتنا في العيد حلوة إزاي. إنت برضه بتصور  
عيلتكم في العيد؟
- مذحت  
آه .. طبعاً. بُصِّي دي آخر صورة للعيلة. شوفي حلوة إزاي.
- نهال  
آه .. صحيح. طيب قولي لي مين اللي قاعدة في نص الكنبَة و لابسة  
نضارة و ماسكة كُباية ليمون في إيدها اليمين؟
- مذحت  
آه .. و حاطة إيدها على كتف جدتي عنايات؟ دي تيتة عفاف ماما  
ماما.. و شوفي جدتي عنايات ساكتة إزاي؟ مابتتكلمش خالص.. عشان  
تيتة عفاف مابتسكتش أبداً.
- نهال  
إم .. و مين ساند إيده على الكنبَة و لابس نضارة و ماسك كُباية على  
يمين تيتة عفاف؟
- مذحت  
ده جدي و هيب أبو ماما .. و عارفة بيكلّم مين؟ طنط جيهان خالتي.  
هيّ قاعدة على شماله في الكرسي الفوتيه الكبير.
- نهال  
و مين قاعد قُصاد طنط جيهان على الفوتيه الثاني و ماسك كتاب؟
- مذحت  
ده يا ستي خالي راجي .. هوّ بيشتغل محامي .. و بيتكلّم دايماً مع عمي  
فؤاد أخو بابا عن القانون و السياسة .. شايفة .. عمي فؤاد قاعد على  
شماله و ماسك كوباية الشاي بتاعته و مبسوط جداً من الكلام.
- نهال  
طيب. فين عمّتك؟ هوّ باباك ماعندوش إخوات بنات؟
- مذحت  
لا. طبعاً عنده .. عمّتي راجية .. بس هيّ سافرت مع جوزها الكويت  
و جدي مُرتضى أبو بابا بيزورهم هناك دلوقتي. عشان بيحبّ أولاد  
عمّتي .. و عايز يشوفهم و يعيد معاهم.






## تقديم (٢ب)

عيلتنا اللي ساكنة في عمارتنا

مُسعد بيصلح عريئة عند الأسطى جابر في مصر القديمة. اسمع و كَرز.





مُسَعَّد

إنت ساكن هنا من زمان يا أسطى جابر؟

جابر

أنا اتولدت هنا يا باشا .. وعيلتي كلها ساكنة في الحقة هنا .. في مصر القديمة إحنا ساكنين هنا مع بعض من زمان .. في نفس العمارة.

مُسْعَد

معقولة كلکم ساکنین هنا؟

جابر

آه .. كل عيلتي ساكنة هنا .. وكلنا بنشتغل في المنطقة دي .. شوف  
أخويا حسان هو اللي واقف ورايا ده و بيصلح في الشارع.

مُسْعَد

آه .. صحّ أنا شايفه .. ومين ده اللي بيصلّح الحوض في الدور الثاني؟

جابر

ده ابن عمي حلمي .. وشايف الستات اللي واقفين في أول دور دول؟

مسعد

اللي في الشبّاك على الشمال؟

جابر

آه .. دول جدّاتي فاطمة وزينب وعمّتي رابحة ساكنة في الشقة اللي جنبهم على اليمين.

مُسَعِد

طَيِّبٌ وَمِنْ اللَّيِّ وَاقِفٌ قُدَّامَ مَحَلِّ الْمِيكَانِيكَ بَتَاعَكَ؟

جابر

آه .. ده .. ده الأسطى فهمي الميكانيكي ابن خالتي. هو اللي هيصّلك  
الموتوسيكل بتاعك إن شاء الله.

مُسْعِد

ومين العيال دول اللي بيذاكروا في الشبّاك اللي على اليمين؟

جابر

آه .. دول؟ .. دول .. ولاد ابن عمّتي .. اللي دخلوا مدرسة مصطفى كامل

مسعد

ياه! كلّ العيلة ساكنة مع بعض! طيّب دي مش حاجة صعبة شويّة؟

## لاحظ القواعد

الوصف	اسم معرفة	
الميكانيكي	جابر	ده
الجديد	البيت	ده
اللي ساكن في مصر القديمة	جابر	ده
اللي هيصلح الموتوسيكل	أسطى فهمي	ده
اللي واقف ورايا	أخويا حسان	ده
اللي بيصلح الحوض	ابن عمّتي	ده
اللي ساكنة جنبهم	عمّتي رابحة	دي
اللي ساكنين في أول دور	جدّاتي	دول
اللي دخلوا مدرسة طيبة	أولاد (ولاد) عمّتي	دول
ال + صفة	اسم معرفة	
اللي + جملة أو عبارة	اسم معرفة	

## النفي

السؤال: أنهى مدام سعاد؟ اللي لابسة فستان أزرق وللا اللي لابسة بنطلون إسود؟

الجواب: لا مدام سعاد مش اللي لابسة فستان أزرق. مدام سعاد هي اللي لابسة

بنطلون إسود.

مش + اللي



**تدریب (۲ ب - ۱)**

مين في عيلتنا اللي .....

[illegible]

- ٤- مين فى عليتنا اللي فى منتخب كورة السلّة؟ (.....)



- ٥- مين اللي بيشتغل دكتور في مستشفى كليوباترا؟ (.....)
- ٦- مين اللي هيسافر عشان يدرس دكتوراه بكرة؟ (.....)

### تدريب (٢ ب - ب)

#### كلام

اعمل أسئلة و إجابات عن الصورة بالإيجاب أو النفي زي الأمثلة و اسأل زميلك.  
اكتب الأسئلة و الإجابات.

#### كتابة

#### امثلة:

١- هويدا / قاعدة

طالب (أ): هويدا هي اللي قاعدة قدام التلفزيون؟

طالب (ب): لا هويدا مش هي اللي قاعدة قدام التلفزيون ده الأستاذ زكريا.

٢- موسى / ماسك فنجان القهوة

طالب (أ): موسى هو اللي ماسك الفنجان و بيشرّب قهوة؟


طالب (ب): أيوه موسى هو اللي ماسك الفنجان و بيشرّب قهوة.

٣- حامد / ماسك ساندوتش

طالب (أ)

طالب (ب)





٤- حازم / بيسلم على وسام

طالب (أ)

طالب (ب)

٥- ثروت / حاطط إيده في جيبه

طالب (أ)

طالب (ب)

٦- آية / ماسكة إيد لوريس

طالب (أ)

طالب (ب)

٧- عبید / واقف قدّام

طالب (أ)

طالب (ب)

٨- کارولین / باصّة علی ساندوتش خليل

طالب (أ)

طالب (ب)

٩- وسام / بیسلّم علی رامي

طالب (أ)

طالب (ب)

صحّح مع زميلك.

تدريب (٢ب - ج)

استعمل نفس الصورة اللي فاتت و اوصف أي شخصية.

١- طالب (أ) یسأل زميله مين اللي .....

طالب (ب) یقول اسم الشخصية.

کرروا النشاط بالتبادل.

٢- طالب (أ) اوصف زميل في الفصل.

طالب (ب) یقول مين هو .....

کرروا النشاط بالتبادل.




### تقديم (٣)

ورایا مشوار

كلمات مفيدة: يدور على / عقد / أم شعر  
أحمر / أبودقن / خلّاط

اسمع الحوارات القصيرة دي و قول أنهي حوار لأنهي صورة و جاوب على سؤال كل صورة.



شكله إيه الراجل ده ؟

فين العقد؟



فين الخلّاط؟

فيه إيه وراهم؟





### حوار (١)

راكب

ياه الطيارة هتتأخر ٣ ساعات و أنا ورايا مواعيد كثير قوي في لندن.

راكبة

و المواعيد اللي وراك دي مش ممكن تتغير؟

راكب

لا و الله للأسف دي مواعيد شغل و فيها مقابلات كثير مع ناس مش عارف أعمل إيه؟ و ماعنديش موظفين تحت إيدي يساعدوني و ورايا شغل كثير قوي.

راكبة

و أنا كمان .. قدامي فرصة شغل حلوة في لندن. و غالباً كده هتأخر قوي وهتروح الفرصة .. أنا دايماً كده ما عنديش حظ.



### حوار (٢)

بيّاعة

فين يا سامي الراجل اللي عايز ال C/D ده؟

بيّاع

الراجل الطويل اللي لا بس بدلة سودا .. اللي واقف وراكي.

بيّاعة

لا .. لا مش اللي لا بس بدلة ده .. لا لامش هو .. الراجل الطويل

اللي معاه مراته أم شعر أحمر.

بيّاع

آه .. الراجل اللي معاه مراته .. آه .. أبو دقن طويلة؟

بيّاعة

آه .. هو ده .. هو راح فين؟ ده قال مستعجل و وراه مشوار.





١٣

حوار (٣)

نَبِيلَة	يا هاني فين الخلّاط اللي في الدولار؟ راح فين؟
هاني	مش عارف. يمكن ورا اللعبة اللي هناك دي قدامك جنب الحوض.
نَبِيلَة	آه.. أهه هناك قدامي جنب التلّاجة .. طيّب و فين العُقد الأحمر اللي اشتريته من خان الخليلي الأسبوع اللي فات .. شفته؟
هاني	مش عارف .. معاكي ٥ دقائق .. ندور مع بعض في أوضة النوم يمكن في اللعبة اللي على التسريحة؟
نَبِيلَة	ياسيدي أنا تحت أمرك .. معاك ١/٢ ساعة مش ٥ دقائق .. قوم معايا ندور عليه .. ياللا بسرعة .. عشان بجد قدامي ساعة و بعد كده لازم أنزل وأروح الشغل.

لاحظ التعبيرات دي:	معناها إيه:
١- ورايا مشوار:	١- هوّ عمل المشوار.
٢- ورايا شغل كثير:	٢- هوّ هيعمل المشوار.
٣- معاكي ٥ دقائق:	١- هوّ حاطط ملفات كثير ورا الكرسي بتاعه.
٤- قدامي ٥ دقائق:	٢- هوّ عنده شغل كثير .. لازم يخلص.
٥- قدامي فرصة شغل كويسة قوي:	١- عندك وقت نعمل حاجة مع بعض في ٥ دقائق؟
	٢- لازم تظبطي الساعة على ٥ دقائق.
	١- لازم أخلص بعد ٥ دقائق عشان أمشي.
	٢- قدامي ساعة مضبوطة على ٥ دقائق.
	١- هوّ عنده فرصة و ممكن يشتغل في وظيفة كويسة.
	٢- هوّ لازم يروح الشغل.

٦- تحت أمرك: ١- أيّ خدمة .. اطلب أي حاجة .. أنا عايز أساعدك.

٢- أنا مش عايز أساعدك و مش عايز أوامر.

٧- تحت إيدك موظف: ١- يعني عندك موظف. ممكن يساعدك.

٢- إنت ماسك موظف في إيدك.

قارن بين الجمل دي.

أ - ورايا مشوار. ورايا شغل كتير.	ب - ورايا ترابيزة.
أ - معاكي ٥ دقائق؟	ب - معاكي فلوس؟
أ - قدامي ٥ دقائق	ب - قدامي الشباك
أ - قدامي فرصة	ب - قدامي البحر
أ - تحت أمرك / تحت إيدك موظف.	ب - تحت الكرسي / تحت راسك مخدة.

لاحظ التعبيرات

إيه الفرق بين:

أمّ	الأولاد
أحمد	أبو
أبو	الأولاد
سعاد	أبو
أمّ	شعر أحمر
أحمد	ضفاير
أبو	دقن
سعاد	أبو



## التدريبات

تدريب (٣ - ١)

وصل الجملَة أ مع ب و كرّر الجمل مع زميلك.

أ	ب
١- مبسوط قوي كده ليه يا ماجد؟	أ - أنا حاطط الشنطة تحت الترابيزة
٢- فين العروسة اللي شعرها أصفر و أمّ عينين خضر و اللي قلت هتتجوزها؟	اللي وراك عشان قدامي ناس كتير و مش عايز حدّ ياخذ الشنطة.
٣- ياه! إنت عندك شغل كتير قوي .. هتخلّص إزاي في الميعاد؟	ب- لا آسف يا أبو حسني. ورايا مشوار مهمّ يوم الجمعة مش ها قدر.
٤- تيجي نروح السينما الجمعة الجاية يا أحمد؟	ج- معلىش .. أنا تحت إيدي موظفين كتير بيساعدوني. وإن شاء الله هاخلّص في الميعاد.
٥- الله! فين شنطة الفلوس أمّ إيد طويلة اللي معاك؟ شايلها فين؟	د- لا خلاص! سبت البنت دي. معاك ١/٤ ساعة أحكي لك ليه؟
	هـ- عشان قدامي فرصة حلوة .. قدامي عربية زي الجديدة عايز أشترىها عاملة ١٠٠٠ كم بس.

### تدريب (٣ - ب)

كَمِّلِ الجُمْلَةَ بِعِبَارَةٍ مَنَاسِبَةٍ مِّنَ العِبَارَاتِ الَّتِي دَرَسْتَهَا.

(١) أ - رِضًا: إِنَّتِ شَكْلَكَ مَبْسُوطٌ قَوِيٌّ النَّهَارِ دَه .. إِلَيْهِ الْحِكَايَةُ؟

ب - طَبْعًا مَبْسُوطٌ عِشَانٌ ..... شَغْلٌ حَلْوٌ قَوِيٌّ.

(٢) أ - مَالِكٌ مُسْتَعْجِلَةٌ لِيهِ يَا سِهَامُ؟

ب - عِشَانٌ ..... مَهْمٌ قَوِيٌّ هَاقَابِلٌ عَرِيْسِي الْجَدِيدِ.

(٣) أ - مِمَّكَ أَقَابِلُكَ بِكَرَةِ السَّاعَةِ ٩؟

ب - لَا أَسْفَهُ عِشَانٌ ..... مِّنَ السَّاعَةِ ٦ لِّغَايَةِ السَّاعَةِ ١٠ مَشْغُولَةٌ مِشْ هَاقِدِرٌ.

(٤) أ - لَوْ سَمَحْتِ يَا دَكْتُورٌ ..... أَتَكَلِّمُ مَعَاكَ فِي مَوْضُوعٍ؟

ب - طَيِّبٌ بَسْ ..... شَغْلٌ تَانِي فَبِسْرَعَةٍ شَوِيَّةٍ.

(٥) أ - لَوْ سَمَحْتِي يَا نُهًا مِمَّكَ تَسَاعِدِينِي؟

ب - طَبْعًا يَا حُسَامُ أَنَا ..... .

(٦) أ - يَا خَبِرْ يَا مَاجِدُ! أَنَا أَتَأَخَّرْتُ قَوِيٌّ عَلَى الْقَطْرِ ..... ١/٤ سَاعَةً بَسْ.

ب - لَا .. لَا الْقَطْرِ السَّاعَةِ ٨ ..... ١/٢ سَاعَةً مَا تَسَوِّقِشْ بِسْرَعَةٍ.

(٧) أ - إِنَّتِ بَتَشْتَغِلِ لَوْحَدِكَ فِي الْمَكْتَبِ يَا نَبِيلُ؟

ب - لَا طَبْعًا أَنَا ..... مَوْظَفَيْنِ كَثِيرَيْنِ بِيَسَاعِدُونِي.

(٨) أ - بَتَجْرِي لِيهِ يَا هِشَامُ؟ بِشَوِيْشٍ شَوِيَّةٍ !






ب - مَعْلَشُ عِشَانٌ ..... مَشْوَارٌ مَهْمٌ قَوِيٌّ.



### تدريب (٣ - ج)

قسّموا الفصل لفريقين.

- ١- كل فريق يكتب أكبر عدد من الكلمات المناسبة.
- ٢- كل فريق يستعمل العبارات ويكون أكبر عدد من الجمل.
- ٣- الفريق الكسبان هو الذي يقول أكبر عدد جمل صحّ.






الاستماع

## فندق كويك

إنت كل يوم بتشوف حاجات كتير و بتروح أماكن كثيرة.

إحنا أحياناً بنروح أماكن كويسة و أحياناً لأ. المكان ده فين؟

اسمع و قول:



- ١- جمال مبسوط من المكان ده؟
  - ٢- هو عايز يعمل إيه؟ وليه؟
  - ٣- اسمع و اوصف الصورة و اكتب نمرة الشخص اللي تسمع الوصف بتاعه.
  - ٤- اوصف لزميلك بالتبادل الناس اللي واقفة على محطة أتوبيس الفندق.
- شكلهم إيه .. لا بسين إيه .. إلخ.




## نص الاستماع لواقع الحياة

جَمال	أهلا يا سعيد .. صباح الخير .. أنا آسف إتأخّرت عليك شويّة.
سَعِيد	لا .. معلش .. بس إنت شكلك مدّايق ليه؟ فيه إيه؟ اتأخّرت ليه؟
جَمال	الخدمة في الفندق .. مش قوي .. كل حاجة بشويش .. جابوا الفطار متأخّر.
	أنا عايز أغيرّ الفندق ده.
سَعِيد	لا مش معقول. ليه بسّ بتقول كده؟
جَمال	طيبّ بصّ الرئيسبشن قدامك أهّ .. شوف الموظّف اللي قاعد في
	الاستقبال قاعد على الكرسي و مابيش تغلش بسّ ماسك الجورنال
	و بيقرا و مش مهتمّ بالناس.
سَعِيد	آه .. صحّ و بصّ الزبون ده .. الراجل أبو صلعة اللي واقف قدام الرئيسبشن
	مادد إيده عايز المفتاح بتاعه و الموظّف مش باصص خالص.
جَمال	و كمان الراجل المسكين اللي قاعد مستنّي الأوضة بتاعته على الكنبه
	اللي قصادك .. مدّايق و نايم .. أنا شفتّه قاعد من ساعتين.
سَعِيد	ياه .. لا مش ممكن .. و بصّ .. بصّ شوف الست اللي قاعده وراه بتبصّ
	في الساعه كلّ شويّة .. قاعده مستنيّة و ما حدّش بيشوف هيّ عايزه إيه.
جَمال	لا .. و سايبين الشنط بتاعة الناس في وسط الفندق على الأرض. مافيش
	عامل يشيل الشنط دي. حاجة مش معقولة!
سَعِيد	و العامل اللي في الأسانسير .. واقف و مش عايز الست الكبيرة
	أمّ شنطة اللي وراه دي تدخل .. تعبانه و شايلة كلّ الحاجات دي
	و مابيساعدهاش.
جمال	طيبّ شوف الناس اللي مستنيّة الأتوبيس بتاع الفندق.
سَعِيد	آه .. دول .. دول ..



## القراءة و الكتابة

### كلمات مفيدة: قماش / ميزان



بصّ للصورة. دي صورة خان الخليلى و إقرأ الوصف ده.

الناس اللي في وسط الصورة بيّاعين قاعدين  
مع بعض على الأرض و حاطين قدامهم  
القماش بتاعهم عشان يبيعوا للناس و الراجل  
اللي على اليمين واقف و ماسك قماش و لابس  
جاكتة و باصص للقماش بتاعه.

اكتب ٤ جمل و اوصف الناس اللي إنت  
شايفهم في الصورة.

### الكلام: مين اللي .. ؟

دي عيلة الأستاذ صالح. هوّ بيشتغل محامي و دايمًا بيتأخر. أم الأولاد بتشتغل  
دكتورة .. و طول اليوم برضه في المستشفى .. النهارده أولاد عمهم بيزورهم عشان  
ده عيد ميلاد ابنهم الكبير.. لكن ما فيش حدّ في البيت معاهم ولا بابا ولا ماما.  
اوصف كلّ واحد بيعمل إيه دلوقتي زيّ المثال بالتبادل.

طالب (أ) مين اللي لابس البدلة بتاعة أبوه و رافع إيده و باصص لأخته؟  
طالب (ب) اللي لابس ..... هوّ تامر.

اسأل عن الأسماء اللي مش موجودة في صورتك.



صورة (١)



صورة (٢)





## افتكر

### (١) اسم الفاعل للوصف

الفعل ٣ حروف من غير حرف علة.

(١)	للمذكر	للمؤنث	للجمع
أنا إنت هو	أنا إنتي هي	إحنا إنتوا هم	قَاعِدِين هَنا

٣ حروف مع حرف علة في النص

نام = نا [يـ] م = ي قبل الآخر

أكثر من ٣ حروف

متكلم = م + كسرة قبل الآخر

= م في أول الكلمة

النفى

مش + قاعد

مش + (اسم الفاعل)



(٢) جملة الوصف مع اسم الفاعل

الراجل اللي قاعد هناك بيشرّب شيشة.

اسم + اللي + جملة أو عبارة

(٣) عبارات مشهورة

ورايا مشوار.	=	عندي مشوار.
قدّامي فرصة.	=	عندي فرصة.
معاك ٥ دقائق.	=	عندك ٥ دقائق.
تحت أمرك.	=	أيّ خدمة.

### فهرس الكلمات الجديدة في وحدة ٣

#### تقديم (١)

ضخمة - هادي - مُنظَّم - زحمة - أمان - هایل - مريح - واسع - مُسلي  
أكل لذيذ - الناس لطيفة - ممتاز - المناظر - الشواطئ - آثار رومانية / فرعونية  
- قبطية - عموماً - وادي الملوك - صحيح - متاحف.

#### تقديم (٢)

نهر - أوطى - أعلى - منور - مُزعج - مضلم - طري - بطيء - ناشف  
سريع - زكي - يشغل مخه - اختراع - تيارات - أظرف - حديث  
أحدث / أجدد - المرتب.

#### تقديم (٣)

أقدم لك - المفضل - كسر - خيط - براع - رجل - سُغلي واقف - اتشرفت /  
الشرف ليًا - قشر موز - إيه حكايتك؟ - وقع - كُون - يبدأ - التعارف - مُشتركة  
- يكتشف - أنا أسعد - يعدّي - يشجع.

#### من واقع الحياة

مُتعب - مريح - سيبك منها - فتاة أحلام.



## تقديم (١)

كلمات جديدة:

وصلَّ الصفة بالمعنى.

(أ)

١- عمارة ضخمة

٢- شارع هادي

٣- شارع زحمة

٤- المرور مُنظَّم

٥- الشوارع أمان

٦- هایل

٧- مُريح

٨- واسع

٩- مُسلي

١٠- أكل لذيذ

١١- الناس لطيفة

١٢- ممتاز

صحَّح مع زميلك.

(ب)

شارع مافيهوش ناس ولا عربيات كثير.

عمارة عالية و كبيرة قوي.

كلّ العربيات بتقف أو بتمشي مع الإشارة.

شارع فيه ناس و عربيات كثير.

كويّس قوي.

الشوارع مافيهاش حرامية.

عكس ضيق.

عكس مُتعب.

أكل حلو.

عكس مُمل.

الناس بتحبّ تساعد بعض و بتحبّ الضيوف.

كويّس جداً جداً جداً .. ١٠٠٪.



## تقديم (١)

### أسافر أنهي بلد؟

منير و جلال عايزين يسافروا و يتفسحوا في الأجازة. اسمع الحوار.

١- قول هم هيسافروا فين.

٢- املا الجدول من الحوار.



- |      |   |
|------|---|
| منير | عايز آخذ رأيك يا جلال. أسافر أنهي بلد في الأجازة؟   |
| جلال | عايز تسافر فين؟ أنهي قارة آسيا وللا أفريقيا.. وللا أمريكا وللا أوروبا؟  |
| منير | أي حاجة المهم أتفرج على بلد جديدة.  |
| جلال | شوف يا سيدي .. لندن غالية قوي و زحمة و برد لكن هتتفرج على متاحف حلوة قوي و آثار قديمة بس أكلهم إم .. إم مش عارف .. فيه ناس بتقول مش لذيد. |
| منير | آه .. طيب إيه رأيك في نيويورك؟  |
| جلال | برضه نيويورك زحمة .. و طبعاً فيها عمارات ضخمة و عالية جداً ..   |



ولكن بالليل الحياة مُسليّة .. فيها مسارح هايلة و المواصلات مُريحة  
و مُنظّمة .. بس على فكرة هيّ مش أمان بالليل.

طيب كوالالمبور كويسة؟

منير

المدينة أمان ورخيصة. صحيح شوارعها دوشة شويّة .. لكن أكلهم لذيذ.  
المتاحف مملّة شويّة .. لكن فاضية مافيهاش ناس كتير. الناس هناك  
لطيفة و بتحبّ الأجانب. بس دي بلد بعيدة قوي .. مُتعبّة في السفر.

جلال

لندن	نيويورك	كوالالمبور
فيها إيه كويس؟	فيها إيه كويس؟	فيها إيه كويس؟
فيها إيه مش كويس؟	فيها إيه مش كويس؟	فيها إيه مش كويس؟

لاحظ القواعد

(١) الصفات

مع النوع		مع العدد ٣ 		
الحاجات (غير العاقل)	الناس (العاقل)	جمع	مفرد مؤنث	مفرد مذكر
شارع هادي / شوارع هادية	هو هادي / هم هاديين	هاديين	هادية	هادي
عمارة عالية / عمارات عالية	×	عاليين	عالية	عالي
مطعم هایل / مطاعم هايلة	مدرّس هايل / هي هايلة	هايلين	هايلة	هايل
شقة واسعة / شقق واسعة	×	واسعين	واسعة	واسع
مكتبة مُنظمة / مكتبات مُنظمة	ولد مُنظم / بنت مُنظمة	مُنظمين	مُنظمة	مُنظم
كرسي مُريح / كراسي مُريحة	زوج مُريح / زوجة مُريحة	مُريحين	مُريحة	مُريح
فيلم مُسلّي / أفلام مُسلية	جار مُسلّي / جارة مُسلية	مُسلّين	مُسلية	مُسلّي
كتاب ممتاز / كتب ممتازة	طالب ممتاز / طالبة ممتازة	ممتازين	ممتازة	ممتاز
عمارة ضخمة / عمارات ضخمة	×	ضخمين	ضخمة	ضخم
عربية مُتعبة / عربيات مُتعبة	جوز مُتعب / مديرة مُتعبة	مُتعبين	مُتعبة	مُتعب
أكل لذيذ / حكاية لذيذة	زميل لذيذ / زميلة لذيذة	لُذّان	لذيذة	لذيذ
فُستان / مكان لطيف	راجل لطيف / ستات لُطاف	لُطاف	لُطيفة	لُطيف
	راجل كبير / رجالة كبار	كُبار	كبيرة	كبير
شارع / أوضة زحمة	×	زحمة	زحمة	زحمة
مدينة / شارع أمان	×	أمان	أمان	أمان



(٢) موافقة الاسم و الصفة مع الناس

العدد المذكّر			
اسم مثنّى	الصفة	اسم جمع	الصفة
دول راجلين	ممتازين	رجالَة	ممتازين
دول ولدين	هاديين	أولاد	هاديين
دول موظفين	مُنظمين	موظفين	مُنظمين
دول مهندسين	شاطرين	مهندسين	شاطرين

العدد المؤنث			
اسم مثنّى	الصفة	اسم جمع	الصفة
دول ستتين	ممتازين	ستّات	ممتازين
دول بنتين	هاديين	بنات	هاديين
دول موظفتين	مُنظمين	موظفّات	مُنظمين
دول مهندستين	شاطرين	مهندسات	شاطرين

(٣) موافقة الاسم و الصفة مع الحاجات

العدد المذكّر			
اسم مثنّى	الصفة	اسم جمع	الصفة
دول شارعين	واسعين	دي شوارع دول شوارع	واسعة واسعين
دول بابين	كُبار	دي أبواب دول أبواب	كبيرة كُبار

العدد المؤنث			
اسم مثنّى	الصفة	اسم جمع	الصفة
دول بُلوزتين	غاليين	دي بُلوزات دول بُلوزات	غالية غاليين
دول صورتين	جُمال	دي صور	جميلة

النفي	ده ولد مش طويل	مش + الصفة
-------	----------------	------------



## التدريبات

تدريب ( ١ - أ ) ((١))

رتب مع زميلك إجابة الأسئلة دي.

١- إيه رأيك؟ أروح المكسيك في الأجازة؟

دي آثار ضخمة وقديمة قوي - طبعاً روح - هناك هتشوف آثار المايا.

٢- رُحت فين يا سامي الصيف اللي فات؟

فيها شواطئ واسعة - سافرت أسبانيا - وبالليل مُسليّة جداً -

وزرت مالاجا.

٣- سمعت إنك رُحتي باريس يا وفاء صحيح؟

واسعة وزحمة وقديمة قوي - آه دي مدينة جميلة والشوارع - والأكل

الفرنساوي هایل ولذيذ جداً.

٤- رُحت قيينا قبل كده يا محسن؟

دي بلد شتراوس والموسيقى كلّها - لا مارُحتش بس - وبيقولوا شوارعها

هادية وأمان.

٥- إيه رأيك في شرم الشيخ يا مارك؟

فيها فنادق ضخمة واسعة - مدينة جميلة - والليل مُسلي - والمطاعم

كثيرة والأكل المصري لذيق.

## تدريب (١ - أ(٢))

اختار الكلمة المناسبة:

مُمْلَءة - لذيذ - مُسْلِيَّة - مُنظَّمة - ممتازة - ضخمة - عالية - لطاف - واسعة  
- ضيقة - أمان - مُتعبة - جميلة - مش مُنظَّم.

- ١- كلّ الناس بتحبّ الأكل اللبناني عشان هو.....
- ٢- مدينة القاهرة مابتنامش عشان الحياة بالليل.....
- ٣- الشوارع في لندن زحمة لكن المرور.....
- ٤- مدينة نيويورك مليانة عمارات..... و.....
- ٥- المرور في مدينة ساو باولو..... أبدأ.
- ٦- سويسرا بلد هادية جداً لكن الحياة بالليل.....
- ٧- الناس في مصر..... وبيحبّوا الضيوف.
- ٨- الشوارع في ألمانيا..... جداً.
- ٩- الخرائط بتاعة الشوارع في أوروبا.....
- ١٠- القرية المصرية شوارعها..... لكن.....
- ١١- فينسيا في إيطاليا..... جداً ولكن..... عشان مافيهاش  
شوارع وكلّها مية و مراكب بس.  
صحّ مع زميلك.





## تدريب (١- ب)

عايز أتفرّج على مصر



ستيقن طالب بيدرّس عربي في القاهرة. اسمع:

١- هو عايز إيه من هاني؟

٢- اسمع مرّة ثانية. هاني بيقول:

- أسوان فيها ..... والنيل .....

- الجوّ .. والرحلات النيلية ..... و ..... جداً.

- الأقصر مليانة آثار و معابد ..... و .....

- في الفندق بالليل فيه حفلات .....

- إسكندرية فيها شواطئ ..... و آثار ..... و .....

- في البحر الأحمر الشواطئ ..... والمطاعم ..... والأكل

..... والناس عموماً ..... جداً. و مافيش ..... زيّ شوارع

القاهرة و ..... خالص.

- ٣- هاني غالباً هيروح فين؟  
٤- اقرا الحوار مرة ثانية و كرره مع زميلك.

### تدريب (١- ج)

اسأل زميلك عن بلادهم و املا الجدول.

البلد	الشوارع	الممرور	الجو	الناس	الأكل	الأثار	الشواطئ	العمارات
١-								
٢-								
٣-								
٤-								
٥-								
٦-								

اتكلم عن بلد صاحبك قدام الفصل و قول عرفت إيه عن بلده.

### نص الاستماع لتدريب (١- ب)

- ستيفن يا هاني. أنا عايز أتفرج على مصر .. أسافر فين؟ تقدر تقول لي على أماكن سياحية كويسة؟  
هاني آه .. طبعاً .. شوف يا سيدي في الشتا لازم تسافر أسوان .. المناظر هناك جميلة و النيل شكله حلو .. الجو كويس .. و الرحلات النيلية منظمة و مريحة جداً.  
ستيفن طيب .. و أسوان فيها آثار كتيرة؟



هاني آه .. طبعاً ويمكن تزور الأقصر كمان .. مليانة آثار و معابد ضخمة و عالية .. هتشوف هناك وادى الملوك. وبالليل الفنادق فيها حفلات مُسلية قوى.

ستيفن ويمكن أنزل البحر هناك؟

هاني بحر إيه؟ مافيش بحر هناك. عايز تروح شواطئ ممكن تروح إسكندرية .. إسكندرية مليانة شواطئ واسعة و آثار رومانية و قبطية و إسلامية.

أو ممكن تسافر البحر الأحمر .. هناك فيه شواطئ ممتازة و مطاعم هائلة برضه .. و الأكل لذيذ قوى. و الناس عموماً لطيفة جداً. و مافيش زحمة زي شوارع القاهرة و أمان خالص.

ستيفن آه .. طيب أنا غالباً هاروح إم .. إم.

اقرا الحوار مرة ثانية و كرره مع زميلك.

## تقديم (٢)

إزّي شغلك الجديد؟



٨



اسمع الحوار و جاوب أنهى شغل أحسن؟

- وفاء      إزّي شغلك الجديد يا تامر؟  
تامر      أمّا الشغل الجديد يا وفاء أحسن من الشغل اللي فات بكثير.  
وفاء      صحيح؟ إزاي؟  
تامر      شوفي يا ستي .. المرتّب أكبر .. و المكتب بتاعي أوسع و أنضف  
و أشيك كمان. وبعدين الكمبيوتر بتاعي أجدد و أحدث.  
وفاء      طيب و عدد ساعات الشغل أقل و لالا أكثر؟  
تامر      طبعاً عدد الساعات دلوقتي أكثر من عدد الساعات في شغلي القديم  
عشان المرتّب أكبر .. لكن .. الشغل مع المدير الجديد منظم أكثر  
من الشغل مع المدير القديم. و شغلي دلوقتي أريح و ألدّ من شغلي  
الأولاني خالص.  
وفاء      و الناس في الشغل الجديد أخبارهم إيه؟  
تامر      الناس في شغلي الجديد ألطف و أشطر من الناس اللي في الشغل  
التاني. يا ساتر الناس في الشغل القديم كانوا أكثر ناس متعبين .. مش  
عايز أفكر فيهم خالص. و إنتي مبسوطه في شغلك؟  
وفاء      آه .. الحمد لله المدير بيقول لي "إنتي أحسن موظفة عندي. و أشطر  
واحدة في الكمبيوتر" مع إني أصغر موظفة عنده.  
تامر      هايل .. ممتاز .. براقو عليك.

١- تامر مبسوط من شغله الجديد ليه؟

٢- المدير مبسوط من وفاء؟

٣- هو بيقول إيه عنها؟



٤- اسمع و املا الجدول:

إيه الفرق	المرتَّب	المكتب	الكومبيوتر	العمل	المدير
في الشغل الجديد					
في الشغل القديم					

لاحظ القواعد

(١) للمقارنة بين حاجتين هو يقول:

(١) (٢)

الشغل الجديد أحسن من الشغل القديم.

اسم (١) + أحسن من + اسم (٢)

(٢) للمقارنة بين أكثر من حاجتين يقول:

أحسن موظفة. أشطر واحدة. أصغر بنت.


أكبر / أحسن + اسم مفرد


(٣) صفات زني:

مبسوط / مدايق / ممتاز / هایل / أمان / مُسلي / ممل / مُتعب / مليان.

المقارنة: مدايق أكثر من / ممتاز أكثر من / مليان أكثر من أو عن

## المقارنة و التفضيل

الصفة	٩ 	المقارنة بين ٢	المقارنة بين ٣ أو أكثر
طويل	أطول من	أطول واحد	
قصير	أقصر من	أقصر فستان	
واسع	أوسع من	أوسع جاكّة	
ضيّق	أضيّق من	أضيّق شقّة	
عالي	أعلى من	أعلى عمارة	
واطي	أوطى من	أوطى صوت	
كثير	أكثر من	أكثر بلد	
قليل	أقلّ من	أقلّ حاجة	
زحمة	أزحم من	أزحم شارع	

الصفة	١٠ 	المقارنة بين ٢	المقارنة بين ٣ أو أكثر
حلو	أحلى من	أحلى واحدة	
وحش	أوحش من	أوحش فيلم	
نضيف	أنضيف من	أنضيف أوضة	
تخين	أتخن من	أتخن راجل	
رُفيع	أرفع من	أرفع ستّ	
رخيص	أرخص من	أرخص قميص	
غالي	أغلى من	أغلى فستان	
جديد	أجدد من	أجدد بيت	
قديم	أقدم من	أقدم عربية	



## التدريبات

تدريب (٢ - أ)

وصل (أ) مع (ب)

ب	أ
<p>١ - لا طبعاً القاهرة أكبر منها .. لكن الأقصر أقدم مدينة في مصر.</p> <p>٢ - لا طبعاً نهر النيل أطول نهر في العالم.</p> <p>٣ - طبعاً باحبّ الشتاء أكثر من الصيف</p> <p>٤ - عشان الشتاء في مصر دافي.</p> <p>٥ - مصر طبعاً أرخص من أوروبا بكثير.</p> <p>٦ - في رأيي شواطئ البحر الأحمر أحلى من شواطئ إسكندرية.</p> <p>٧ - طبعاً مُسليّة بس هي أصغر وأزحم مدينة في الصين.</p>	<p>١ - هونج كونج مدينة مُسليّة؟</p> <p>٢ - الأقصر مدينة أكبر من القاهرة؟</p> <p>٣ - نهر النيل أطول وللا الأمازون؟</p> <p>٤ - إيه رأيك شواطئ اسكندرية أحلى وللا البحر الأحمر؟</p> <p>٥ - بتحبّ الصيف أكثر وللا الشتاء؟</p> <p>٦ - أوروبا أرخص وللا مصر؟</p>

تدريب (٢ - ب(١))


- ١ - اكتب الصفة قدام النمرة الصح.
- ٢ - اعمل مباراة مع زميلك و كون جمل فيها مقارنة من الصفات اللي في صورة كل واحد. الطالب الكسبان هو اللي يكون أكبر عدد من الجمل.




كلمات مفيدة: منور / هادي / مزعج / مضلم / طري / ناشف / بطيء

مثال:

الطفل في صورة (٥) أصغر من الست في صورة (١٠).





واطي	جديد	صغير
قديم	دوشه	عالي
هادي	منور	مضلم
غالي	خفيف	كبير
تقيل	رخيص	



(صورة ١ طالب أ)









غلط  
بطيء  
صعب  
ناشف

رفيع  
كبير  
قصير  
سريع  
طري

تخين  
صغير  
طويل  
صح  
سهل




(صورة ٢ طالب ب)





## تدريب (٢ - ب) ((٢)) استماع



### أخويا سامر

اسمع و جاوب.

١- إيه مشكلة سامر؟

٢- أحمد بيقول سامر

..... جداً.

٣- عيلة سامر و المدرسة

بيقولوا عنه إيه؟

اكتب جمل عن سامر.

واملا الجدول بالمعلومات.

الصفة	الجملة	الصفة	الجملة
صُغِيرٌ	سامر أصغر من أحمد	كويّس	
رُفِيعٌ		ممتاز	
شاطر		سريع	
ذكي		نظيف	



## تدريب (٢ - ج (١))

### كلام

#### قارن أنهي أحسن؟

إنتوا عايزين تسافروا رحلة و رحتوا شركة سياحية و في شركة السياحة إنتوا شفتوا إعلانات عن رحلات لليابان و فرنسا و إيطاليا.

طالب (أ): إنت عايز تزور اليابان و بتحاول تقول لزميلك ليه اليابان أحسن.

طالب (ب): إنت عايز تزور فرنسا و إيطاليا. قول لزميلك ليه الرحلة لفرنسا و إيطاليا أحسن من رحلة اليابان.



## تدريب (٢ - ج (٢))

#### نشاط (١)

اقرأ الآراء دي. طالب (أ) موافق و طالب (ب) مش موافق و كل واحد يقارن و يقول السبب ليه موافق أو مش موافق.

١- أحسن طريقة للسفر هيّ الأتوبيس.

٢- الأكل المصري أحسن أكل في الدنيا.



٣- المهندس أحسن وظيفة وأهم وظيفة.

٤- الطائرة أحسن اختراع في العالم.

## نشاط (٢)

قارن بين عاصمة بلدك و عاصمة بلد زميلك. اتكلموا عن:

-الجوّ - عدد السكان - الشوارع و البيوت و أسعارها.

-المواصلات و السياحة - نوع الأشغال و المرتبات.

-أهم الأماكن السياحية و اسم المطار بتاع العاصمة دي.

## نص الاستماع لتدريب (٢ - ب(٢))

أنا اسمي أحمد. عندي أخ اسمه سامر. أخويا سامر ممل جداً تعرفوا ليه؟ اسمعوا هو أصغر مني وأرفع مني شوية .. مشكلته إنه بيحب التلفزيون جداً .. طول الوقت بيتفرج على التلفزيون. ماما بتقول إنه أشطر من أصحابه وأذكى من ابن الجيران اللي جنبنا. بس مش عايز يذاكر أبداً. المدرسة بتاعته في الفصل بتقول هو أحسن واحد في الفصل وأكثر واحد ممتاز في الحساب وأسرع طالب عندها في الرياضة وأنصف واحد في الهدوم بتاعته وأكثر واحد يجاوب في الفصل .. لكن لما بيرجع البيت ما بيقومش من قدام التلفزيون. أعمل إيه؟ أنا مدايق منه لكن بابا مدايق أكثر مني عشان هو عايز سامر يفكر ويشغل مخه مش تلفزيون وبس.

اقرا الحوار و كرره مع زميلك.



## تقديم (٣)

سمعت كثير عنك

إيه هي الموضوعات اللي دايماً بنتكلم فيها لما بنقابل الناس لأول مرة؟  
اسمع و كرر.



أنا آسف اتأخرت عليكم.

علاء

لا .. معلىش إحنا وصلنا دلوقتي برضه. علاء أقدم لك خطيبي

شيرين

الدكتور حازم. حازم أقدم لك علاء زميلي من زمان قوي في الشغل.

أهلاً وسهلاً يا دكتور حازم .. تشرفنا .. أنا سمعت عنك كثير قوي

علاء

من شيرين.

أهلاً بيك .. وأنا كمان سمعت عنك برضه من شيرين. سمعت إنك لعبت

حازم

عشان مصر ماتش تنس حلو قوي في أمريكا.

علاء آه .. الحمد لله كسبت الماتش .. بس لعبت ماتشات أحسن من كده في  
أوروبا. وإنت سمعت إنك بتحب الرياضة. إيه هي لعبتك المفضلة؟  
حازم أنا بالعب كل حاجة بس لعبتي المفضلة هي الإسكواش. وهي أكثر  
لعبة باحبها.

علاء طيب دي فرصة سعيدة جداً. مبسوط إنني قابلت حضرتك.  
حازم وأنا أسعد.

### لاحظ القواعد

لغة تقديم الناس لبعض:

لتقديم الناس و التعرف عليهم
١- أقدم لك / لك / لكو
٢- سمعت عنك / عنك / عنكو
٣- اتأخرت عليك / عليكي / عليكو

التحية	رد مناسب
أهلاً وسهلاً	أهلاً بيك
تشرفنا	الشرف ليّا
مبسوط أشوفك	وأنا كمان
فرصة سعيدة	أنا أسعد



أسئلة لمحادثات صغيرة مع ناس أول مرة نشوفها:

الموضوع	رد مناسب
١- أنا سمعت عنك كثير.	صحيح؟ وأنا كمان.
٢- إيه هوايتك المفضلة؟	هوايتي المفضلة القراءة.
٣- بتلعب جولف؟	آه. بس باحبّ التنس أكثر من الجولف.
٤- إيه أفلامك المفضلة؟	الأفلام التاريخية .
٥- مين الممثل المفضل عندك؟	أنا باحبّ ..... لكن بافضل عادل إمام.
٦- إيه أحسن أكل عندك ؟	الأكل المصري أحسن أكل عندي.
٧- زرت أنهي أماكن سياحية ؟	زرت ..... و ..... و .....
٨- بتروح شغلك إزاي؟	باروح الشغل ب ..... أو ب .....
٩- درست إيه؟ و فين؟	درست ..... في جامعة .....
١٠- اتخرجت إمتى؟	اتخرجت سنة .....
١١- زرت كام بلد ؟	زرت حوالي ٦ بلاد.
١٢- الجو حرقوي النهارده.	أيوه و بكرة بيقولوا الحرارة ٤٠°.



## التدريبات

تدريب (٣ - أ(١))




١- اقرا و وصل. اعمل حوار مناسب.

٢- اسمع الحوارات و صحح.

٣- كرر الحوارات مع زميلك.

<p>(أ)</p> <p>١٣ </p> <p>- آه .. فعلاً أنا رُحت كاليفورنيا في معرض للرّسامين هناك. و أنا برضه سمعت عنك مش عارف من مين؟ إنت بتعزف مزيكا في الأوبرا صح؟ - أهلاً بيك. ده الشرف ليّا.</p>	<p>(١)</p> <p>- هوايتك المفضلة إيه يا هاني؟ - أنا باحبّ الأكل. هوايتي المفضلة الأكل .. باحبّ أجربّ أكلات جديدة و مطاعم جديدة.</p>
<p>(ب)</p> <p>١٤ </p> <p>- أهلاً وسهلاً يافندم. - آه .. فعلاً الجولف أكثر لعبة باحبّها هيّ مش كتير في مصر لكن أحسن لعبة عندي.</p>	<p>(٢)</p> <p>- أنا سمعت عنك كتير قوي حضرتك بترسم في مجلة صباح الخير .. و سافرت أمريكا قريب صح؟ - آه مظلوط .. تشرفنا يافندم.</p>



<p>(ج)</p> <p>- آه .. سمعت كده برضه. بس الخريف السنة دي أحسن من الخريف السنة اللي فاتت. - لما نشوف الشتا ده هيحصل إيه.</p>	<p>(٣)</p> <p>١٥ </p> <p>- أقدم لك عاطف جوزي يا سمير. - أهلاً بيك يا سمير. إيه أخبار الجولف؟ سمعت إنك بتلعب الجولف. هایل!</p>
<p>(د)</p> <p>- آه .. أنا بادرس في كلية التجارة. أنا في سنة تانية. وأنا برضه باشوف حضرتك في الكافيتريا.</p>	<p>(٤)</p> <p>١٦ </p> <p>- الجوّ اليومين دول كويس. - لكن بيقولوا هتبرد شوية الأسبوع الجاي.</p>
<p>(هـ)</p> <p>- أنا باحبّ هوايات كتيرة لكن الموسيقى الكلاسيك هيّ أجمل هواية عندي. باحبّ أسمع مزيكا و أحضر حفلات كتير في الأوبرا عشان أسمعها. و إنت هوايتك المفضلة إيه؟</p>	<p>(٥)</p> <p>١٧ </p> <p>- الدنيا زحمة قوي .. الأتوبيس اتأخر قوي. أنا عندي محاضرة بعد ساعة .. حضرتك في كلية التجارة معايا برضه؟ - أنا باشوفك كل يوم في المحطة.</p>

### تدريب (٣ - أ(٢))

إنت قابلت زميلك لأول مرة .. اسأل زميلك عن الحاجات دي. حاول تعرف معلومات عنه عشان تتعرف عليه و تعمل معاه حوارات صغيرة للتعارف:

حفلات الموسيقى؟	أي نوع حفلات؟ إيه هي الموسيقى المفضلة عنده؟
الأكل برة؟	إيه أحسن مطعم في رأيه؟ إيه أكثر أكل بيحبه؟
كرة القدم؟	بيشجع أنهي فريق؟ مين أحسن فريق في رأيه؟
الرياضة؟	أكثر لعبة بيحبها؟ يلعب إيه / بيحب إيه أكثر من إيه؟ يلعب فين؟ أنهي نادي بيحبه أكثر؟
السينما؟	إمتى / كلّ قد إيه؟ أكثر أفلام بيحبها؟ مين الممثل المفضل عنده؟
الكتب؟	أنهي كتب؟ مين الكاتب المفضل؟ بيقرا إمتى؟ و فين؟





٢- اسمع مرة ثانية و جاوب.

أ- حليم بيشتغل إيه؟

ب- صبري بيشتغل إيه؟

ج- حليم مبسوط من المستشفى ليه؟

د- صبري مبسوط من المستشفى ليه؟

٣- إنت دلوقتي في المستشفى اعمل حوار زي اللي فات في مواقف تانية مع زميلك:

١- عملت حادثة وإنت بتسوق العربية.

٢- وقعت من الأتوبيس إمبراح وكسرت ذراعك.

٣- الشاي السخن وقع على إيدك.

٤- اتخانقت مع سواق التاكسي واتعورت.

تدريب (٣ - ج (١))

تمثيل

(أ) لكل الطلبة: اكتب في ورقة معلومات عن الأسئلة دي.

١- إيه آخر حاجة عملتها أو بتعملها؟

٢- إيه آخر مكان زرتة؟

٣- إيه آخر فيلم شفته؟

٤- إيه أكثر هواية بتحبها أو تفضلها؟

(ب) كُون فريق من ٣ طلبة (أ .. ب .. ج). طالب (أ) يقدم طالب (ب) لطالب (ج).

اتبع المثال.

(جون) طالب (أ) كيكو. أقدم لك مارجو صاحبتني .. مارجو .. دي كيكو.



(كيكو) طالبة (ب) أهلاً وسهلاً يا مارجو.  
(مارجو) طالب (ج) أهلاً بيكي مبسوطه إني شوفتك.  
(جون) طالب (أ) كيكو بتدرس في كلية الطب.  
(مارجو) طالب (ج) صحيح في أنهي جامعة؟  
(كيكو) طالب (ب) في جامعة .. في جامعة طوكيو .. إلخ.  
كمل الحوار و استخدم الاسئلة اللي في نشاط (١) عشان تكمل الحوار.  
كرروا النشاط بالتبادل.

### تدريب (٣ - ج(٢))

- ١- كون مجموعات من ٤ طلبة.
- ٢- قدم زميلك للمجموعة و حاول تعرفه و تتكلم عنه.
- ٣- المجموعة تسأل زميلك أسئلة عشان تعرف معلومات عامة عنه في موضوعات زي:  
البلد - الدراسة - مدينة السكن - الجامعة - الشقة بتاعته - الأفلام - الرياضة  
المفضلة - الهواية .. إلخ.
- ٤- يتكرر النشاط مع كل طالب في المجموعة.





٥- حاول تكتشف حاجة مشتركة كل المجموعة بتحبّ عملها.

٦- غير المجموعة و كرر نفس النشاط.

### نص الاستماع لتدريب (٣ - ب)

- حليم مساء الخير يافندم سلامتكم! إنت كسرت رجلك وللا إيه؟
- صبري آه .. عربية خبطتني وأنا باعدي الشارع و كسرت رجلي .. والحمد لله على كده. وإنت إيه حكايتك؟
- حليم أنا مشيت على قشر موز في الشارع و وقعت و كسرت دراعي اليمين و سُغلي وقِف.
- صبري حضرتك بتشتغل إيه؟
- حليم أقدم لك نفسي أنا حليم كدواني رسام في مجلة صباح الخير. كل يوم بارسم في المجلة و دلوقتي مش قادر أرسم طبعاً عشان دراعي.
- صبري أهلاً وسهلاً وأنا صبري خليل محاسب في بنك القاهرة.
- حليم فرصة سعيدة .. لكن مبسوط من المستشفى دي؟
- صبري آه. الحمد لله المستشفى دي أنصف. و الدكاترة أخطر. و الممرضات ألطف من المستشفى اللي في أول الشارع.
- حليم والأسعار بتاعتها أرخص شوية .. أنا باقول دي أرخص أسعار في محافظة الجيزة كلها.
- صبري أنا باقول كده برضه. طيب مع السلامة التاكسي بتاعي برة ..
- حليم تشرفت قوي بحضرتك.
- حليم الشرف ليّا .. سلامتكم ألف سلامة.





## من واقع الحياة

الاستماع

### خطيبتى المتعبة

كلمات مفيدة: مُريح / مُتعب / سيبك منها



١- اسمع و جاوب.

كمال مبسوط من

خطيبته؟

٢- اسمع مرة ثانية.

كمال بيقول:

هالة	نوال
أحلى من نوال و .....	- مش حلوة
.....	- مش غنيّة
.....	- و .....
.....	- و .....
هيّ ب..... ماب.....	
هيّ عايزة شقّة .....	
و..... و.....	
هيّ اشترت ..... و.....	
هيّ ه.....	

٣- إنت عايز تتجوز واحدة زي كده؟ اتكلم مع زميلك. عايز تتجوز بنت شكلها إيه و صفاتها إيه؟ فتاة أحلامك شكلها إيه؟

٤- إنتي عايزة تتجوزي واحد زي كده؟ اتكلمي مع زميلك. عايزة تتجوزي راجل شكله إيه و صفاته إيه؟ راجل أحلامك شكله إيه؟

٥- أنهي الإجابة الصحيحة؟

سيبك منها يعني:

- ماتقابلهاش دلوقتي.

- مش مهم بتقول إيه أو رأيها إيه.

- بلاش تتجوز البنت دي.

### نص الاستماع لواقع الحياة

شوقي	إيه مالك يا كمال متدايق ليه؟ أخبار هالة خطيبتك إيه؟
كمال	إم .. يعني .. مش قوي .. مش أحسن واحدة.
شوقي	ليه بس؟ ده إنت سبت نوال خطيبتك اللي فاتت عشان قلت مش حلوة و مش غنية و تخينة و مش ذكية.
كمال	آه .. صح خطيبتي دي أحلى و أجمل من نوال و طبعاً أغنى و أرفع و أذكى منها خالص.
شوقي	طيب إنت مدّايق ليه؟
كمال	مش عارف. مُتعبة قوي. و بتتكلم على طول .. مابتسكتش.
شوقي	معلش بكرة تتكلم مع الأولاد أو تسكت بعد الجواز لكن مُتعبة ليه تاني؟
كمال	إمبارح رحنا شفنا شقة رخيصة و كويسة قالت لا .. أنا عايزة شقة أوسع و أكبر و أقرب من كده دي ضيقة .. و طبعاً شقة زي دي أغلى. و أنا ماعنديش فلوس عشان كده.
شوقي	إم .. دي مشكلة فعلاً .. و عملتوا إيه تاني؟





كمال

نزلنا البلد .. مش مبسوفة من أي حاجة .. الشوارع زحمة و الفساتين  
وحشة .. دي اشترت الأسبوع اللي فات ٩ فساتين و عايزة تشتري  
الفستان العاشر .. و لازم أقوم دلوقتي بسرعة علشان أقابلها و تروح  
تتفرج على أغلى و أكبر عربية في السوق طبعاً.  
لا .. لا .. دي متعبة قوي .. سيبك منها.

شوقي

### القراءة

إنت عايز تأجر شقة. اقرا الإعلان. اختار الشقة المناسبة.  
اتكلم مع زميلك ليه اخترت الشقة دي؟ قارن الإعلانين.



## للإيجار

شقة في وسط البلد	شقة في النزهة الجديدة
- أوضتين نوم ٣×٤ متر <sup>٢</sup> (متر مربع)	- ٣ أوض نوم ٤×٨ متر <sup>٢</sup>
- صالة ٦×٥ متر <sup>٢</sup>	- صالتين ٦×٥ متر <sup>٢</sup>
- حمامين	- ٣ حمامات
- بالكونة	- بالكونتين
- أسانسير/ الدور العاشر	- الدور الثاني
- من غير بواب	- بجنيّة
- قريبة من ميدان التحرير	- هادية
- جنب المترو	- قريبة من سوق النزهة
- الإيجار ٨٠٠ ج في الشهر	- الإيجار ٢٠٠٠ ج في الشهر

## المقارنة

شقة وسط البلد	شقة النزهة الجديدة
١- مضمّنة أكثر من شقة النزهة.	١- منوّرة أكثر من شقة وسط البلد.
٢- فيها شبابيك أكثر.	٢- فيها شبابيك أقلّ.
٣-	٣-
٤-	٤-
٥-	٥-
٦-	٦-



## الكتابة

- ١- قارن بين طلبات زميلك و طلباتك.
- ٢- اكتبوا إعلان عايزين شقة شكلها إيه.
- ٣- إسأل زملائك عن طلباتهم هم كمان وقارن.
- ٤- اقرا للفصل الإعلان بتاعك.

## الكلام

### موقف (١)

إنت رححت حفلة لأول مرة و ماتعرفش ناس كتير.  
حاول تقدم نفسك و تتعرف عليهم.

### موقف (٢)

أول يوم في الكورس إنت قاعد في الكافيتريا.  
عايز تتعرف على باقي الطلبة في الفصل.

### موقف (٣)

إنت و أصحابك عايزين تروحوا مطعم تاكلوا.  
كل واحد يقول رأييه عايز يروح فين؟

قارن بين رأي كل واحد.

المطعم بعيد / رخيص / أكله لذيز / الخدمة كويسة / سريع / بطيء .. إلخ.

استعمل لغة المقارنة.

مثال:

مطعم الباشا أعلى لكن الخدمة أسرع.

## افكر

(١) الصفات مع النوع

العدد	المفرد	المثنى	الجمع
	(أ) الحاجات		
مؤنث مذكر	عربية جديدة كتاب جديد	عربيتين جداد كتابين جداد	عربيات جديدة / جداد كتب جديدة / جداد
	(ب) مع الناس		
العدد	مفرد	مثنى	جمع
مؤنث مذكر	بنت طويلة موظف طويل	بنتين طوال ٢ موظفين طوال	بنات طوال موظفين طوال

نفي الصفة = مش + الصفة



(٢) (أ) المقارنة بين حاجتين

علي

أكبر + من

حامد

(ب) المقارنة بين ٣ حاجات أو أكثر

أكبر + واحد

حامد

(ج) استخدام صفات طويلة (أصلها فعل أكثر من ٣ حروف)

أحمد مدّايق عن سلوى

سميرة ممتازة أكثر من ليلي

(٣) لتقديم الأشخاص والتعارف بنقول

أَقْدَمُ لَكَ .....	أَقْدَمُ لِكَ .....	أَقْدَمُ لَكَو .....
سمعت عنك	سمعت عنك	سمعت عنكو
اتأخّرت عليك	اتأخّرت عليك	اتأخّرت عليك



## الوحدة الرابعة

### محتويات الموضوعات في الوحدة الرابعة

- ♦ تقديم (١) ذكريات و وصف مدينة أو بلد في الماضي.
- ♦ تقديم (٢) ذكريات الطفولة و عادات الماضي.

### « در دش معانا

- ♦ تقديم (٣) السؤال عن أماكن الخدمات و وصف المباني.



## فهرس الكلمات الجديدة في وحدة ٤

### تقديم (١)

جناين - شجر - نور - بسكّنة - نظام - عجلة - قطعوها - بيّاع جرايد  
- بسيطة - الحياة - يجنّن - حمار - بقرة - على بُعد - تلوّث - عربيات ملاكي  
- مترو الأنفاق - اتغير - قرية.

### تقديم (٢)

الرمل - عيد - عيديّة - كحك - يطير - كلاب - البلد - بطاطا - حمام  
- حيوانات - ذكريات الطفولة.

### تقديم (٣)

مغسلة - بقع - وسخ - فستان سواريه - بقعة - وصفة السكة - وزارة الخارجية  
- مطافي - قصر - مبنى.

### من واقع الحياة:

يصوم - يصلي - فانوس - مسخراتي - سهرة - أنغام - الاشتراك - الرقاصة  
- تبتدي - بوابة - مقارنة - الدليل الأصفر - دليل القاهرة - يحمض فيلم  
- جواهرجي - جزمجي - يصرف فلوس - جد - طرد - الفطار.



## تقديم (١)

ذكريات عن مصر زمان

أستاذ سعيد مشكور كاتب مشهور بكتب قصص طويلة.  
هو دلوقتي راجل كبير في السن وبيعمل  
حوار مع مُذيعَة في الراديو.



اسمع.

إيه الفرق بين القاهرة زمان  
و دلوقتي؟

مُذيعَة لو سمحت يا أستاذ سعيد ممكن

تكلمنا شوية عن مصر زمان وإيه الفرق بين القاهرة زمان و دلوقتي؟

سعيد

شوفي ياستي. زمان كانت القاهرة فاضية ماكانش فيها ناس كتير  
زيّ دلوقتي ماكانتش زحمة و دوشة زيّ دلوقتي كان فيها هدوء.

مُذيعَة

و الشوارع كان شكلها إيه؟

سعيد

الشوارع كانت مليانة شجر كان فيه شجر و جناين في الشارع .. و كان  
فيه نظام في المرور دلوقتي فيه دوشة و مافيش نظام في المرور.

مُذيعَة

و حضرتك كنت ساكن فين؟

سعيد

أنا اتولدت في القرية و كنت ساكن هناك لغاية ماخلصت المدرسة.

مُذيعَة

و القرية كان شكلها إيه؟

سعيد

القرية كانت جميلة .. كنا ساكنين في بيت وسط الشجر .. كان عندي



بسكلكة عشان ماكانش فيه أتوبيس للمدرسة و ماكانش فيه نور في  
كل مكان .. ولا ميه جوة البيوت .. لكن الحمد لله دلوقتي فيه نور و ميه  
و مدارس كتير في كل مكان في القرية.



شكراً .. يا أستاذ سعيد .. ألف شكر.

مُذِيعَة

العفو مع السلامة.

سعيد

### لاحظ القواعد

٤ 	زمان	٣  دلوقتي
بسكلكة أوضة مشكلة مشاكل زحمة دوشة	عندي عندك عندك عنده عندها عندنا عندكو عندهم كان	أنا إنت إنتي هو هي إحنا إنتوا هم عندي عندك عندك عنده عندها عندنا عندكو عندهم عربية شقة مشكلة مشاكل زحمة دوشة
	كان عند / فيه	فيه
	ماكانش عند / فيه	مافيش

٦	زمان	٥	دلوقتي
ساكن ساكن ساكنة ساكن ساكنة ساكنين ساكنين ساكنين	كُنْتُ كُنْتُ كُنْتِي كَانَ كَانَتْ كُنَّا كُنْتُوا كَانُوا	أنا أنت إنتي هو هي إحنا إنتوا هم	ساكن ساكن ساكنة ساكن ساكنة ساكنين ساكنين ساكنين أنا أنت إنتي هو هي إحنا إنتوا هم
	كان ساكن لا ما كانش ساكن		ساكن مش ساكن أيوه لا

### تدريب (١ - أ)


- كَمِّلْ بالتصريف المناسب مع الفعل (كان).
- ١- أنت ما ..... عندك عربيّة حمرا قبل كده. صحّ؟
  - ٢- همّ ما ..... عندهم فيلا أبداً لكن ..... عندهم بيت كبير من زمان قوي.
  - ٣- الراجل ده ..... عنده شنب ودقن قبل كده. صحّ؟
  - ٤- سمير ..... ساكن في وسط البلد زمان.
  - ٥- أنا ..... ساكن في أسيوط وبعدين سكنت في القاهرة لما دخلت كليّة الشرطة.
  - ٦- ابني ..... عنده لعب كتير وبسكلتة جميلة لما كان صغير.
  - ٧- إنتوا ..... ساكنين مع بعض أيام الجامعة؟



- ٨- لا إحنأ ما ..... عأشأن فأ طنطا لكن ..... عأشأن فأ طنطا.  
 ٩- لوسمحت ..... فأه محل جزآر هنا السنة اللأ فأتت .. قفل وللا إأه؟  
 ١٠- أنا زعلان قوأ. .... فأه شجرة كبأرة قدام البأأ والجأران قطعوها.  
 ١١- إنت ..... ساكن جنب المأرسة قبل الجامعة صأ؟  
 ١٢- أاعم عبأه ..... فأه وأأ بآاع جراأأ هنا راع فأن؟  
 صأأ مع زمألك.



### أأرب (١ - ب) بأأ أأأأ



كلمات مفأة: أأة / أأن /  
 أمار ≠ بأرة / على أة

اسمع وأأوب.

(أ) ١- أأ صورة مأن؟

٢- أة بأأ ساهر؟

(ب) ١- البأأ كان فأه .....

و ..... و .....

٢- كان ..... كبأرة و .....

(أ) ١- ساهر كان عنأه ..... و ..... و .....

٢- كان عنأه أأران؟

٣- كانوا ساكنأن فأن؟

٤- إأه رأأه فأ أأام زمان؟

تدریب (۱ - ج (۱))

اسأل زميلك في الفصل عن الأفكار دي عشان يحكي عن مدينته أو بلده زي المثال.

[illegible]

كلمات مساعدة: جنيّة - شجر - تلوّث - زحمة - إخوات - رحلات - دوشة -  
هدوء - مُدرّسين - مشكلة - المرور - ساكن - تليفون - دِش - DVD - تُرماي  
- مترو الأنفاق - عربيّات ملاّكي - أتوبيسات - ضيّق - واسع



## تدريب (١ - ج (٢))

كل طالب يقول للفصل حكاية من حكايات زمان في المدرسة أو مع الجيران أو مع أصحابه حصلت و هو صغير و الطالب الكسبان هو اللي يقول أكثر حكاية مضحكة.

### نص الاستماع لتدريب (١ - ب)

- |      |  |
|------|--|
| ناهد | صورة مين دي يا ساهر وإيه البيت ده؟ ده بيت مين؟   |
| ساهر | دي صورة جدتي ودي صورة بيتها.   |
| ناهد | ياه .. ده كان بيت جميل قوي .. ضخم جداً.  |
| ساهر | آه .. ده كان بيت يجنن. كان واسع قوي. كان فيه حوالي ٨ أوض نوم وصالتين و ٣ حمامات.   |
| ناهد | ياه .. ٨ أوض نوم و صالتين و ٣ حمامات و كان عندكو جنينة؟  |
| ساهر | كان عندنا جنينة كبيرة و مليانة شجر فواكه. كان عندي شجرة مانجة باسمي أنا لوحدي. وطبعاً كان فيه شجر برتقان وخوخ وجوافة وكل الفواكه والخضار كمان.   |
| ناهد | وكان فيه جيران جنبكم؟  |
| ساهر | آه .. كان فيه جيران .. هم كانوا ساكنين على بُعد ١٠٠ متر .. و كان عندهم بنت صغيرة. كانت لطيفة قوي. لعبنا مع بعض كثير .. و طلعتنا الشجر و كان أصحابي مبسوطين قوي من البيت بتاعي. و كانوا دايماً بيزوروني عشان كان عندي حمار صغير .. وكلب .. و بقرة أشرب منها لبن طازة كل يوم الصبح. ياسلام أيام زمان كانت جميلة قوي. |





## تقديم (٢)

### ذكريات الطفولة



صبري كان بيعمل إيه لما

كان صغير؟

اسمع:

ودي صورة مين؟

ناجي

دي صورتني وأنا

صبري

صغير. بَص. كنت لابس لبس

المدرسة وماسك السندوتش بتاعي

وشايل شنطتي.

كنت بتروح المدرسة بالأتوبيس؟

ناجي

آه .. كنت باركب الأتوبيس الساعة ٦ الصبح .. ولما كنت باركب

صبري

الأتوبيس كنت باكل السندوتش بتاعي. ولما كنت باخد استراحة

الساعة ١١ كنت باكل السندوتش بتاع أخويا كمان ها .. ها.

وبَص دي صورتك في النادي .. ياه كنت صغير قوي!

ناجي

آه .. كان عندي حوالي ٨ سنين وكنا أنا وأخواتي بنروح النادي في

صبري

الصيف كل يوم .. كنت باعوم ساعتين كل يوم.

ودي صورتك مع أختك نوال؟

ناجي

آه .. بالظبط .. ولما كنا في الصيف بنروح إسكندرية .. إخواتي كانوا بيحبوا

صبري

يطيروا طيارات .. وأختي نوال دايمًا كانت بتلعب مع بنت خالتي في المية.

ودول مين؟

ناجي



صبري  
 دول جدّتي سميرة وجدّي صالح كانوا بيزورونا و بيروحوا معنا  
 إسكندريّة أسبوع أو إثنين لما كنّا بنسافر في الصيف ..  
 ياسلام يا ناجي كانت أيّام جميلة. دلوقتي مافيش وقت ولا باروح  
 النادي .. ولا باعوم. مابالعبش رياضة خالص.



### لاحظ القواعد

#### (١) التصريف

الضمير	كان	الفعل المضارع	باقي الجملة
أنا	كُنْتُ	باركب	الأتوبيس الساعة ٦ الصبح.
إنت	كُنْتُ	بتروح	النادي كلّ يوم تلعب كراتيه.
إنّتي	كُنْتِي	بتعومي	ساعتين كلّ يوم في النادي.
هوّ	كَانَ	يلعب	شطرنج على الشاطئ.
هيّ	كَانَتْ	بتحبّ	تلعب في الرمل.
إحنا	كُنَّا	بنسافر	إسكندريّة في الصيف.
إنّتوا	كُنْتُوا	بتطيرّوا	طيارات على البلاج.
همّ	كَانُوا	بيزوروا	العيلة كلّ صيف.

النفي:

ماكانش بيلعب في الرمل

ما + كان + ش + ب + الفعل المضارع

#### (٢) لاحظ الجملة

لما كنت باروح النادي كنت باعوم ساعتين

جملة (٢)

جملة (١)

كان + ب + فعل مضارع

لما + كان + ب + فعل مضارع

## التدريبات

تدريب (٢ - أ)

كلمات مفيدة: عيديّة / عيد / كَحْك

وَصَلَّ الجُمْلَة أ مع الجُمْلَة ب.

ب	أ
أ- كانوا بيلعبوا كرة كثير.	١- لَمَّا كُنْتُ باروَح المدرسة
ب- كُنْتُ بِاحِبِّ الكلاب.	٢- أَخُويا كَانَ بِحِبِّ يروَح المدرسة
ج- لَمَّا كَانَ عِنْدَهُ ١١ سَنَة.	بِالعَجَلَة
د- لَمَّا كُنْتُ صَغِيرَة صَحَّ؟	٣- لَمَّا كُنْتُ صَغِير
هـ- كُنَّا بِنَحْبِ نَزور جَدِّي فِي البَلَد.	٤- إِخْوَاتِي لَمَّا كَانَ فِي المدرسة
و- فِي أَوَّل يَوْم العِيد.	٥- إِنْتِي كُنْتُ بِتَحْبِّي تَتَفَرَّجِي عَلَى
ز- بَنَّاكِل بِطَاطَا مِنْ البَيَّاع اللى جَنب	أَفْلَام كَارْتُون
المدرسة.	٦- لَمَّا كَانَ بِبِيجِي العِيد
ح- لَمَّا كَانَ العِيد بِيقَرَّب.	٧- بَابَا كَانَ دَايِمَا بِيدِينَا العِدِيَّة الصَّبَح
ط- كُنْتُ بِالْعِب كَرَاتِيَه.	٨- بَعْد المدرسة أَنَا وَصَاحِبِي كُنَّا دَايِمَا
	٩- تَيْتَة كَانَتْ بِتَحْبِ تَعْمَل كَحْك





## تدريب (٢ - ب)

### عادات - وأعياد

كلمات مفيدة: عادات / حَمَام / بسكوت / هدوم

اسمع و جاوب: ندا هتتغدى فين؟

اسمع مرة ثانية و جاوب:

- الناس زمان كانت بتتغدى فين ومع مين؟

- مين كان بيطبخ الأكل؟

- إيه عادات العيلة المصرية دي في العيد؟

اتكلم مع زميلك:

إيه هي عادات بلادكم في يوم العيد؟

- بتشتروا إيه؟

- بلبسوا إيه؟

- نوع الأكل؟

- الزيارات؟

- بتاكلوا فين؟

مع مين؟



## تدريب (٢ - ج)



اتكلم مع زميلك في الفصل عن ذكريات الطفولة واسأل اسئلة زي كده:

- إيه الرياضة اللي كنت بتحب تلعبها لما كنت صغير؟

- كنت بتروح فين في الأجازة لما كنت صغير؟

- إيه الهواية اللي كنت بتعملها؟

الطالب	الهواية	الحيوانات	الأجازة	العيد	الرياضة	الموسيقى
١-						
٢-						
٣-						
٤-						
٥-						
٦-						



## نص الاستماع لتدريب (٢ - ب)

- ندا كل سنة وإنتي طيبة يا تيتة. النهارده العيد.
- تيتة وإنتي طيبة يابنتي .. هتعملي إيه إنتي و جوزك و الولاد؟
- ندا هنخرج .. يمكن نروح مطعم في الغدا و نتغدى برّة.
- تيتة تتغدوا برّة!! ليه برّة؟ و فين البيت و العيلة؟
- ندا لا .. خلاص يا تيتة الناس مش فاضية. بيت إيه؟
- تيتة ياسلام فين أيام زمان؟ العيد ده كان أحسن وقت.
- ندا ليه يا تيتة كنتوا بتعملوا إيه؟
- تيتة قبل العيد بيومين كنت باعمل الكحك و البسكوت و ليلة العيد كنّا بننزل أنا و جدكو و باباكو و نشتري هدوم العيد و كلّم كنتوا بتلبسوا الهدوم الجديدة يوم العيد الصبح.
- ندا طيب مين كان بيطبخ الأكل؟
- تيتة طبعاً أنا. شوفي .. بعد الفطار الصبح كان جدكو بيدّي كل الولاد العيديّة و بعدين كنتوا بتلبسوا بسرعة و بتنزلوا عشان كنتوا بتروحوا مع جدكو تزوروا العيلة.
- ندا وإنتي كنتي بتعملي إيه يا تيتة؟
- تيتة لما كلهم كانوا بينزلوا يزوروا العيلة .. كنت أنا باقعد في البيت أطبخ أكل العيد و أعمللكو الفراخ و الحَمَام و كل أكل العيد .. ماكانش فيه أكل برّة أبداً يوم العيد.
- ندا يعني كان مين بياكل عندنا؟
- تيتة كل العيلة عمّامك و خالاتك و جدّتك التانية. و ضيوف تاني من العيلة .. و كنّا كلنا بناكل مع بعض. و إنتوا كنتوا بتلعبوا مع ولاد عمّكم و خالكم بعد الغدا. ياسلام فين أيام العيد زمان. دلوقتي ما حدّش فاضي و كل الناس مشغولة.





### تقديم (٣)

ماتعرفش فين ألاقى .. ؟

ماتعرفش إزاي ألاقى .. ؟

كلمات مفيدة: مَغْسَلَة / بَقَّع / وَسَخ / فستان سواريه / بُقْعَة

بُصْ للصورة:


١- الستتين دول رايعين فين؟

٢- إيه مشكلة الست دي؟

٣- حصلت لك المشكلة دي قبل كده؟

٤- عملت إيه في المشكلة دي؟

اسمع و جاوب على الأسئلة اللي فاتت.







اسمع.

- عفاف إيه ده يا مرقت إنتي غيرتي الفستان السواريه الأحمر ليه؟ ده كان  
حلو قوي عليكى. إحنا اتأخرنا على الفرع.
- مرقت شربت قهوة وبَقَعَت الفستان بالقهوة .. فطبعاً غيرت الفستان و لبست  
الفستان الأخضر .. معلش اتأخرت شوية. ماتعرفيش فين ألاقى  
مَغسلة كويسة يا عفاف تنصّف الفساتين السواريه؟
- عفاف آه .. شايفة المبنى الإزاز الضخم ده .. هناك ورا المبنى ده فيه  
واحدة كويسة.
- مرقت لا .. لا .. دي بعيدة قوي فيه مَغسلة أقرب من دي؟
- عفاف آه .. فيه مَغسلة زيّ الفلّ ورا العمارة العالية هناك قُصاد البنزينة  
الكبيرة على الناصية .. بس أغلى شوية من المَغسلة الأولانية.
- مرقت لا مش مهمّ أغلى .. وللا أرخص .. المهمّ أسرع و أنصف و بسّ ..  
عشان ده فستان غالى قوي .. أغلى من فستاني الأخضر.
- عفاف آه .. فعلاً .. ياللا نروح المحل دلوقتي.
- مرقت نروح إزاي دلوقتي؟ وإحنا اتأخرنا على الفرع .. لا بعدين .. بعدين ..  
عشان إيه نروح دلوقتي؟
- عفاف لا .. لا .. لازم دلوقتي عشان إنتي عندك بُقعة تانية في ضَهر الفستان  
ده .. إنتي وسّختي الفستان ده كمان بالقهوة.
- مرقت إيه؟ بُقعة في ضَهر الفستان؟ لا .. لا .. مش معقول!! بجدّ .. لا .. لا  
مش معقول! بالقهوة تاني .. ماتعرفيش فين أقدر أشتري واحد تاني؟  
وماتعرفيش فين أحسن محل بيبيع فساتين سواريه؟

لاحظ.

للسؤال عن الأماكن والمحلات	للإجابة مع وصف المباني والمحلات
<p>١- ماتعرفش فين ألاقى مَغسلة كويسة؟</p> <p>٢- ماتعرفيش فين ألاقى صيدلية رخيصة؟</p> <p>٣- ماتعرفيش فين ألاقى ساعاتي يصلح الساعة دي؟</p>	<p>١٢  آه بُصّ هنا ورا المبنى الإزاز ده.</p> <p>قُصاد العمارة العالية دي .. فيه صيدلية.</p> <p>أفتكر جنب المبنى الضخم ده على يمينك.</p>
<p>ماتعرفش</p> <p>ماتعرفيش + فين + ألاقى + اسم؟</p> <p>ماتعرفوش</p>	<p>آه / بُصّ / لا ماعرفش / أفتكر / شوف</p> <p>/ امشي على طول / مش متأكد / خُشّ</p> <p>يمين هتلاقي على ...</p>
<p>١- ماتعرفش أقدر أصلح الساعة دي فين؟</p> <p>٢- ماتعرفيش أقدر أروح عابدين إزاي؟</p> <p>٣- ماتعرفوش أقدر أشتري طوابع منين؟</p>	<p>١٣  آه .. بُصّ وراك جنب المبنى الأصفر ده.</p> <p>أفتكر لازم تتركب أتوبيس.</p> <p>خُشّي شمال هتلاقي مكتب بريد على يمينك.</p>
<p>ماتعرفش + أقدر + فعل ..... فين؟</p> <p>إزاي؟</p> <p>منين؟</p>	



- ♦ ماتعرفش المَجْمَع فين؟ = ماتعرفش فين المَجْمَع؟
- ♦ ماتعرفش فين أحسن / أكبر / أحلى محل يبيع سُنط؟

ماتعرفش فين + اسم؟ = ماتعرفش + اسم + فين؟

## التدريبات

### تدريب (٣ - ١)

طالب (أ) اسأل زميلك عن اسم أماكن الحاجات دي:

- ١- عايز تصلح الكاميرا بتاعتك.
- ٢- عايز تنصّف الجاكّة بتاعتك.
- ٣- عايز صور عشان تجدد الباسبور.
- ٤- عايز تصوّر ورق للدرس.
- ٥- عايز تشتري دوا.
- ٦- عايز تحلق شعرك.
- ٧- عايز تكلم عيلتك في أوروبا.
- ٨- عايز تشتري هديّة لزميلتك.

طالب (ب) اوصف أماكن الحاجات دي لزميلك وارسم خريطة لزميلك عشان تقوله

فين أماكن المحلات دي في المنطقة بتاعتك.


وسيلة مساعدة استعمل خريطة مدينة القاهرة للمنطقة بتاعتك.

واستعمل كلمات زي:

- بُصّ - شوف ياسيدي - خُشّ .. هتلاقي - على يمينك - وراك - مش عارف -  
مش متأكد - أفكر امشي على طول - يمكن هناك فيه .. إلخ.

## كلمة مفيدة: وصفة السكة

استماع: اسمع حوار بين مادلين و صاحبتها ندا و جاب:



- ١- ندا عايزة محلّ إيه؟
  - ٢- ليه عايزة المحلّ ده؟
  - ٣- مادلين متأكّدة من وصفة السكة؟ عرفت إزاي؟ هيّ استعملت تعبيرات إيه؟
  - ٤- اكتب اسم المبنى اللي تسمعه قدام النمرة.
  - ٥- نمرة كام المحلّ بالضبط؟
- اسمع مرّة تانيّة و كرّر الحوار مع زميلك.
- اسأل زميلك عن أقرب محلّ كومبيوتر يعرفه. اسأله عن وصف السكة و شكل المحلّ.



## تدريب (٣ - ج (١))

### تدريب تمهيدي

(١) اقرا أسماء مباني موجودة في مصر زي:

١- عمارة الإيموبيليا.

٢- مبنى التليفزيون.

٣- مبنى التجارة العالمي (ورلد تريد سنتر).

٤- مبنى وزارة الخارجية.

٥- فندق النيل هيلتون.

٦- محكمة عابدين.

٧- مبنى البنك الأهلي.

٨- مبنى الأهرام.

٩- مبنى الجامعة الأمريكية.

١٠- قصر عابدين.

١١- مطافي وسط البلد.

١٢- قسم البوليس.


(٢) طالب (أ): اختار مبنى واسأل زميلك:

ما تعرفش فين مبنى .....؟

ما تعرفش أقدر أروح مبنى ..... إزاي؟

طالب (ب): اوصف المبنى و اوصف السكة لزميلك.





(٣) اعكس الأدوار وكرّر النشاط مع أماكن تانية.

تدريب (٣ - ج (٢))

- ١- اسأل عن أسماء أهم مباني القاهرة و اكتب اللى الستة.
- ٢- اختار واحد منها واسأل زميلك أو واحد مصري إزاي تروح المبنى ده واستعمل نفس الأسئلة اللي فاتت.




### نصّ الإستماع لتدريب (٣ - ب)

- ندا يا مادلين إنتي فينك .. أنا عايزاكي.
- مادلين خير .. فيه إيه ياندا؟
- ندا ماتعرفيش ألاقي فين محل كومبيوترات كويس عايزة أشتري واحد لجوزي عيد ميلاده قَرَب بعد يومين. وأنا عايزة حاجة كويسة.
- مادلين بُصِّي .. إنتي عارفة فين ميدان الحجاز في مصر الجديدة؟
- ندا آه .. عارفة .. يقولوا فيه هناك مول كبير قوي عشان الكومبيوتر وماتعرفيش فين بالظبط؟
- مادلين يعني .. أنا مش متأكدة قوي فين بالظبط .. بسّ فيه هناك مبنى كبير قوي في المنطقة دي على الناصية .. فيه عمر أفندي. والناصية الثانية نادي الشمس.
- ندا آه .. بالظبط هناك فيه المول ده؟
- مادلين لا .. لا امشي شويّة وعدِّي الشارع .. هتلاقي قُدَامك مبنى ألوميتال إسود كده. اسمه عمارة الصفا .. جنبه على طول فيه عمارة قصيرة بشبابيك خضرا.
- ندا ماشي مبنى ألوميتال إسود وجنبه عمارة قصيرة بشبابيك خضرا.
- مادلين هتلاقي بعد كده قُصاده مبنى مش ضخم قوي لونه أصفر أفكر جنبه على طول هوّ المول .. اسمه كومبيوتر سيتي .. حاجة كده .
- ندا جنب المبنى الأصفر على طول .. طيّب وأسعاره كويسة؟
- مادلين آه .. يقولوا أسعاره أرخص من وسط البلد .. و عنده أنواع أكثر من أماكن تانية تقريبا عنده أحسن أنواع.



## رمضان جانا .. أهلاً رمضان

كلمات مفيدة: يصوم / فانوس / يصلي / مسحراتي / الفطار



اسمع وجاوب.

- ١- مصطفى مبسوط في لندن؟ ليه؟
- ٢- هو عايز يصوم رمضان في مصر ولا في إنجلترا؟
- ٣- هو كان عنده ..... وكان بيلبس ..... لما يروح الجامع.

اسمع مرة ثانية وجاوب.

- ١- إيه هي عادات المصريين في رمضان؟
- ٢- اسأل مصريين من اللي معاك أو في القهوة عن عاداتهم في شهر رمضان بيعملوا إيه مع أصحابهم؟ مع عيلاتهم؟ ذكرياتهم في الشهر ده؟




### نصّ الإستماع لتدريب (٣ - ب)

- ندا يا مادلين إنتي فينك .. أنا عايزاكي.
- مادلين خير .. فيه إيه ياندا؟
- ندا ماتعرفيش ألاقي فين محل كومبيوترات كويس عايزة أشتري واحد لجوزي عيد ميلاده قَرَب بعد يومين. و أنا عايزة حاجة كويسة.
- مادلين بُصِّي .. إنتي عارفة فين ميدان الحجاز في مصر الجديدة؟
- ندا آه .. عارفة .. يقولوا فيه هناك مول كبير قوي عشان الكومبيوتر وماتعرفيش فين بالظبط؟
- مادلين يعني .. أنا مش متأكدة قوي فين بالظبط .. بسّ فيه هناك مبنى كبير قوي في المنطقة دي على الناصية .. فيه عمر أفندي. و الناصية الثانية نادي الشمس.
- ندا آه .. بالظبط هناك فيه المول ده؟
- مادلين لا .. لا امشي شويّة وعدّي الشارع .. هتلاقي قُدَامك مبنى ألوميتال إسود كده. اسمه عمارة الصفا .. جنبه على طول فيه عمارة قصيرة بشبابيك خضرا.
- ندا ماشي مبنى ألوميتال إسود وجنبه عمارة قصيرة بشبابيك خضرا.
- مادلين هتلاقي بعد كده قُصاده مبنى مش ضخم قوي لونه أصفر أفتر جنبه على طول هوّ المول .. اسمه كومبيوتر سيتي .. حاجة كده .
- ندا جنب المبنى الأصفر على طول .. طيّبي وأسعاره كويسة؟
- مادلين آه .. يقولوا أسعاره أرخص من وسط البلد .. و عنده أنواع أكثر من أماكن تانية تقريبا عنده أحسن أنواع.



## رمضان جانا .. أهلاً رمضان

كلمات مفيدة: يصوم / فانوس / يصلي / مسحراتي / الفطار



اسمع وجاوب.

- ١- مصطفى مبسوط في لندن؟ ليه؟
- ٢- هو عايز يصوم رمضان في مصر و للا في إنجلترا؟
- ٣- هو كان عنده ..... وكان بيلبس ..... لما يروح الجامع.

اسمع مرة ثانية وجاوب.

- ١- إيه هي عادات المصريين في رمضان؟
- ٢- اسأل مصريين من اللي معاك أو في القهوة عن عاداتهم في شهر رمضان بيعملوا إيه مع أصحابهم؟ مع عيلاتهم؟ ذكرياتهم في الشهر ده؟



## نص الاستماع لواقع الحياة

علي أهلاً .. أهلاً يا مصطفى .. عامل إيه في لندن؟ كويس إنني قابلتك أول

يوم في رمضان عشان أقولك كل سنة وإننت طيب.

مصطفى وإننت طيب يا علي .. دي فرصة حلوة قوي .. أنا ساكن هنا لوحدي

وطبعاً كنت عايز أشوف كل العيلة في يوم زي كده .. لكن أعمل إيه

لازم أخلص الدكتوراه.

علي وبتعملوا إيه في شهر رمضان هنا .. بتصوموا؟ بتصلوا؟

مصطفى آه .. طبعاً .. بس أنا لوحدي هنا .. مش زي مصر .. فاكرا يا علي لما

كنّا صغيرين .. كانت كل الشوارع منورة إزاي و الناس حاطة فوانيس

في كل البلكنات .. هنا مافيش حاجة زي كده.

علي آه .. صحيح طبعاً في لندن مافيش كده .. بس برضه الناس في مصر

بتحط فوانيس لغاية دلوقتي .. لكن فاكرا يا مصطفى لما كنّا بنروح

الجامع أول يوم في رمضان و أبويا كان بيغوت على باباك وكنّا

بننزل كلنا.

مصطفى آه .. وكنّا بنلبس الجلابيب بتاعتنا البيضاء .. وكان فيه جامع قريب

من البيت. وكان كل سكان العمارة بيصلوا معانا بعد الفطار على

طول و مامتك و مامتي بيحضروا الحلو في الوقت ده.

علي آه .. وبعدين كنّا بنرجع البيت برضه مع بعض و كنّا بنقعد كلنا مع

بعض اليوم ده.

مصطفى آه .. صحيح و فاكرا بعد الفطار لما كنّا بننزل بالليل .. وكان عندي

فانوس أحمر .. وإننت كان عندك فانوس أصفر .. و كنّا بنمسك

الفوانيس بتاعتنا و بنمشي بالليل ورا المسحراتي .. و كنّا بنغني

وراه رمضان جانا أهلاً رمضان. هه .. فينك يا مصر!

## القراءة

اقرأ الإعلان ده في لوحة إعلانات المعهد.

كلمات مفيدة: سَهرة / أنغام / الاشتراك / الرقّاصة / بَوّابة

”حفلة عشاء في محمد علي كلوب“

سهرة مع الموسيقى الغربيّة والشرقيّة

سهرة جميلة مع فريق بل بويز وأنغام الموسيقى اللاتينية

تبتدي الموسيقى اللاتينية من ٩ إلى ١٠:٣٠ صباحاً

فرقة عمرو حسنى للموسيقى الشرقيّة والرقّاصة لطافة

تبتدي الموسيقى الشرقيّة من ١٠ إلى ٢ صباحاً

يوم الخميس ٢٢ / ١٢.

الاشتراك: ١٥٠ ج بالعشاء.

المكان: بعد تي جي اي فرايدي على النيل

وبوابة القرية الفرعونيّة زيّ الخريطة.

الحجز: مع يوكا أو هيتوشي

اقرأ الإعلان مرّة ثانية واسأل إزاي تروح المكان ده.

– اسأل زميلك أو شخص مصري عن وصفة الطريق.



## الكتابة

- ارسم خريطة المكان لزميل تاني مايعرفش الطريق.
- استعمل مع زميلك خريطة القاهرة طالب (أ) يرسم الخريطة من ناحية الجيزة و طالب (ب) يرسم الخريطة من ناحية وسط البلد.

## الكلام

كلمات مفيدة: طَرْد / تذكرة طيّارة / تصرف فلوس / عُملة /  
يحمّض فيلم / جواهرجي / جَزْمَجِي

طالب (أ) إنت عايز طلبات كتير.

اسأل طالب (ب) إزاي تروح الأماكن دي عشان الطلبات بتاعتك. عايز:


- ١- تبعت فاكس.
- ٢- تشتري جرايد.
- ٣- تشتري تذكرة طيّارة.
- ٤- تصلح العربية.
- ٥- تصرف فلوس وتغير عُملة.
- ٦- تقابل صاحبك في كافيتريا كويّسة.
- ٧- تصلح الجزمة بتاعتك.
- ٨- تحمّض فيلم.
- ٩- تروح جنينة كويّسة.

طالب (ب)

- ١- قول اسم المحل المناسب لطلب زميلك.
- ٢- اكتب اسم المحلات دي على الخريطة حسب النمرة.
- ٣- اوصف المحلات دي فين لزميلك على الصورة.

١٠- جَزْمَجِي.	١- بوسطة العتبة.
١١- سيلنترو.	٢- ستوديو (١).
١٢- العالمية للسياحة.	٣- كُشْك جرايد النهار.
١٣- سنترال التحرير.	٤- صيدلية سامي.
١٤- مكتبة النجاح.	٥- سيتي بنك.
١٥- بوتيك وهدايا نانسي.	٦- جراج وميكانيكي واكسسوار.
١٦- مجدي إلكترونيكس.	٧- سعد الحلاق.
١٧- جنينة الياسمين.	٨- جواهرجي ريمون.
	٩- مَغْسَلَة زِيّ الفُلّ.

إنت هنا





## افكر

(١) للكلام عن الذكريات و وصف فترة زمنية في الماضي.

أنا	إنت	إنتي	هو	هي	إحنا	إنتوا	هم
كُنتُ	كُنتُ	كُنتِ	كَانَ	كَانَتْ	كُنَّا	كُنْتُوا	كَانُوا

كان + ب + فعل مضارع

(٢) للكلام عن زمان مع الجملة الإسمية

دلوقتي	زمان	
عند	(أنا)	عندي / ك / ها / كو / هم / نا ... إلخ.
فيه	(إنت) كان	فيه يا / ك / ها / كو / هم / نا ... إلخ.
مع	(إنتي) ماكانش (إنتوا) (هم) إلخ.	مع يا / ك / ها / كو / هم / نا ... إلخ.
ساكن	كان ساكن في شبرا	النفى (ماكانش)
ساكنة	كانت ساكنة في قيّلاً	(ماكانتش)
ساكنين	كانوا ساكنين في أسيوط	(ماكانوش)

جملة (١)

لَمَّا + كان + ب + فعل مضارع

لَمَّا + كان + جملة اسمية

جملة (٢)

كان + ب + فعل مضارع

كان + ب + فعل مضارع

(٣) للسؤال عن الأماكن و المحلات بنقول

(إنتوا) ماتعرفوش فين ال .....؟ =

ماتعرفوش ال ..... فين؟

(إنت) ماتعرفش فين ألاقى ال .....؟ =

ماتعرفش ألاقى فين ال .....؟

(إنتي) ماتعرفيش أقدر أصلح ال ..... فين؟ =

ماتعرفيش فين أقدر أصلح ال .....؟

لوصف السكة بنقول:

خُشّ - لِفّ - امشي على طول - هناك قُدّامك - أفْتكر - بُصّ - شوف ياسيدي -

مش متأكّد - آسف مش عارف - هتلاقى.



## راجع معانا

(من وحدة ١-٤)

### تدريب (١)

إنت عايز خدمات في القاهرة اكتب لستة خدمات زي المثال في الجدول:

- تصوّر صور عشان الباسبور.
- تسمع مزيكا شرقي.
- تروح مستشفى.
- تركب فلوكة.
- تسافر رحلة في الأجازة.
- تصلح الغسالة.
- تقصّ شعرك.
- تنفّرج على فيلم كويس.
- تروح الواحات.

اكتب لستة خدمات تانية واسأل زميلك أو ناس مصريين عن أماكن الخدمات دي:  
ما تعرفش فين ألاقى .....؟ ما تعرفش إزاي أروح .....؟

اكتب اسم المحلّ زيّ الجدول واسأل باقي الطلبة - استعمل خريطة القاهرة أو الدليل الأصفر.

نوع الخدمة	اسم المحلّ	العنوان
١- صور للباسبور	المصوّراتي / الاستوديو	.....
٢-		
٣-		
٤-		
٥-		

## تدريب (٢)

اوصف زملاء الفصل بتاعك. مين اللي لابس ...

١- طالب (أ) اوصف لزميلك الشخصية.

٢- طالب (ب) قول هو/هي مين؟

اعكسوا الأدوار و كرروا النشاط.



## تدريب (٣)

كلمات مفيدة: صعبة عكس سهلة

جَد / يعيِّط / ضفدعة



اقرا و اكتب الكلمة الناقصة (كان /

كانت .. إلخ).

حكاية من أيام زمان

أنا اسمي آسر. أنا دلوقتي باشتغل

مهندس والشغل طبعاً صعب ومُتعب

و الحياة صعبة. لكن أيام المدرسة

زمان ..... أيام جميلة

و حلوة قوي. أنا ..... في مدرسة أولاد بسّ.

و الأولاد طبعاً ..... صعبين قوي. الفصل بتاعنا ..... كبير

ومنوّر و ..... واسع قوي.

و ..... عندنا في الفصل جنب الباب .. المكتب بتاع المُدرّسة و .....



..... فيه دُرج كبير هي ..... دائماً بتحطّ فيه الأقلام والكتب بتوعها.  
وفي يوم ..... عندنا إمتحان وأنا ..... ساكن جنب المدرسة  
وجيت متأخر شوية. شفت المدرسة زعلانة قوي وبتعيّط والمدير .....  
زعلان قوي عشان الأولاد حطّوا في درج المدرسة ضفدعة صغيرة .. طبعاً ما  
..... فيه إمتحان وطبعاً مارحناش الرحلة تاني يوم. ياسلام!! زمان  
..... المشاكل بسيطة وسهلة .. مش زي دلوقتي كل حاجة صعبة وجَدّ.  
اسمع وصحّح الكلمة الناقصة. اقرا القصّة مرّة تانية بالتبادل مع زميلك.


#### تدريب (٤)

إنت سافرت كثير. اسأل زميلك في الفصل وقارن بين:

مصر	بلاد تانية
الأكل	
العادات	
الشوارع	
المواصلات	
الناس	
الهدوم	
المحلّات	

## تدريب (٥)

(١) اتناقش مع زميلك واكتب كل كلمة في مكانها المناسب.



### مسابقة

(٢) كوّن جملة زيّ المثال .. الطالب الكسبان هوّ اللي يكون أكبر عدد من الجمل.  
لما كنت صغير كنت بالعب مع قطتي كليوباترا وكان عندي بغبان ملون.





## الوحدة الخامسة

### محتويات الموضوعات في الوحدة الخامسة

- ♦ تقديم (١) التغيير في المدينة وطريقة الحياة بين زمان و دلوقتي باستخدام الجملة الإسمية.
- ♦ تقديم (٢) التغيير في العادات و التقاليد بين زمان و دلوقتي باستخدام الجملة الفعلية.

### ٤ در دش معانا

- ♦ تقديم (٣) عبارات مشهورة لتقديم الدعوة و الاقتراحات و قبولها و رفضها أو تأجيلها و تغييرها.

## فهرس الكلمات الجديدة في وحدة ٥

### تقديم (١)

الزمن اتغير - خيل - تورماي - كان فيه - بقي فيه - كان ساكن - العالم ده -  
كله - بايظة - دخان - يكفي - واحد ورا - أسطى - تصوير - جمع طوابع -  
صيد سمك - المعارف - نهر - جبل.

### تقديم (٢)

كنيسة - الفطار - صلاة التراويح - كازت / كروت - كل سنة وانت طيب - يسهر -  
أشغال يدوية - يقول رأييه - بيزرع - مقالة - مواصلات.

### تقديم (٣)

ماتيجي - ماتياللا - ماتخلي - مش بطال - ياللا بينا - عشرة طاولة - شلة -  
نيفة - النتيجة - بالمرّة - على طول - خمسينة شاي - نشم هوا - يخضر - ينفع -  
ما ينفعش - خليها مرّة تانية - يعدّي على - يقبل الدعوة - يأجل.

### من واقع الحياة

كلية الزراعة - أزرع - البلد - تعليم - مصانع - زراعة - بيزرع - طرد -  
ياخسارة.





## تقديم (١)

الزمن اتغير



ده عُمر الشريف. هو مصري عايش  
برّة. اشتغل ممثل في هوليوود. هو  
بيزور مصر كتير وبيتكلم مع  
المذيعة عن حياته. إيه اللي اتغير  
في مصر وفي حياته؟  
اسمع.

مُذِيعَة	حضرتك بتشتغل ممثل في هوليوود دلوقتي؟
عُمر	أيوه باشتغل هناك بس مش كتير زيّ زمان.
مُذِيعَة	حضرتك سبت مصر من إمتى؟
عُمر	سبت مصر من ٣٠ سنة.
مُذِيعَة	تقدر حضرتك تقول لنا إيه اللي اتغير في مصر عن زمان؟
عُمر	فيه حاجات كتير اتغيرت في مصر.. زمان كان فيه ترولي باص وتورماي دلوقتي بقى فيه مترو. ماكانش فيه ناس كتير.. دلوقتي بقى فيه ناس كتير. كان فيه وقت كتير عند الناس.. دلوقتي مابقاش فيه وقت خالص عند الناس.
مُذِيعَة	وحضرتك إيه اللي اتغير في حياتك؟
عُمر	شوفي.. زمان كان عندي إسطنبول كبير و خيول عربية.. دلوقتي مابقاش عندي إسطنبول عشان مابقاش عندي وقت. زمان ماكانش عندي تكنولوجيا في بيتي زيّ كومبيوتر و فاكس و عربية سبور.. دلوقتي بقى عندي كل الحاجات دي و الحياة بقت أسهل.

مُذِيعَة      و حضرتك كنت ساكن فين زمان؟  
 عمر      زمان كنت ساكن في بيت صغير .. دلوقتي بقيت ساكن في فيلا كبيرة.  
 مذيعة      و حضرتك بتلعب بريدج و عندك خيل دلوقتي كمان؟  
 عمر      لا أنا مابقاش عندي وقت للبريدج و الخيل زيّ زمان. كبرت بقي  
 يامدام .. كفاية باشتغل في السينما و الأفلام بس.


جواب على الأسئلة.

مصر اتغيرت إزاي؟

عمر الشريف حياته اتغيرت إزاي؟

لاحظ القواعد

هو بيقول:

	دلوقتي	زمان	
- وقت كثير عند الناس - ترولي - إسطبلات	مابقاش فيه	- وقت كثير عند الناس - ترولي - إسطبل	كان فيه
- ناس كثير - تكنولوجيا - كومبيوتر	بقى فيه	- ناس كثير - تكنولوجيا - كومبيوتر	ماكانش فيه
- مترو تحت الأرض - كبير	بقى	- مترو تحت الأرض - صغير	كان



التغيير بين زمان ودلوقتي

زمان		دلوقتي	
كان	عندي / عندك / عندك / عنده / عندنا / عندهم معايا / معاك / معانا / معاهم فيه / فيهم / فينا / فيها	بَقَى	عندي / عندك / عندك / عنده / عندنا / عندهم معايا / معاك / معانا / معاهم فيه / فيهم / فينا / فيها
ماكانش	ماكانش	مابَقَاش	مابَقَاش
أنا	كُنْتُ ساكن	بَقِيتُ ساكن	مَابَقِيتُش ساكن
إنت	كُنْتُ ساكن	بَقِيتُ ساكن	مَابَقِيتُش ساكن
إنتي	كُنْتِي ساكنة	بَقِيتِي ساكنة	مَابَقِيتُش ساكنة
هو	كَانَ ساكن	بَقَى ساكن	مَابَقَاش ساكن
هي	كَانَتْ ساكنة	بَقَتْ ساكنة	مَابَقِيتُش ساكنة
إحنا	كُنَّا ساكنين	بَقِينَا ساكنين	مَابَقِينَاش ساكنين
إنتوا	كُنْتُوا ساكنين	بَقِيتُوا ساكنين	مَابَقِيتُوش ساكنين
هم	كَانُوا ساكنين	بَقُوا ساكنين	مَابَقُوش ساكنين



٤



## التدريبات


### تدريب (١ - أ)

#### اثنين كلام

طالب (أ) بَصَّ لصورة (١) و قول لزميلك المدينة دي كان فيها إيه.


#### صورة (١)

كان فيه - ماكانش فيه - كان ساكن - كان عند .. إلخ.





صورة (٢)



طالب (ب) إنت عندك نفس صورة المدينة بس بعد ٢٠ سنة. قول لزميلك بقى في إيه المدينة دي و مابقاش فيه إيه؟

اكتب جمل من الصور عن المدينة دي.

زمان	دلوقتي
١- زمان كان فيه عربيات قديمة.	دلوقتي بقى فيه عربيات جديدة.
٢-	
٣-	
٤-	
٥-	





## تدريب (١ - ب) برضه حلوة يا مصر

كلمات مفيدة: بايظ / وقع / تلوث / دخان / يكفي العالم ده كله  
/ عزل / مش عارف هنروح فين بعد كده



اسمع وقول إيه المشكلة بتاعة

الناس دول؟

١- إيه هي مشاكل مصر؟

اسمع مرة ثانية وقول:

٢- إيه رأيهم في المشاكل دي؟ قارن:

المشاكل	زمان	دلوقتي
الناس		
التاكسيات		
الزحمة		
التلوث		
العيال		

٣- إيه رأيك في المشاكل دي؟


٤- اتكلم مع زميلك عن أهم مشكلة في رأيك و سببها.

٥- عندك مشاكل في بلدك زي كده؟ اتكلم عنها مع زميلك.



## تدريب (١ - ج)

كَمِّلْ الكلمات الناقصة مع زميلك.



اختار أي موضوع من الموضوعات التي فاتت و اتكلم عن التغيير التي حصل بين زمان و دلوقتي. مثلاً اتكلم عن المعارف و الجيران:  
 زمان كان فيه جيران كثير في بيتنا القديم .. و كان فيه واحد ساكن في أول دور كان عنده كلب و .. إلخ. دلوقتي مابقاش عنده .. و مابقاش فيه .. إلخ.



## نص الاستماع لتدريب (١ - ب)

- راكب (١) ياساتر. الواحد حرّان و تعبّان و عايز يروح و الأتوبيس اتأخّر.
- راكب (٢) آه .. فعلاً. الأتوبيس اتأخّر قوي .. هم .. فين أيّام زمان .. يا خسارتك يا مصر .. ناس .. ناس .. زحمة في زحمة.
- راكب (١) آه .. فعلاً .. هوّ كان فيه ناس زيّ كده زمان؟ ماكانش فيه كلّ الناس دي .. ولا العالم ده كلّ.
- راكب (٢) الناس بتخلّف و بس. مش عارفين هنروح فين بعد كده زحمة .. زحمة في كلّ حتّة. بقى فيه مشاكل عشان تركب الأتوبيس .. بس بقى فيه تاكسيّات كتير.
- راكب (١) آه .. إلّا التاكسي و الأسعار بتاعة التاكسي .. لا .. وإيه .. مابقاش فيه تاكسيّات جديدة و حلوة زيّ زمان .. لا .. بقى فيه تاكسيّات قديمة و بقى فيه تلوث في الهواء و بقى فيه دخان كتير في الشوارع عن زمان.
- راكب (٢) لا .. لا حضرتك غلطان دلوقتي بقى فيه تاكسي العاصمة و البلد مليانة تاكسيّات جديدة. صحيح بقى فيه مشكلة تلوث عشان الناس كتير .. لكن برضه بلدنا حلوة و ناسها طيبين .. و حضرتك ساكن بعيد؟
- راكب (١) آه .. أنا ساكن بعيد. أنا كنت ساكن قريب من هنا بس البيت بتاعي كان قديم فعزّلت. و دلوقتي بقيت ساكن في حلوان عشان البيوت هناك أوسع و أرخص شويّة. و علشان يكفي كلّ العيال دي.
- راكب (٢) كلّ العيال؟ ليه حضرتك عندك كام عيل؟
- راكب (١) عندي ٧ عيال .. آه الأتوبيس آه .. حاسب حاسب يا أسطى وقف عندك .. واحد ورا يا أسطى.





## تقديم (٢) حياتي اتغيرت



ماجد كان عيَّان قوي وقَّعد في المستشفى شهرين.  
الدكتور كان زعلان منه وقال له لازم تغير حياتك. و دلوقتي هوَّ خرج من  
المستشفى و رجع شغله تاني و بقى كويس.

اسمع الحوار.

- خالد  
إزيك يا ماجد .. ياه! إنت شكلك كويس قوي دلوقتي .. و بقيت نشيط  
زي زمان. إيه اللي حصل؟ إزاي غيرت حياتك؟
- ماجد  
شوف يا خالد .. أنا كنت باعمل كل حاجة غلط لصحتي .. لكن خلاص  
غيرت كل حاجة بعد الشهرين دول في المستشفى .. خلاص.
- خالد  
ليه إنت كنت بتعمل إيه؟ و غيرت إيه؟
- ماجد  
شوف .. أنا كنت بانام متأخر وبالعب قمار لغاية الساعة ٤ الصبح.  
لكن الحمد لله بقيت أنام بدري و مابقيتش ألعب روليت و كوتشينة  
و حاجات كده .. مابقيتش أسهر أو أنام متأخر أبداً عشان صحتي.
- خالد  
طيب كويس و غيرت إيه تاني؟
- ماجد  
كنت باشرب ويسكي كتير بقيت أشرب عصير و لبن. كنت بادخن  
٣ علب سجائر و بايب .. و دلوقتي بقيت ألعب رياضة.
- خالد  
يعني بقيت كويس عشان مابقيتش تشرب سجائر و ويسكي بس؟
- ماجد  
لا .. لا أنا كمان ماكنتش باكل كويس. قهوة و شاي و بس .. دلوقتي  
بقيت أكل فاكهة و خضار. كنت باشرب حشيش .. طبعاً الحمد لله  
مابقيتش أعمل كده .. بقيت أمشي ٣ كم كل يوم.
- خالد  
براقو! .. براقو عليك! .. طيب و أخبار الشغل إيه؟
- ماجد  
الحمد لله .. أنا ماكنتش باقدر أشتغل خالص. دلوقتي بقيت أشتغل  
كويس و المدير بقى مبسوط مني. و بقيت أخرج مع مراتي و بقيت  
أقعد مع الأولاد .. الحمد لله.
- خالد  
هايل! .. براقو عليك يا ماجد! و حمد لله على سلامتك.



اكتب جملة تحت كل صورة عن حياته قبل المستشفى و بعد المستشفى.

بعد المستشفى	قبل المستشفى
 <p>بقيت أنام بدري</p>	 <p>كنت بانام متأخر</p>
 <p>بقيت .....</p>	 <p>كنت .....</p>
 <p>بقيت .....</p>	 <p>كنت .....</p>
 <p>ما بقيتش .....</p> <p>بقيت .....</p>	 <p>كنت .....</p>



## لاحظ القواعد

زمان (قبل كده .....)	دلوقتي (بعد كده .....)
أنا كنت باشرب سجاير. كنت بتنام متأخر. كنتي بتركبي عجل أيام المدرسة. كان بيشرّب ويسكي. كانت بتطيّر طيارات. كنا بنلعب في الرمل. كُنتوا بتذاكروا كثير. كانوا بيزوروا جدّهم.	بقيت أشرب عصير. بقيت تنام بدري. بقيتي تركبي عربية. بقى يشرب كوكا. بقت تلعب رياضة في النادي. بقينا نلعب على الكمبيوتر. بقيتوا تشتغلوا كثير. بقوا يزوروا باباهم.
كان + ب + فعل مضارع	بقى + فعل مضارع من غير ب
النفى: زمان	دلوقتي
ماكنتش بانام بدري. كنت باروح المدرسة.	بقيت أنام بدري. مابقيتش أروح المدرسة. بقيت أروح الشغل.
ما + كان + ش + بيعمل.	ما بقاش + يعمل / بقى يعمل.



## التدريبات

تدريب (٢ - أ(١))

كلام عن العيد



كلمات مفيدة: كنيسة / الفطار / صلاة التراويح /  
كارت / كروت / كل سنة وانت طيب / يسهر

وصل الجملة المناسبة من (أ) مع (ب).

(أ) زمان	(ب) دلوقتي
١- كنت أنا وإخواتي بنصحى بدري وبننزل مع بابا عشان نزور العيلة و نعيد عليهم.	أ- بقوا يشتروا الكحك من المحلات عشان مافيش وقت.
٢- كانت أمي وجدتي بيعملوا الكحك و البسكوت في البيت.	ب- بقينا نتفرج على صلاة العيد في التلفزيون .. مابقيناش نسهر كثير.
٣- كنا بنروح الكنيسة بالليل في ليلة العيد وينسهر للساعة ١ الصبح.	ج- بقينا نكلم الناس و نعيد عليهم في التلفزيون بس. مابقيناش نزور كثير.
٤- جدتي كانت بتسافر البلد عشان تشوف عمامي في العيد.	د- بقوا ياكلوا مع العيلة برة كثير.
٥- الستات في رمضان كانوا بيطبخوا كثير .. طول اليوم بيطبخوا.	هـ- مابقيتش تسافر البلد كثير عشان كبرت و مابقيتش تقدر تسافر خالص.
٦- أيام رمضان بعد الفطار كان الرجالة بيروحوا القهوة و يتفرجوا على التلفزيون مع بعض.	و- مابقيتش تستعمل الكروت كثير. بقت تبعت رسالة على الموبايل.
٧- الناس كانت بتبعت كروت علشان تعيد و تقول كل سنة وانت طيب.	ز- بقوا يروحوا الجامع و يصلوا صلاة التراويح بعد الفطار.

اسمع وصحح

## تدريب (٢ - أ) ((٢))

استعمل الجمل (١-٧) و اتكلم عن نفسك و احكي لزميلك إيه الفرق بين زمان و دلوقتي .. كنت بتعمل إيه في العيد في بلدك.



## تدريب (٢ - ب)

### ستات ورجالة

كلمات مفيدة: مقالة / الثورة / مواصلات / أشغال يدوية / الطبخ / يزرع

أستاذ نديم صحفي من بلد عربي يكتب مقالة عن ستات و رجالة مصر.  
عمل حوار مع راجل مصري.

اسمع و جاوب:

الست بقت زي الراجل في مصر؟

اسمع مرة ثانية و جاوب:

كلام الأستاذ حسام صحيح؟

اكتب هو قال:





زمان كان	دلوقتي بقى
الرجالة البنات الستات الجواز	كانوا بيشتغلوا ..... بقوا .....

اتكلم مع زميلك عن الفرق في بلدك بين زمان و دلوقتي في الموضوعات اللي فاتت.  
الناس كانوا بيعملوا إيه؟ و دلوقتي بيعملوا إيه؟

### تدريب (٢ - ج)

اختر موضوع من المواضيع دي:

- (أ) اتكلم مع زميلك عن ذكرياتك أيام الطفولة.  
و زمان و إنت صغير كنت بتعمل إيه؟ بتحب إيه؟ بتلبس إيه؟  
و دلوقتي بقيت تعمل إيه؟



- (ب) اتكلم عن الفرق بين عادات العيد عندكم زمان و دلوقتي.  
إيه الفرق بين زمان و دلوقتي؟ في الأكل؟ الزيارات؟ ليلة العيد؟ الهدوم؟ بتروحوا  
فين يوم العيد؟ الأجازات؟ أماكن الفسحة؟



(ج) اتكلم عن حاجات اتغيرت في حياتك:

السكن - العادات - الزيارات - شكل المدينة بتاعتك - وقت الدراسة في المدرسة  
أو في الجامعة - الشغل - الهوايات.

### نص الاستماع لتدريب (٢ - ب)

- نديم: أستاذ حسام أنا باشتغل صحفى في جريدة الحياة وأحبّ نتكلم شوية عن بلدك. ممكن؟ عايز أكتب مقالة عن مصر.
- حسام: آه .. طبعاً اتفضل. عايز تسأل عن إيه؟
- نديم: كنت عايز أسأل عن إيه الفرق بين مصر زمان و دلوقتي؟
- حسام: الفرق في إيه يعني؟
- نديم: يعني إيه اللي اتغير في الشغل أو نوع الوظائف؟
- حسام: شوف .. زمان قبل الثورة الناس كانوا بيزرعوا الأرض .. طبعاً كان فيه مدرّسين و محامين و وظائف تانية .. بس أغلب الناس كانوا بيزرعوا. و دلوقتي؟
- نديم: لا. دلوقتي الناس مابقوش يزرعوا بس .. بقوا يشتغلوا كل حاجة .. بقى فيه مدرّسين و دكاترة و مهندسين و عمّال .. و بقوا يشتغلوا كل حاجة بالكومبيوتر تقريباً.
- نديم: دي حاجة جميلة قوي. طيب .. وإيه أخبار الست المصرية؟
- حسام: الستات حصل عندهم تغيير كبير .. فمثلاً البنات المصرية ماكانتش بتروح المدرسة في الأربعينات كتير .. كانت بتقعد في البيت و كانت بتتعلم أشغال يدوية أو الموسيقى أو الطبخ .. دلوقتي كل البنات بقوا يروحوا المدارس و الجامعات تقريباً.
- نديم: طيب و رأيها في الجواز؟



حسام زمان ماكانتش البنت بتقدر تقول رأيها أو تقول لا لأبوها. دلوقتي بتقول رأيها في كل حاجة وبتتجوز اللي هي عايزاه.

نديم وبتقدر تشتغل كل حاجة؟

حسام آه .. طبعاً. بقت تقدر تشتغل كل حاجة. زمان ماكانتش بتشتغل كثير. دلوقتي بقت تشتغل كل الوظائف تقريباً وبتاخذ نفس مرتب الرجل.

نديم يعني تقدر تقول الست بقت زي الرجل؟

حسام تقريباً .. بص في الشارع .. شوف كل الستات جنب الرجال في المواصلات والمحلات وفي الأشغال .. الدنيا اتغيرت ياأستاذ.

٤ دردش معانا



### تقديم (٣)

ما تيجي نروح دهب؟



(ج) اتكلم عن حاجات اتغيرت في حياتك:

السكن - العادات - الزيارات - شكل المدينة بتاعتك - وقت الدراسة في المدرسة  
أو في الجامعة - الشغل - الهوايات.

### نص الاستماع لتدريب (٢ - ب)

نديم      أستاذ حسام أنا باشتغل صحفى في جريدة الحياة و أحب نتكلم شوية  
عن بلدك. ممكن؟ عايز أكتب مقالة عن مصر.

حسام      آه .. طبعاً اتفضل. عايز تسأل عن إيه؟

نديم      كنت عايز أسأل عن إيه الفرق بين مصر زمان و دلوقتي؟

حسام      الفرق في إيه يعني؟

نديم      يعني إيه اللي اتغير في الشغل أو نوع الوظائف؟

حسام      شوف .. زمان قبل الثورة الناس كانوا بيزرعوا الأرض .. طبعاً كان فيه

مدرسين و محامين و وظائف تانية .. بس أغلب الناس كانوا بيزرعوا.

نديم      و دلوقتي؟

حسام      لا. دلوقتي الناس مابقوش يزرعوا بس .. بقوا يشتغلوا كل حاجة .. بقى

فيه مدرسين و دكاترة و مهندسين و عمال .. و بقوا يشتغلوا كل حاجة  
بالكومبيوتر تقريباً.

نديم      دي حاجة جميلة قوي. طيب .. و إيه أخبار الست المصرية؟

حسام      الستات حصل عندهم تغيير كبير .. فمثلاً البنت المصرية ماكانتش

بتروح المدرسة في الأربعينات كتير .. كانت بتقعد في البيت و كانت

بتتعلم أشغال يدوية أو الموسيقى أو الطبخ .. دلوقتي كل البنات بقوا

يروحو المدارس و الجامعات تقريباً.

نديم      طيب و رأيها في الجواز؟



- شادي  
رمسيس  
ما تيجي نسافر دهب يا رمسيس الأسبوع ده؟  
لا .. يا شادي آسف أنا مش فاضي ماعنديش وقت أسافر مكان بعيد  
كده. ممكن حتة قريبة؟  
شادي  
رمسيس  
طيب إيه رأيك نروح إسكندرية؟  
فكرة مش بطالة .. بس قلت لك ماعنديش وقت خالص لأي سفر  
طويل. ماينفعش إسكندرية المرة دي .. خليه الشهر الجاي.  
شادي  
رمسيس  
إم .. إم .. طيب عندك مانع نروح العين السخنة يوم ونرجع. إيه رأيك؟  
مافيش مانع. إم..بس باقولك إيه .. ماتخلي الرحلة دي الأسبوع  
الجاى أحسن؟  
شادي  
رمسيس  
ليه بس؟ إيه الفرق بين الأسبوع ده و الأسبوع الجاي؟  
عشان من يومين ماكانش عندي شغل .. لكن الأسبوع ده أول الشهر  
و بقى عندي شغل كتير .. و الأسبوع الجاي هاخلص كل الشغل.  
شادي  
رمسيس  
طيب بص .. ماتياللا بعد الشغل نروح مطعم و للا سينما؟  
مطعم؟ سينما؟ ماشي فكرة هائلة أحسن من السفر.  
شادي  
رمسيس  
خلاص ياللا بينا.  
لا .. لا ياللا بينا إيه؟ مش دلوقتي .. بعد الشغل .. لما أخلص هاقابلك  
قدّام سينما مترو .. ياللا ياعمّ روح مكتبك اشتغل شوية.

عبارات الاقتراح	عبارات للموافقة	عبارات للاعتذار	عبارات للتأجيل
١- ماتيجي نروح دهب؟	١- فكرة هايلة.	١- آسف ماعنديش وقت.	١- ماتخلي الرحلة وقت ثاني.
٢- إيه رأيك نساfer دهب؟	٢- فكرة مش بطالة.	٢- ماقدرش. مش معقول.	٢- شكراً .. خليها مرة ثانية.
٣- عندك مانع نروح دهب؟	٣- مافيش (ماعنديش) مانع.	٣- مش فاضي دلوقتي.	٣- ينفع الشهر الجاي؟
٤- تحب نروح دهب؟	٤- ياللا بينا نروح.	٤- عندي شغل كتير النهارده.	٤- بلاش النهارده. ممكن بكرة؟
٥- ماتياللا نروح دهب؟	٥- ماشي.	٥- آسف ماعنديش وقت.	٥- ماتخلي الرحلة وقت ثاني.
٦- تعالي نروح دهب؟	٦- ياللا بينا نروح.	٦- ماقدرش. مش معقول.	٦- شكراً .. خليها مرة ثانية.
٧- ياللا نزوح دهب؟	٧- فكرة هايلة.	٧- مش فاضي دلوقتي.	٧- ينفع الشهر الجاي؟



يعني إيه الجمل دي؟	اختار المعنى المناسب
١- عندك مانع نساfer؟	أ - إيه رأيك نساfer؟ ب - مش ضروري نساfer.
٢- ياللا بينا نروّح؟	أ - قوموا عشان نروّح دلوقتي. ب - عايزين نروّح في أي وقت.
٣- ما تيجي نساfer دهب؟	أ - إيه رأيك نساfer دهب؟ ب - بلاش نساfer دهب.
٤- فكرة مش بطّالة.	أ - فكرة حلوة ١٠٠٪. ب - فكرة حلوة ٧٠٪.
٥- ماتخلى الرحلة وقت تاني؟	أ - هوّ عايز يساfer الرحلة بس وقت تاني. ب - هوّ مش عايز يروح الرحلة دي خالص.

## التدريبات

تدريب (٣ - أ)

كلمات مفيدة: عشرة طاولة / شلّة / نيفة / النتيجة /  
بالمرة = كمان / على طول = بسرعة / خمسينة شاي /  
نشّم هوا = نتفسح في مكان مفتوح / يحضر

وصلّ الجملة من (أ) بالردّ المناسب من (ب)

(ب)	(أ)
أ - فكرة مش بطّالة. بس أنا عندي صدا ع جامد قوي ماتخلي الأوبرا الأسبوع الجاي.	١ - ماتيجي نلعب عشرة طاولة مع الشلّة على القهوة؟
ب - لا .. لا أنا آسف. مباحبش أكل الحاجات دي. مانا كل كباب أحسن؟	٢ - ماتياللا نأجر فلوكة و نخرج نشم شوية هوا؟
ج - ماعنديش مانع .. و ماتيجي نقول لتوتو كمان عشان نشوف كل الشلّة بالمرّة.	٣ - إيه رأيك نتغدى نيفة في الحسين النهارده؟
د - ماشي يامعلم .. نشرب خمسينة شاي ليه لأ؟ إيه الموضوع .. أنا تحت أمرك.	٤ - يا شوشو تعالي ناخذ فنجان قهوة مع ديدي في سيلنترو النهارده.
هـ - لا أبداً مافيش مانع .. حالاً هاخلص الشغل ده و آجي على طول.	٥ - أهلاً يا أبو متولي. إتفضل. تحب تشرب خمسينة شاي معايا؟
و - ماقدرش. مش فاضي دلوقتي يا نبيل. روح إنت و قول لي على النتيجة.	٦ - يا أستاذ جرجس عندك مانع تحضر معنا اجتماع الموظفين و للا مشغول دلوقتي؟
ز - فكرة هايلة ياللا ناخذ أكلنا معنا و حاجة ساقعة ونتعشى على المركب.	٧ - ياللا بينا يا علي الماتش هيبتدي دلوقتي.
م - طاولة إيه و قهوة إيه يا عمر؟ معلش خليها مرّة تانية. الواد سُخن لازم أخده للدكتور.	٨ - تعالي نروح الأوبرا النهارده فيه موسيقى لعمر خيّر. إيه رأيك؟



- ١- كرّر الاقتراح والردّ الصحيح مع زميلك.
- ٢- قول لزميلك اقتراحات و أفكار عشان تخرجوا فسحة كويّسة آخر الأسبوع.
- ٣- اتبادلوا الاقتراحات و الاعتذارات.

كلمة مفيدة: يعدّي على

### تدريب (٢ - ب)

- ١- كمل الاقتراح المناسب و كرّر الحوار مع زميلك.  
اعكسوا الأدوار و كرّروا النشاط.
- طالب (أ): ..... ؟
- طالب (ب): لا. آسف مش هاقدر النهارده. ماتخليها بكرة.
- طالب (أ): ..... ؟
- طالب (ب): فكرة هايلة ياللا بينا.
- طالب (أ): ..... ؟
- طالب (ب): النهارده صعب .. ينفع بكرة؟
- طالب (أ): ..... ؟
- طالب (ب): ماشي .. و ماتيجي نقول لشريف يروح كمان معانا بالمرّة؟
- طالب (أ): ..... ؟
- طالب (ب): مافيش مانع .. و تعالى نتعشّى بعد كده أكلة كُشري.
- طالب (أ): ..... ؟
- طالب (ب): شكراً .. خليها مرّة تانية .. عشان أكون فاضي.

٢- كمل الاعتذار أو التأجيل في الحوار ده.

اعكسوا الأدوار و كرروا النشاط.

طالب (أ): ما تبالا ناكل أكلة سمك.

طالب (ب): .....

طالب (أ): إيه رأيك نروح الحسين النهارده نتفرج على الدراويش؟

طالب (ب): .....

طالب (أ): عندك مانع نعمل حفلة يوم الخميس في بيتكم؟

طالب (ب): .....

طالب (أ): ماتيجي نعدّي على مجدي ونسهر معاه.

طالب (ب): .....

### تدريب (٣ - ج)

كلمات مفيدة: يقبل الدعوة / يقبل الاقتراح / يرفض الاقتراح

١- تدريب لتقديم الدعوة و الاقتراح و القبول.

طالب (أ) اعزم زميلك و قدم دعوة أو اقتراح.

طالب (ب) اقبل الدعوة أو الاقتراح.

### مثال:

طالب (أ): ماتيجي نتغدى مع بعض في مطعم أندريه الخميس بعد الظهر.

طالب (ب): فكرة هاييلة! و باللا نقول لمجدي و ممكن نروح السينما بعد كده.



استعملوا الأفكار دي.

١- سينما يوم الحد.

٥- عشرة طاولة بعد الظهر.

٢- قهوة عند كافيه كوستا.

٦- كشري في ميدان التحرير.

٣- تنس.

٧- فلوكة.

٤- خيل.

٨- المتحف.

اعكسوا الأدوار و كرروا النشاط.

٢- تدريب لتقديم الدعوة أو الاقتراح و الرفض أو التأجيل.

طالب (أ) قدم الدعوة أو الاقتراح.

طالب (ب) ارفض الدعوة.

مثال:

طالب (أ): إيه رأيك نروح كارفور ونشتري الطلبات النهارده؟

طالب (ب): إم .. ماتخليها بكرة .. عشان أنا النهارده ....

أفكار للاقتراح

١- عيد ميلاد زميل معاكم في الفصل.	٢- جودو.
٣- ماتش كورة في الاستاد.	٤- موسيقى في ساقية الصاوي.
٥- تنضف البيت.	٦- زيارة زميل عيَّان.
٧- مذاكرة.	٨- توصل زميلك المطار.
٩- فيلم من نادي الفيديو.	١٠- حفلة و كل واحد يجيب أكل.

## أفكار للتأجيل والرفض

١- السفر متأخرًا بالليل.	٢- مقابلة صديق.	٣- زيارة لبابا وماما.	٤- هارجع بلدي.
٥- مش هاكمّل الكورس. عشان مسافر.	٦- عندي اجتماع.	٧- مستنّي مكالمة من برّة.	٨- عيان.
٩- الدنيا برد.	١٠- عندي امتحان.	١١- مباحبش الشلّة دي.	




## من واقع الحياة

الاستماع

## قريتي الجميلة

كلمات مفيدة: كَلِيّة الزراعة / أزرع / البلد = القرية



وليد و غادة كانوا جيران  
وساكنين في نفس العمارة.  
اسمع و جاوب:  
وليد و غادة فين؟



اسمع مرة ثانية و اتكلم عنهم في الموضوعات دي:

طالب (أ) يتكلم عن وليد	طالب (ب) يتكلم عن غادة
السكن / الدراسة / الشغل كان عنده / عندها الشكل مدنهم البلد بتاعتهم عايزين إيه؟	زمان دلوقتي

وليد شكك مش غريب عليا مين .. غادة؟ .. ياه إزيك يا غادة؟ مش معقول!  
من زمان ماشفتكيش .. إنتي بتعملي إيه في البلد هنا؟ ياه ده إنتي  
اتغيرتي قوي.

غادة مش معقول! وليد؟ إزيك؟ ياخبر!! إنت عايش في قويسنا وللا إيه؟ إنت  
بتعمل إيه هنا في قويسنا؟ ده أنا ماعرفتكش خالص! برضه إنت  
اتغيرت قوي .. إنت كنت رفيع قوي زمان.

وليد طبعاً زمان كنت رفيع لكن بعد الجواز بقيت تخين. كنا بناكل كتير  
هاها.. شوفي ياستي أنا هنا عشان أزور بلدي .. عارفة يا غادة .. أنا  
بافكر أعيش هنا.

غادة صحيح! وإحنا كمان .. لكن ليه؟ احكي لي .. كلمني عن نفسك.

وليد شوفي .. إحنا كنا ساكنين في عمارة واحدة. فاكرة؟

غادة آه .. صحيح وكان عندك عجلة جميلة .. وكان باباك عنده عربيّة

فولكس صغيرة .. وكان عندكم أرض كلها جناين هائلة.  
دلوقتي بابا كبير. وبعنا العربية. وأنا رحت المدينة عشان دخلت كلية  
الزراعة في إسكندرية .. وبعدين اتخرجت وسكنت في إسكندرية وخلفت.  
والولاد .. دلوقتي بقوا في المدارس .. بس أنا عايز أشتغل وأزرع أرضي .. و  
القرية بقي فيها دلوقتي مدارس وتعليم ونور وكل حاجة .

وليد

صح .. براقو عليك أنا بافكر كده برضه. أنا وجوزي درسنا في كلية طب  
المنصورة وسكننا هناك .. بس المدينة برضه بقت زحمة جداً دلوقتي. كان  
عندنا بيت حلو والمدينة كانت هادية .. لكن خلاص مابقاش فيه هدوء  
في المدينة. دلوقتي بقي فيه مدارس في البلد هنا عشان الأولاد .. وبقت  
كل حاجة موجودة في القرية. فقلنا نرجع بلدنا ونشتغل هنا أحسن. البلد  
هنا أهدا وأحسن وأجمل وما فيهاش تلوث وأمان جداً.

غادة



## القراءة و الكتابة

### حكاية من تاريخ مصر


ادرس الكلمات دي:



ييزع




مصر




البلد



الملك



بره البلد




تعليم




قطن



زعلوا



القرية



بيت




نور



مترو  
تحت الأرض



فقيرة



مصانع









طردوا








كان ياما كان .. مصر زمان

اقرأ النص.

زمان كان فيه  في مصر! كان  أنا  يس

لكن ماكانش  ولا أولاد  المصريين 

و كان فيه في  شغل قليل .. أغلب المصريين كانوا ... ب  وأغلب الوقت كانوا ب  

عشان  كان بيعيه بره 

ماكانش فيه  كويس ولا  في كل 

كان فيها بيوت  وصغيرة . 



المصريين خالص و من

و ما بقاش فيه و

بقاش

عشان المصريين والمصريين بقوا حاجات كثير

و

بقاش

كبيره ماكانش فيه

و

بقاش

كبيره ماكانش فيه

كفاية لكن دلوقتي بقى فيه

في كل مكان في

و

ما بقاش فيها بيوت صغيرة... تكن بقى فيها بيوت وشوارع كثيرة

و

بقى فيها عمارات كبيرة و

جديد تحت الأرض!! بس يا خسارة

و

بقاش

زمان ماكانش فيه زحمة و

ودلوقتي بقى فيه زحمة و

قوى



- ١- إنت الملك. إحكى حكايتك لزمايك و قول لهم ليه في رأيك المصريين طردوك.  
٢- دلوقتي اكتب الكلمة الناقصة: (كان فيه - بقى فيه - ماكانش فيه .. إلخ).



١٤

زمان ..... ملك في مصر و كان الملك بيحب نفسه .. لكن ما  
..... بيحب البلد و لا أولاد البلد المصريين. و ..... في  
مصر شغل قليل. و أغلب المصريين ..... بيزرعوا. و أغلب الوقت .....  
قطن عشان الملك يبيعه برّة. ما ..... تعليم كويس .. و لا نور في كل  
بيت و القرية ..... بيوت فقيرة و صغيرة. المصريين ..... خالص  
و ..... الملك من البلد و ما ..... فيه ملك. و مصر ..... عشان  
المصريين. و المصريين ..... يزرعوا حاجات كتير و مصر .....  
مصانع كبيرة. ما ..... نور كفاية لكن دلوقتي ..... نورفي كل مكان  
في مصر. و القرية ما ..... بيوت كبيرة لكن دلوقتي ..... بيوت  
و شوارع كبيرة و كتيرة. و مصر ..... عمارات كبيرة و مترو جديد تحت  
الأرض. بس ياخسارة!! زمان ما ..... زحمة و ناس كتير. ....  
هدوء. دلوقتي ..... زحمة و ناس كتير قوي .. و دوشة كمان.



## الكلام

(١) (أ) استعمل المواقف دي واعمل مقارنة بين زمان و دلوقتي زي الحوارات دي.

المقارنة بين الفنادق	المقارنة بين المطاعم
<p>- فندق كليوباترا أحسن من زمان صح؟</p> <p>- لا أفكر فندق شهر زاد دلوقتي بقى أحلى و أجدد.</p>	<p>- إيه رأيك في مطعم فلفلة؟ كويس مش كده؟</p> <p>- يعني .. كان زمان أرخص من دلوقتي. الشبراوي أرخص بكثير و المحلات بقت أكثر في كل مكان.</p>



(ب) اتكلم عن مقارنات تانية زي:

أسعار دراسة العربي - أماكن الفسحة (جناين - مطاعم - مطاعم مفتوحة - رحلات - سينما .. إلخ).



## افكر

(١) للكلام عن التغيير بين زمان ودلوقتي.

زمان	دلوقتي
كان عنده / فيه / معاه ماكانش عنده / فيه / معاه كان صغيراً	بقى عنده / فيه / معاه مابقاش عنده / فيه / معاه بقى كبير - مابقاش صغيراً
كان ساكن / ماكانش ساكن	بقى ساكن / مابقاش ساكن

(٢) الكلام عن التغيير في العادات بين زمان ودلوقتي باستخدام الفعل.

زمان	دلوقتي
كان بيعمل ماكانش بيعمل	بقى بيعمل (للعادة) مابقاش يعمل / بقى يعمل

(٣) للاقتراح والعزومة.

باستخدام (ما)	طريقة ثانية
ما تيجي نروح .....	ياللا بينا نروح .....
ما تياللا نروح .....	عندك مانع نروح .....
ما نروح .....	تحب نروح .....
	إيه رأيك نروح .....





## الوحدة السادسة

### محتويات الموضوعات في الوحدة السادسة

- ◆ تقديم (١) التكلّم عن الأحداث - البلاغ - اعتذارات.
- ◆ تقديم (٢) طلب المساعدة - سرد الحكايات و الأفلام.

### « دردش معانا

- ◆ تقديم (٣) تبادل الأخبار و السؤال عن الناس و أحداثهم و أحوالهم.

## فهرس الكلمات الجديدة في وحدة ٦

### تقديم (١)

اعتذار - زكام - معاك حق - غريبة قوي - حماتي - مِنوَم - خَدَي - واربم - ضيرس - أشعّة.

### تقديم (٢)

وحياتك - ينقل العفش - يعزّل - نشر - يريّح - اتعلّم - جاهل - متعلّم - حاجة حلوة - شدّ - ضحك على - شيل - ربّط - رمى - عبيط - ماعندهمش حق - شيخ البلد - الطريق - اتّدايق.

### ٧ دردش معانا

### تقديم (٣)

عور - الإشارة - اصطلح - اتخانق - سببي الناس في حالهم - خَلَف توأم - طلع الأول على الدفعة - خطب - حرام عليك.

### من واقع الحياة

يبلغ - بلاغ - ضاع منّي - خاتم - فعلا - مقفول - مفتوح - نَفْسُه يسافر - اتبع التعليمات.





## تقديم (١١)

قالوا إيه؟

### موقف (١)

بكرة حفلة عيد ميلاد أنغام .. هي اتصلت بأصحابها

وعزمتهم .. بس فيه أصحاب اعتذروا.

اسمع الاعتذارات بتاعتهم:



آلو ميمي. هتيجي عيد ميلادي بكرة؟

لا .. أنا آسفة يا أنغام أنا قاعدة مع جدِّي في المستشفى مش هاقدر.

آلو .. حسام. هاشوفك بكرة في الحفلة مش كده؟

لا .. آسف يا أنغام. أنا عندي شغل في إسكندرية .. معلىش المرة الجاية.

أمير .. إزيك؟ أنا مستنيّة أشوفك بكرة في حفلة عيد ميلادي.

لا والله .. مش هاقدر يا أنغام. أنا هاروح المطار في نفس

ميعاد الحفلة.

آلو .. نهاد. قالوا لك على الحفلة بكرة الساعة ٦؟ هاشوفك طبعاً؟

معلىش يا أنغام أنا أخذت برد وعندي حرارة ٣٩ .. أنا متأسفة جداً.

أنغام

ميمي

أنغام

حسام

أنغام

أمير

أنغام

نهاد



اسمع و وصل الاسم بسبب الاعتذار.

(أ)	(ب)
ميمي	عندي شغل في إسكندرية.
حسام	قاعدة مع جدي في المستشفى.
أمير	أخذت برد و عندي حرارة ٣٩.
نهاد	هاروح المطار في نفس ميعاد الحفلة.



### تقديم (أ ب)

قالوا إيه؟

#### موقف (٢)

أنغام قابلت زميلها نادي بعد المكالمات دي  
وزعانة عشان أصحابها اعتذروا. هو عايز  
يعرف أصحابها اعتذروا ليه.



نادي	خلاص كلمتي كل الناس يا أنغام؟
أنغام	آه .. بس مش كلهم هيجوا الحفلة.
نادي	ليه بس .. مين مش هيجي؟
أنغام	ميمي .. قالت إنها مش هتقدر عشان هي قاعدة مع جدّها في المستشفى.
نادي	آه .. طيب و حسام هيجي طبعاً مش كده؟
أنغام	لا .. برضه حسام قاللي إنه آسف جداً عشان عنده شغل في إسكندرية.
نادي	و أمير أخباره إيه؟ مش هيجي برضه زي كل مرة؟
أنغام	آه .. هو قال إنه مش هيقدر عشان هيروح المطار في نفس ميعاد الحفلة.



نادي      يوه .. طيب و نهاد صاحبك؟  
 أنغام      برضه اعتذرت .. وقالت لي إنها خدت برد و عندها حرارة ٣٩°.  
 نادي      معلش. إن شاء الله باقي الناس هتيجي و هتعملي حفلة حلوة.

اسمع الحوار و جاب أنغام بتقول هم قالوا إيه؟

كلام مباشر	كلام غير مباشر
ميمي: "أنا قاعدة مع جدّي." حسام: "أنا عندي شغل كثير." أمير: "أنا هاروح المطار." نهاد: "أنا أخذت برد و عندي حرارة." الأصحاب: "إحنا مش جايين الحفلة."	هيّ قالت إنها قاعدة مع جدّها. هوّ قال إنه عنده شغل كثير. هوّ قال إنه هيروح المطار. هيّ قالت إنها أخذت برد و عندها حرارة. همّ قالوا إنهم مش جايين الحفلة.



#### لاحظ القواعد

لنقل كلام عن شخص غائب:

هوّ قال	هـ	بیسافر - ما بیسافرش
هيّ قالت	ها	هتسافر - مش هتسافر
همّ قالوا	همّ	سافروا - ما سافروش

الضمير	الفعل	إنَّ + ضمير متصل	الضمير المتصل	باقي الجملة
أنا	قُلْتُ	إِنِّي	ي	جملة اسمية
إنتَ	قُلْتَ	إِنَّكَ	ك	(إثبات أو نفي)
إنتي	قُلْتِي	إِنَّكَ	ك	فعل مضارع
هوَّ	قَالَ	إِنَّهُ	ه	مستقبل
هيَّ	قَالَتْ	إِنَّهَا	ها	ماضي
إحنا	قُلْنَا	إِنَّا	نا	(إثبات أو نفي)
إنتوا	قُلْتُوا	إِنَّكُمْ / إِنَّكُمُ	كم / كو	
همَّ	قَالُوا	إِنَّهُمْ	همَّ	

الضمير + قال + إنَّ + ضمير متصل + أيَّ جملة أو عبارة في أيَّ زمن إثبات أو نفي.  
ملحوظة: زمن الفعل ما يتغيرش عند التغيير من المباشر لغير المباشر.



## التدريبات

تدريب (١ - أ)

كلمة مفيدة: زُكام

(١) أ- اسمعوا جُمِلَ الكلام المباشر من عمود (١).

ب- اقرؤا الكلام الغير مباشر من عمود (٢) و حطّوا نمرة الجملة قُدّام

الإجابة الصحيحة.



غير مباشر (٢)	مباشر (١)
<p>أ- هيَّ قالت إنّها ماشافتش الفيلم ده قبل كده.</p> <p>ب- هوّ قال لحسام إنّّه لازم يخلّص الواجب بسرعة عشان هيخرجوا.</p> <p>ج- همّ قالوا إنّهم يمكن يسافروا أسوان بعد الإمتحانات.</p> <p>د- هيَّ قالت إنّها نصّفت و طبخت يوم الخميس و بعدين قابلت صاحببتها.</p> <p>هـ- همّ قالوا إنّهم مازاروش نادية عشان ماكانتش في البيت.</p> <p>و- هيَّ قالت لأحلام إنّها هتكتب الجواب ده بسرعة و بعدين هتروّح.</p> <p>ز- هوّ قال إنّنا لازم نتفرّج على المسرحيّة دي عشان جميلة قوي.</p> <p>ح- هوّ قال إنّّه قاعد في البيت عشان عنده زكام.</p> <p>ط- هيَّ قالت إنّهم مش هياكلوا برّة .. هيّ هتطبخ عشان جوزها بيحبّ أكل البيت.</p> <p>ي- هوّ قال إنّّه ماراحش يصلّح العربيّة عشان مش فاضي.</p>	<p>١- مارحتش أصلح العربيّة عشان مش فاضي.</p> <p>٢- مش هناك برّة. أنا هاطبخ. جوزي بيحبّ أكل البيت.</p> <p>٣- أنا قاعد في البيت عشان عندي زكام.</p> <p>٤- يمكن نسافر أسوان بعد الامتحانات.</p> <p>٥- لا أنا ماشفتش الفيلم ده قبل كده.</p> <p>٦- يوم الخميس نصّفت و طبخت و بعدين قابلت صاحبتي.</p> <p>٧- مازرناش نادية عشان ماكانتش في البيت.</p> <p>٨- لازم نتفرّجوا على المسرحيّة. دي جميلة قوي.</p> <p>٩- حسام .. لازم تخلّص الواجب بسرعة عشان هنخرج.</p> <p>١٠- يا أحلام هاكتب الجواب ده بسرعة و بعدين هاروّح.</p>



## حوار (٢)

- (١) المريض قال إيه للدكتور؟
- (٢) باهر قال سبب التعب إيه؟
- (٣) الدكتور قال لازم يعمل إيه؟



## حوار (٣)

- (١) المريضة قالت إيه؟
- (٢) الدكتور قالها إيه؟

دلوقتي كلّ طالبين يختاروا حوار و يمثلوه.

طالب (أ) المريض وطالب (ب) الدكتور.

طالب (ج) يسأل المريض طالب (أ) الدكتور قاللك إيه؟

اعكسوا الأدوار و غيروا النشاط.

## تدريب (١ - ج)

### موقف (١)

إنت عيد ميلادك يوم الجمعة الجاي. إنت عزمّت كلّ أصحابك لكن أغلب أصحابك

في الفصل اعتذروا.

أفكار اعتذارات للطلبة:

- هتخضر فرح.
- مسافر في الأجازة.
- هتذاكر للامتحانات.
- هتروح المطار.
- هتساعد صاحبك يغير شقته.
- راجع بلدك.
- عندك ميعاد تاني.
- عيّن.
- عندك ضيوف.
- أفكار تانية.



(٢) طالب (أ) اقرا جملة من العمود (١) لزميلك. طالب (ب) حوّل الجملة لغير المباشر.

(٣) اعكسوا الأدوار.

(٤) صحّحوا الإجابات لبعض من الكتاب.

تدريب (١ - ب)

آلو .. يادكتور

كلمات مفيدة: حماة / ضِرْس / خَدْي / وَاِرم / أشعة / يبلع / بيوجع

دي مكالمات مختلفة للدكتور.

اسمع و حطّ (✓) على صورة صاحب الحوار.



اسمع ثاني وجاوب.

حوار (١)

١- المريض قال إيه للدكتور؟

٢- الدكتور قال للمريض يعمل إيه؟





## حوار (٢)

- (١) المريض قال إيه للدكتور؟
- (٢) باهر قال سبب التعب إيه؟
- (٣) الدكتور قال لازم يعمل إيه؟



## حوار (٣)

- (١) المريضة قالت إيه؟
- (٢) الدكتور قال لها إيه؟

دلوقتي كل طالبين يختاروا حوار و يمثلوه.

طالب (أ) المريض وطالب (ب) الدكتور.

طالب (ج) يسأل المريض طالب (أ) الدكتور قال لك إيه؟

اعكسوا الأدوار و غيروا النشاط.

## تدريب (١ - ج)

### موقف (١)

إنت عيد ميلادك يوم الجمعة الجاي. إنت عزمك كل أصحابك لكن أغلب أصحابك

في الفصل اعتذروا.

أفكار اعتذارات للطلبة:

- هتخضر فرح.
- مسافر في الأجازة.
- هتذاكر لامتحانات.
- هتروح المطار.
- هتساعد صاحبك يغير شقته.
- راجع بلدك.
- عندك ميعاد تاني.
- عيان.
- عندك ضيوف.
- أفكار تانية.



- أ - كلّ طالب في الفصل يعتذر لصاحب عيد الميلاد.
- ب - الطلبة تسأل صاحب عيد الميلاد عن اعتذار كلّ واحد.
- صاحب عيد الميلاد يجاوب.
- مثلاً: چون قاللي إنه مش هيقدر يجي عشان عنده فرح.
- ج - اتبادلوا دور صاحب عيد الميلاد.

### موقف (٢)

- المدرّس عايزكم تاخذوا درس إضافي يوم الأجازة .. و طلب من واحد زميلكم يسألكم إذا كان الميعاد مناسب للكلّ.
- أ - كلّ واحد يفكر هيقول إيه عشان تعتذروا.
- ب - كلّ طالب يسأل ٢ من زميله ويقول للمسؤول زميله قال الميعاد مش مناسب ليه؟

### موقف (٣)

اسألوا بعض عن الحاجات دي .. و كلّ واحد يقول زميله قال له إيه .. و املا الجدول.

الاسم	عمل إيه إمبارح؟	هيعمل إيه بكرة؟	هيعمل إيه في الأجازة؟	إيه آخر كتاب قراه؟	إيه الأكل اللي بيحبّه؟	إيه الهواية اللي بيحبّها؟
١						
٢						
٣						
٤						
٥						

## نص الاستماع لتدريب (١ - ب)

### حوار (١)

- مريض: ألو.. يادكتور أنا تعبنا قوي. عندي صداع جامد. كل يوم باصحي عندي صداع وحش قوي.
- الدكتور: بتنام كويس؟ بتاكل كويس؟
- مريض: كنت بانام كويس و كنت باكل كويس لكن من بعدما مراتي رجعت من عند حماتي أنا مابقيتش أنام كويس ولا باكل كويس و كمان بقى عندي مشاكل في الشغل. مش عارف أعمل إيه؟
- الدكتور: طيب لازم تيجي بكرة و هاشوفك .. بس لازم تاخذ أسبرين و هأكتب لك على منوم لغاية ماتيجي بكرة.
- مريض: أجيب معايا مراتي يادكتور؟
- الدكتور: لا طبعاً. ماتجيبش معاك مراتك ولا حد خالص.

### حوار (٢)

- الدكتور: ألو.. أيوه ياأستاذ باهي إيه المشكلة؟
- باهي: سناني يادكتور ضرسي .. بيوجعني على طول .. و مش عارف أكل و مش عارف أنام .. و خدي وارم و عندي صداع .. هاتجنن.
- الدكتور: ليه! عملت إيه؟
- باهي: أنا باحب الحاجات الطوة أكثر من الحادقة .. فأكلت حلويات كتير .. و الآيس كريم أكثر حاجة وجعتني.
- الدكتور: كمان أكلت آيس كريم! طيب لازم تاخذ أنتبيوتك كل ٦ ساعات و طبعاً مش لازم تاكل على الضرس ده. و هاشوفك بعد ٣ أيام عشان نعمل أشعة.



### حوار (٣)

مریضة: آلو .. یادکتور أسامة أنا تعبانة قوي! زوري بیوجعني و مش عارفة  
أتکلم ولا أبلع و إنت عارف أنا مدرّسة و شُغلتی الکلام.  
الدکتور: بُصّي .. مش لازم کلام لمدة أسبوع. لازم تاخدي دوا الشرب .. لمدة  
أسبوعین و لازم تکرري العلاج اللي فات کله مرّة تانية .. و هاشوفک  
بعد أسبوعین.  
مریضة: إيه؟ ما اتکلمش أسبوع؟ آجي بعد أسبوعین .. و الشغل یادکتور؟



### تقديم (٢)

مین هيساعدني؟

کلمات مفيدة: بيعزل / عزال / ينقل العفش /  
وحياتک / مافيش مانع

نجيب عايز يعزل و بيطلب أصحابه عشان يساعده.  
اسمع و جاوب.



- ١- مین قال هيساعده؟
- ٢- کل واحد قال هيعمل إيه؟



- نجيب .. آلو .. تامر إزيك ؟
- تامر أهلاً يا نجيب. إزيك إنت ؟
- نجيب وحياتك .. عايزك في خدمة ممكن ؟
- تامر آه .. تحت أمرك .. ممكن طبعاً.
- نجيب وحياتك عايزك تطلبلي عربية نقل عشان عايزك تساعدني وتنقلني العفش. إنت قلت هتساعدني .. صح ؟
- تامر آه .. طبعاً حاضر .. مافيش مانع. و كنت عايز أسألك فيه حاجة تانية ممكن أساعدك فيها .. رتبت كل حاجة ؟
- نجيب آه .. خلاص تقريباً. ماما بترتبلي حاجات وحاجات تاني حطتها لي في الصناديق. وفيه أصحاب كتير قالولي إنهم هيساعدوني.
- تامر زي مين يعني ؟
- نجيب محفوظ شاللي كل الكهرباء وقاللي إنه هايركبلي الأجهزة الكهربائية لما نوصل.
- تامر كويس .. و مين تاني معاك ؟
- نجيب مشيرة قالتلي إنها هترتبلي المطبخ. و عادل قاللي إنه هينضفلي البيت.
- تامر كويس قوي. طيب و التليفون ؟
- نجيب بابا قاللي إنه خلاص وصللي التليفون .. و خالتي قالتلي إنها هتطبخلي و تملأ التلاجة.
- تامر هايل .. عشان لما أوصل ألاقي حاجة أكلها.



## لاحظ القواعد

### طريقة (١)

الطلب	الفعل إيه؟	الفاعل مين؟	حرف الجر	المفعول به لمين؟
ممکن تساعدني؟	إنت	تساعد	-	ني (أنا)
ممکن تطلبلي عربيّة؟	إنت	تطلب	ل	ي (أنا)
عايزك ترتبلي العفش.	إنت	ترتب	ل	ي (أنا)



### طريقة (٢)

الطلب	لمين؟	الجملة
ممکن تجيب الشنطة؟	لى	ممکن تجيب لي الشنطة.
	له	تجيب له الشنطة.
	لها	تجيب لها الشنطة.
	لنا	تجيب لنا الشنطة.
	لهم	تجيب لهم الشنطة.



طريقة (٣): ممكن تغيير الفاعل و المفعول حسب الكلام

الطلب	الفاعل	الفعل	ل	المفعول به
ممكن تعمللي شاي؟	إنت	يعمل	ل	ي (أنا)
ممكن تعمللي قهوة؟	إنتي	“	“	ي (أنا)
ممكن تعملولي أكل؟	إنتوا	“	“	ي (أنا)
ممكن يعملولي شوربة؟	هم	“	“	ي (أنا)
ممكن تعملولنا ساندوتشات؟	إنتوا	“	“	نا (إحنا)
ممكن تعملولهم حاجة سخنة؟	إنتوا	“	“	هم



استخدامات تانية للضمير المتصل (أ)

هو قال إيه؟ هي قالت إيه؟	الفعل إيه؟	الفاعل	حرف جر	المفعول به لمين ؟
محفوظ قال إنه	هيركّبلي الكهربا	هو	ل	ي (أنا)
مشيرة قالت إنها	هترتبلي المطبخ	هي	ل	ي (أنا)
عادل قال إنه	هينضّفلي البيت	هو	ل	ي (أنا)
بابا قال إنه	وصّلي التلفون	هو	ل	ي (أنا)
خالتي قالت إنها	هتطبخلي الأكل	هي	ل	ي (أنا)



استخدام الضمير المتصل مع أي زمن للفعل (ب)

الفعل المضارع	الفعل الماضي	المستقبل
ماما بنرتبلي حاجات	ماما حطّلي حاجات في الصناديق	خالتي هتطبخلي

استخدام القواعد الضمير المتصل مع بعض الكلمات المساعدة و الفعل المضارع بدون ب (ج)

عشان يوصلني	لازم يكتبلي	ممکن يعمللي	عايز يبعثلي	المفروض ينضّلي
-------------	-------------	-------------	-------------	----------------



## التدريبات

تدريب (٢ - أ(١))

وصل (أ) مع (ب).

اسمع و صحّح و كرّر الحوار مع زميلك.

أ	ب
١- الدكتور قالك إيه إمبراح؟ ٢- شغالتك سعدية عملتك إيه النهارده؟	أ- سعدية غسّلتني كلّ الهدوم ونشّرتها لي الحمد لله .. ساعدتني قوي النهارده و عملتني شغل كثير.

<p>ب- أيوه يافندم باكتبلك الجواب دلوقتي وهاطلبلك شركة فوديكو و حجزتك تذكرة الطيارة خلاص.</p> <p>ج- قاللي إني آخذ الدواء ده عشان هيريحني .. و أكلّمه بعد أسبوع و أقوله على النتيجة.</p> <p>د- قلتك ياأسطى حسني إني مش هاجوزك بنتي. روح شوفلك مدرسة و اتعلمك حاجة الأول. أنا بناتي كلهم متعلمين و ماحدش فيهم جاهل.</p> <p>هـ- أبدأ .. قالتلي إنها هتروح للكوافير .. و بعدين هتشتريلنا حاجة حلوة و هترجع على طول.</p>	<p>٣- بتعملي الشغل اللي قلتك عليه؟</p> <p>٤- جرى إيه ياأسطى بيومي؟ رأيك إيه في الموضوع اللي قلتك عليه؟</p> <p>٥- درية قالتك حاجة يا فادية .. عشان هي اتأخرت قوي؟</p>
--	--

### تدريب (٢ - أ(٢))

- اسمع الردّ الصحيح مرّة ثانية و اختار الضمير لمين زيّ المثال.
- ١- سعيّة غسّلتلي كلّ الهدوم و نشرّتهاالي الحمد لله ساعدتني قوي النهارده  
و عملتلي شغل كثير.
- سعيّة غسّلت الهدوم لمين؟ (أنا - إنت - همّ)
- ٢- أيوه يافندم باكتبلك الجواب دلوقتي .. وهاطلبلك شركة فوديكو و حجزتك  
تذكرة الطيارة خلاص. (همّ - إنت - إحنا)



٣- قاللي إني آخذ الدوا ده عشان هيريحني .. وأكلمه بعد أسبوع وأقوله على النتيجة. (أنا - هو - إحنا)


٤- قلتك ياأسطى حسني إني مش هاجوزك بنتي. روح شوفك مدرسة و اتعلمك حاجة الأول. أنا بناتي كلهم متعلمين و ماحدش فيهم جاهل. (أنا - أنت - هم)

٥- أبداً .. قالتلي إنها هتروح للكوافير و بعدين هتشتري لنا حاجة حلوة و هترجع على طول. (أنا - إحنا - هم)

### تدريب (٢- ب(١))

كان ياما كان أيام زمان

دي حكاية من زمان .. بُصّ للصُور .. صورة (١) هي أول الحكاية و صورة (٧) هي آخر الحكاية. حاول مع زميلك ترتيب كل الحكاية.







تدريب (٢ - ب(٢))

كان ياما كان أيام زمان

### حكاية جحا

كان ياما كان فيه راجل اسمه جحا زمان. جحا كان عنده دائماً مواقف و حكايات  
بتحصله عشان هو راجل طيب و بسيط .. و في مرة حصلت له حكاية و رجع من  
السوق زعلان و قابل شيخ البلد في الطريق و حكى له الحكاية.  
اسمع الجزء الأول من الحكاية و جاوب.

### الجزء الأول

١- رتب صور الجزء اللي سمعته.



٢- اسمع مرّة ثانية و حطّ ٧ أو X.

- جحا وابنه ركبوا الحمار وراحوا السوق.

- الحمار مشي قدّامهم.

- الناس كانت مبسوطة منه.

- جحاركب الحمار و ابنه مشي وراه.

- الناس قالتله إيه أوّل مرّة؟

- الناس قالتله إيه ثاني مرّة؟

- الناس كانوا بيضحكوا عليه ليه؟

- الناس كانوا مبسوطين منه؟ ليه؟

- جحازعل ليه؟

- الناس كان عندهم حقّ؟

يعني إيه الكلمات دي؟ وصل الإجابة الصح:

١- ركبّ ابني على الحمار.	أ- أكبر واحد في القرية و كلّ الناس بتسمع كلامه.
٢- عبيط.	ب- ساعد أبوك يركب الحمار.
٣- ركبّ أبوك على الحمار.	ج- غلطانين / مش لازم يتكلّموا على حدّ.
٤- ما عندهم مش حقّ.	د- مابيفهمش حاجة (عكس ذكي).
٥- شيخ البلد.	هـ- ساعد ابنه يركب الحمار.

### الجزء الثاني

اسمع ثاني و حطّ خط تحت الكلمة اللي تسمعها.

ركبّهولي - قالولي - شيلّني - شافونا - كلّموني.

رتّب الصور حسب الحوار اللي تسمعه.



١- جحا عمل إيه لما الناس اتدايقت من ابنه؟	٢- الناس في السوق قالوا لجحا إيه؟
٣- جحا و ابنه عملوا إيه؟	٤- الناس ضحكت على جحاتاني إيه؟
٥- جحا عمل إيه عند الكوبري؟	٦- هو زعلان إيه؟
٧- فهمت إيه من معنى الحكاية دي؟	

يعني إيه: يخلص من المشكلة؟

- يحل المشكلة و يبقى ما عندهوش مشكلة.

- عنده مشكلة.

يعني إيه: يتصرف؟

- يفكر في حل.

- ما يفكرش.

#### نصّ استماع الجزء الأول لتدريب (٢ - ب) (٢٠٠٧)

شيخ البلد إيه مالك يا جحا؟ متدايق كده إيه؟ حصلك إيه؟

جحا شوف يا شيخ البلد .. النهارده خرجت الصبح عشان أروح السوق

و أخذت ابني معايا.

شيخ البلد طيب كويس .. وروحوا إزاي؟

جحا كنا ماشيين و ساحبين الحمار بتاعنا و رانا.

شيخ البلد هه .. و بعدين؟

جحا الناس ضحكوا علينا و قالولي: "إنت عبيط."



شيخ البلد لا لا ما عندهم حق .. طيب وانت قتلهم إيه؟  
 جحا ما قتلهمش حاجة. ركبت ابني على الحمار. عشان مايضحكوش عليا.  
 شيخ البلد لا .. شاطر .. وطبعاً الناس .. انبسطت؟  
 جحا انبسطوا إيه؟ طبعاً لا .. إحنا مشينا شوية وبعدين ناس تانيين بصّوا  
 لابني وهم متدايقين وقالوله: "لازم تنزل يا ولد وركب أبوك على  
 الحمار .. عشان هو راجل كبير."  
 شيخ البلد إم .. دايماً الناس كده! لازم يتكلموا على كل حاجة.

#### نصّ استماع الجزء الثاني لتدريب (٢ - ب(٢))

شيخ البلد طيب عملت إيه يا جحا لما قالوا لابنك ركب أبوك على الحمار؟  
 جحا عارف عملت إيه؟ ركبت أنا وابني على الحمار .. ومشينا ودخلنا السوق.  
 شيخ البلد فكرة هائلة .. وبعدين؟  
 جحا برضه ناس تاني شافونا واتدايقوا وقالولي: "لازم تنزلوا من على  
 الحمار .. الحمار تعبان قوي."  
 شيخ البلد وطبعاً نزلتوا من على الحمار؟  
 جحا آه .. طبعاً نزلنا من على الحمار وربطت الحمار وابني شيلني الحمار  
 ومشينا شالين الحمار .. وكان ثقيل قوي .. بس برضه الناس  
 ضحكت علينا وأنا اتدايقت خالص.  
 شيخ البلد طيب اتصرفت إزاي؟  
 جحا لما وصلت الكوبري .. رميت الحمار في المية عشان أخلص من  
 المشكلة .. بس برضه الناس ضحكت علينا.  
 شيخ البلد طيب وانت دلوقتي متدايق ليه؟  
 جحا أنا زعلان قوي يا شيخ البلد. زعلان عشان ..



## تدريب (٢ - ج)

### كلمة مفيدة: مشرف الرحلة

(١) كوّنوا دائرة ياخذ الطلبة أسماء أ .. ب .. ج :

١- طالب (أ) يحكي عن آخر فيلم شافه لزميله (ب).

٢- الزميل (ج) يسأل الزميل (ب) عن قصة الفيلم اللي حكى عنها الزميل (أ)  
"هو قال إيه؟"

٣- اتبادلوا الأدوار .. كل طالب لازم يقول قصّة و يسأل عن قصّة.

(٢) مواقف

(تمثيل) اتكلّم مع زميلك في المواقف دي زي المثال:

طالب (أ)

طالب (ب)

١- إنت ضاغت منك فلوسك في

السينما. و بتزعّق عشان

الموظف يساعدك.

٢- اتخانقت مع أصحابك عشان

راحوا الرحلة و سابوك.

٣- اتخانقت مع التاكسي عشان

عايز ياخذ منك فلوس أكثر من

اللازم.

- إنت تعبّان و عايز تروّح .. و مش عايز

تدور معاه .. و عايز تقفل المكتب .. و مش

عايز تساعدك.

- إنت واحد من الأصحاب دول و بتزعّق

عشان هوّ اتأخّر عليكم و روحوا الرحلة

من غيره.

- إنت سوّاق مش كويس دايمًا بتحبّ تاخذ

فلوس أكثر من الزباين.



٤- عزمت أصحابك على حفلة  
وماحدث جـه. كل واحد قالك  
ماجاش ليه؟  
- إنت واحد من الأصحاب .. وبتقول  
اعتذار مش حقيقي وبتكذب على  
صاحبك.

٥- رحت قسم البوليس عشان واحد  
سرق الشنطة بتاعتك.  
- الظابط جـه متأخر و مش عايز يسمعك  
وعايز يشرب القهوة الأول.

٦- إنت مشرف الرحلة .. وبتقول  
للفصل يحضروا إيه؟  
- إنت بتسأل أسئلة كتير و مش عايز تفهم و  
لا عايز تساعد أو تحضر أو تشتري حاجة.

(٣) مثال: طالب (أ): ممكن تدور لي و تسأللي على الفلوس اللي ضاعت مني و .. إلخ؟  
طالب (ب): لا .. آسف أنا مش فاضي أدورك أنا لازم أمشي و .. إلخ.

(٤) قول حكاية شعبية مشهورة فى بلدك قدام الفصل.  
الطالب الكسبان هو اللي يقول أحسن حكاية.

٢ درتش معانا



١٧

كلمات مفيدة: عور / نور / الإشارة

### تقديم (٣)

ماسمعتش عن اللي حصل؟

ماعرفتش اللي حصل؟

عوني قابل لمياء قدام باب السينما.

اسمع و جاوب هم بيتكلموا عن مين.





- لمياء ماسمعتش عن اللي حصل لدينا يا عوني؟ ماعرفتش؟
- عوني لا ماسمعتش .. حصل لها إيه؟ احكي لي عن اللي حصل.
- لمياء بُصّ .. هيّ قالتلي إنّها بقت أحسن دلوقتي .. لكن طبعاً الحادثة كانت جامدة وكبيرة.
- عوني حادثة!! يا حرام .. ليه كده؟ احكي لي عن الحادثة دي .. ده ماحدث من الشلة قاللي أيّ أخبار. ماعرفتش حاجة خالص!
- لمياء شوف .. دينا قالتلي إنّها كانت راكبة عربيتها وواقفة في الإشارة لكن كان فيه لوري كبير ماشي بسرعة وراها.
- عوني يا خبر! هه .. وبعدين قوليلي بقي بسرعة حصلها إيه.
- لمياء هيّ قالتلي إنّ السواق ماشافش النور الأحمر .. وماوقفش خالص .. وطبعاً دخل في عربيتها من ورا وكسّر لها العربية .. والإزاز عوّر لها وشّها .. وإيدها الشمال انكسرت .. ورجلها كمان .. والحادثة طبعاً كسّرت العربية خالص.
- عوني يا خبر إسود .. أنا زعلت قوي علشانها. طيّب الدكاترة قالوا إيه؟
- لمياء قالولها إنّها هتقعد في المستشفى أسبوع وبعدين يمكن تخرج على الخميس الجاي.
- عوني طيّب الحمد لله هتخرج بسرعة .. لازم أزورها وأروح لها قبل يوم الخميس وأسلم عليها.



اسمع مرة ثانية وجاوب.

- ١- حصل إيه لدينا؟  
٢- عوني سمع عن اللي حصل قبل كده؟  
٣- الدكاترة قالولها إيه؟  
٤- عوني هيعمل إيه؟

(١) لاحظ وفكر في معنى التعبيرات دي أنهى صح؟

لما واحد يقول	المعنى (أ)	أو (ب)
١- ماعرفتش إيه اللي حصل؟	عايز يقولك عن الأخبار.	عايز يعرف منك الأخبار.
٢- ماسمعتش عن اللي حصل؟	عايز يقولك عن حاجة حصلت.	بيسأل إنت عارف إيه.
٣- قوللي بقى ..	احكي لي.	احكي لي بسرعة و دلوقتي.
٤- هنخرج على الخميس الجاي.	هنخرج يوم الخميس تقريباً.	أكيد هنخرج يوم الخميس.

(٢) لاحظ الأفعال اللي ممكن نستعمل معاها ظرف أو حرف جر

- ١- هو سمع من سامي عن الموضوع. ١- سمع عن المشكلة.  
٢- عرف عن وحيد. ٢- عرف عن الموضوع.  
٣- قال لزوينب. ٣- قال عن الأجازة.  
٤- راح لسامي. ٤- راح للسوبر ماركت.  
٥- سلم على مجدي. ٥- .....



- ٦- حكي لنوال.      ٦- حكي عن المشكلة.
- ٧- قعد مع المدير.      ٧- قعد في الأوضة / على الكرسي.
- ٨- اتصل بمجدي.      ٨- اتصل بالشركة.
- ٩- اتفرج على الناس.      ٩- اتفرج على فيلم.
- ١٠- .....      ١٠- ركب ابنه على الحمار.
- ١١- .....      ١١- نزل من البيت.
- ١٢- سأل على نوال.      ١٢- سأل عن الامتحان.

(٣) ممكن نقول للناس عن الأخبار بطريقة النفي أو بالإيجاب

من غير مايتغير المعنى:

- ١- عرفت عن اللي حصل؟ = ما عرفتش عن اللي حصل؟
- ٢- سمعت عن اللي حصل؟ = ما سمعتش عن اللي حصل؟

(٤) عبارات مشهورة بنقولها لما نسمع:

أخبار كويسة	أخبار وحشة
- ياه هایل.	- يا خبر إسود!
- كويس قوي.	- بجد .. مش معقول!
- طيب الحمد لله.	- ليه كده؟
- أنا مبسوط عشانك قوي.	- بجد .. مش معقول!
- براقو.	- يا حرام .. إيه خير! احكي لي حصل إيه؟



## التدريبات

### تدريب (٣ - أ)

كلمات مفيدة: هتتخبط / اتطلق

١- طالب (أ) اختار وكون خبر من المعلومات دي:

التعبير	الخبر	إمتى	فين / منين
ماعرفتش	أحمد لقي ١٠٠٠ ج	إمبارح.	في الشارع.
اللي حصل؟	... كسب فلوس	أول إمبارح.	في بنك القاهرة.
سمعت	... اشترى عربية	الشهر اللي فات.	من أجنس الفرسان.
عن.....؟	... ساب الشغل	الأسبوع اللي فات.	من شركة جنرال اليكتريك.
ماسمعتش	... هتتخبط	الشهر الجاي.	في إسكندرية.
عن اللي حصل؟	... عمل حادثة	النهاردہ الصبح.	في طريق شرم الشيخ.
عرفت حصل	... اتجوزوا	إمبارح بالليل.	في لوكاندة كونراد.
إيه؟	... اتطلقوا	من أسبوعين.	في أسوان.
		من يومين.	في القسم.

٢- طالب (ب) اختار و ردّ عليه بالتعبير المناسب زيّ:

التعبير	ليه / إمتى؟	فين / إزاي؟	منين؟
يا خبر مش معقول / يا خبر أسود. بجد! هایل. ياه .. أنا مبسوط عشانه / عشانها. ياحرام .. ليه كده. ياخسارة .. أنا زعلان عشانه / عشانها.			

مثال:

طالب (أ)

طالب (ب)

ماعرفتش اللي حصل؟

إيه خير! حصل إيه؟

رامي كسب ٢٠,٠٠٠ ج.

بجد .. مش معقول. هایل .. إمتى؟

الأسبوع اللي فات.

منين .. فين؟

من بنك القاهرة.

أنا مبسوط عشانه قوي.



### تدريب (٣ - ب(١))

مصطفى بيحب يكتب يوميات. اقرا يوميات مصطفى و حط حرف الجر المناسب:  
 إمبراح قابلت مُهاب صاحبي ..... الشارع و سلّمت ..... و سألته .....  
 أولاده و عيلته. رحنا ..... بعض كافيتيريا ..... فندق السلام و قعدنا .....  
 بعض حوالي ساعتين. اتكلّمنا ..... حاجات كثير و اتفرّجت .....  
 صور أولاده و كلّمني ..... شغله. أنا كمان حكيتله ..... كل شغلي و عيلتي  
 و قمنا ..... الكافيتيريا و مشينا شوية و بعدين طلب ..... ي إني أبقى  
 أزوره ..... بيته عشان أشوف أولاده و أتعرف .....



١٨

### تدريب (٣ - ب(٢))

#### كلام على الناس

كلمات مفيدة: اصطلاح ≠ اتخاّنق / سببي الناس في حالهم / حرام عليكي

ناهد وجوزها فريد قاعدين بيتكلّموا عن ناس .. مين همّ الناس دول؟ و ساكنين فين؟  
 اسمع.



اسمع مرّة ثانية وجاوب:

- ١- جارة ناهد قالتلها إيه؟
- ٢- البواب قاللها إيه؟
- ٣- مرات محمود عملت إيه؟
- ٤- محمود و مراته عملوا إيه؟
- ٥- ناهد جارة كويّسة؟ ليه؟
- ٦- فريد رأيّه إيه في مراته؟

سيبي الناس في حالهم  
يعني: ماتتكميش على الناس. ماتزوريش الناس.  
اقرا الحوار و مثله مع زميلك.

### تدريب (٣- ج (١))

١- دلوقتي كمل الحوار مع زميلك عشان تعملوا حكاية تانية.  
أ- .....؟

ب- لا ماسمعتش عن أي حاجة. خير .. إيه اللي حصل؟  
أ- .....

ب- ياه .. ياخبر إسود .. إيه ليه كده؟  
أ- .....

ب- إمتى حصلت الحكاية دي؟  
أ- .....

ب- وهو (هي) فين دلوقتي؟ .. لازم أزوره (ها).  
أ- .....

ب- طيب ماتياللا نروح مع بعض؟

٢- اعكسوا الأدوار و فكروا في موقف تاني.







### تدريب (٣ - ج (٢))

كلمات مفيدة: طلع الأول على الدفعة / عجلة الجيران

- ١- طالب (أ) قول أخبار عن الناس اللي في الصور بتاعتك.  
طالب (ب) ردّ بتعبيرات مناسبة عشان تعملوا حوار زي الأمثلة في التدريبات اللي فاتت.





صورة طالب (أ)

(٤)	(٣)	(٢)	(١)
			

- ٢- طالب (ب) قول أخبار عن الناس دول و طالب (أ) ردّ بتعبيرات مناسبة عشان تعملوا حوار زي الأمثلة اللي فاتت في التدريبات.

كلمة مفيدة: خلف توأم

صورة طالب (ب)

(٤)	(٣)	(٢)	(١)
			

٣- اعكسوا الأدوار و اعملوا حوارات مختلفة.

٤- دول عرايس في مواقف مختلفة .. اتبادلوا الأدوار و كل واحد يقول حكاية و خبر عن كل صورة.

		
نبيلة اتجوزت	عريس ماجدة ماجاش	سناء هربت



نص الاستماع لتدريب (٣ - ب(٢))

- فريد إيه يا ناهد؟ واقفة مع البواب عند باب الشقة ليه .. فيه حاجة؟
- ناهد أبداً. إنت ماسمعتش عن اللي حصل لمحمود ومراته .. الجيران اللي جنبنا؟
- فريد إيه خير .. إيه اللي حصل؟ أنا ماسمعتش حاجة .. فيه إيه؟
- ناهد جارتنا اللي تحتنا مدام سناء .. قالتلي إنها شافت أستاذ محمود الأسبوع اللي فات .. كان قاعد مع واحدة تانية في فندق شيراتون مصر الجديدة.
- فريد يا خبر إسود! إيه ده .. مالهوش حق .. طيب و حصل إيه؟
- ناهد البواب قاللي إن مراته اتخانقت معاه جامد .. وقاللي إنها سابت البيت.
- فريد ياخسارة .. دول كانوا ناس كويسين قوي .. أنا زعلان قوي.
- ناهد استنى بس .. أنا شفتها إمبارح قدام الأسانسير و ساعدتها و شلتها الخضار.
- فريد الله! يعني رجعت البيت؟
- ناهد آه .. غالباً اصطلحوا.
- فريد طيب الحمد لله. دي أخبار كويسة .. يعني هم مع بعض دلوقتي؟
- ناهد آه .. يعني .. لكن ماعرفتش عن الجيران اللي فوقنا .. دول ..
- فريد باقولك إيه يا ناهد كفاية بقى حرام عليكى جبتيلي صُدا ع .. وبعدين سيبني الناس في حالهم بقى.





## من واقع الحياة

### الاستماع

#### بلاغ سريع



كلمات مفيدة: يبلغ / خاتم /  
مقفول ≠ مفتوح / ضاع من / فعلاً

الأستاذ عبد الباقي ضاعت منه  
حاجات في البيت وراح بسرعة يبلغ  
عنها في قسم البوليس.  
اسمع و جابوب.

- ١- إيه هيّ الحاجات اللي ضاعت منه؟
- ٢- كَوْن جملة زيّ الجدول. أستاذ عبد الباقي قال إيه؟ والشغالة قالت إيه؟

الحاجة	هو قال	هيّ قالت
١- الشنطة.	إنها ضاعت منه يوم	
٢-	الحد.	
٣-		
٤-		

- ٣- إيه رأيك مين سرق الحاجات دي؟ ليه؟
- ٤- مثل الحوار مع زميلك. إنت الظابط و هوّ الزبون .. اعكسوا الأدوار.
- ٥- غيروا أسماء الحاجات اللي ضاعت و كرّروا الحوار.



## نصّ الإستماع لواقع الحياة

- ظابط      وإمتى ضاعت منك الشنطة أم إيد سودا؟
- عبد الباقي      الشنطة أم إيد سودا ضاعت مني يوم الحد. و الشغالة قالتلي إنها حطّتها في الدولار. بس أنا كنت سايبها على المكتب.
- ظابط      وهي حطّتها في الدولار فعلاً؟
- عبد الباقي      لا أبداً يافندم .. هيّ ما حطّتهاش في الدولار .. عشان الدولار كان مقفول. وأنا مالقيتهاش على المكتب برضه.
- ظابط      إم .. وإمتى ضاع الخاتم بتاعك؟
- عبد الباقي      الخاتم ضاع مني إمبراح. و برضه إمبراح الشغالة كانت موجودة بتنضّلي الشقة.
- ظابط      كنت حاطط الخاتم فين؟
- عبد الباقي      كنت حاطّه في الدولار برضه .. و الدولار أنا كنت قافله! ولما سألتها عن الخاتم قالتلي إنها ما خدتوش.
- ظابط      والمحفظة سيبتها فين؟
- عبد الباقي      سيبتها على الكمودينو اللي جنب السرير بتاعي. بس لما خرجت من الحمام مالقيتهاش.
- ظابط      المحفظة كان فيها فلوس كثير؟
- عبد الباقي      أيوه يافندم أنا قلتك في التليفون كان فيها حوالي ٥٠٠ ج.
- ظابط      ولما سألت الشغالة عنّها قالتك إيه؟
- عبد الباقي      قالتلي إنها شافتني حاططها في جيبتي ويمكن وقعت مني .. و ده مش صحيح .. أنا كنت حاططها على الكمودينو.
- ظابط      آه .. بقي كده .. ياعسكري .. هاتولي الشغالة هنا.

## القراءة

إنت رجعت من برّة لقيت الرسالة دي على باب الشقة. اقرا الرسالة:

عزيزي مارك

أنا سمعت إن هيروشي عمل حادثة إمبارح ورجله

اتكسرت وراح مستشفى الصفا.

أنا آسف مش هاقدر أروح معاكم السينما عشان لازم

أروح لهيروشي وأساعده في المستشفى.

من فضلك قول وبلغ كل أصحابنا وابعتلهم e-mail و قوللهم

على الأخبار.

هارجع على الساعة ١٠ بالليل .. ويمكن أتأخر أكثر .. مش عارف.

سلام.

دانيال

اقرا الرسالة مرّة ثانية وجاوب.

١- حصل إيه لهيروشي؟

٢- هيروشي فين دلوقتي؟

٣- دانيال قال إيه في الرسالة بتاعته؟

٤- هو طلب إيه من مارك؟

٥- دانيال هيرجع إمتى؟



## الكتابة

اكتب رسالة الكترونية لأصحابك.

١- و قول لهم حصل إيه.

٢- اكتب لهم دانيال قال إيه على السينما.

### تدريب (١)

#### الكلام

#### تمثيل

كلمة مفيدة: نَفْسُهُ يسافر

مشكلة في عيلة مصرية

ده موقف بيحصل لبعض العائلات المصرية ..

حاتم و نهال متجوزين. و عندهم فرصة شغل في بلاد عربية. حاتم نفسه يروح و بيحكي لصاحبه تامر عن فرصة الشغل. نهال مش عايزة تروح و بتحكي لصاحبته سمر مرات تامر عن المشكلة.

اتبع التعليمات بشأن تعملوا حوار مناسب.

طالب (٢) تامر اسأل عن	طالب (١) حاتم احكي لصديقك تامر عن
<p>البيت القديم / البيت الجديد.</p> <p>ميعاد السفر. أنهى بلد؟</p> <p>إيه هي الفرصة؟</p> <p>إيه هي الوظيفة؟</p> <p>اسأل: عن المرتب.</p> <p>شغل مراته.</p> <p>مدارس الأولاد.</p> <p>هيقعد قد إيه.</p> <p>اسأل عن حاجات تاني من عندك.</p> <p>حاول تعرف معلومات أكثر.</p> <p>قولّه رأيك ونصيحتك.</p>	<p>١- السفر.</p> <p>٢- الفرصة الجديدة.</p> <p>٣- بيع الشقة.</p> <p>٤- الشغل هايشتريك بيت كبير.</p> <p>٥- الشغل هيدفعك مصاريف مدرسة الأولاد.</p> <p>٦- مراتك مش مبسوفة مش عايزة تسيب البيت.</p> <p>٧- مبسوفة في الشغل بتاعها.</p> <p>٨- قول معلومات كويسة عن الوظيفة والمشكلة اللي في البيت.</p> <p>٩- اسأل زميلك عن رأيه ونصيحته.</p>



طالب (٣) نهال احكي لصديقتك عن	طالب (٤) سَمَر اسألي عن
المشكلة. إنّ الولد مبسوط في مدرسته. إن شغلك كويس. إنّك مش عايزة تبيعي الشقة. مش عايزة تسببي بابا وماما. مش عايزة تسببي البلد. عندك أصحاب كتير هنا. مش عايزة تقعي لوحك في البلد الجديدة. فكري في أسباب تانية.. مش عايزة تسافري ليه؟	السفر. المشكلة. استعمل نفس أسئلة الطالب ٢.

(٢) الطالب (٢) تامر يحكي لمراته الطالب (٤) سَمَر عن اللي قاله طالب (١) والعكس.

## تدريب (٢)

### الكلام من واقع الحياة

- ١- إنت عايز تروح الماتش في الإستاد و عايز حد يروح معاك.  
اقتراح على زمايلك واستعمل لغة الاقتراح (ماتيجي - ماتياللا).
- ٢- بعض الزملاء يوافقوا وبعض الزملاء لأ.
- ٣- قول قدام الفصل كل طالب قاللك إيه؟

كرّروا النشاط و اتبادلوا الأدوار بأفكار ثانية زي:

- ١- عايز تروح أسوان في الأجازة.
- ٢- عايز حد يروح معاك عشان تجدد الإقامة.
- ٣- عايز تعمل حفلة في بيتك وتعزم كل الفصل.

### تدريب (٣)

(أ) اطلب مساعدة من زملائك عشان:

- ١- تعزل.
- ٢- تشتري قاموس.
- ٣- تدور على محل بيصلح جزم.
- ٤- تشتري هدوم خفيفة ورخيصة.
- ٥- تنصّف الشقة .. عشان عيلتك هتوصل بكرة.

(ب) بعض الزملاء يوافقوا .. والبعض يعتذر.

استعمل لغة زي (ممكن تساعدني عايز - تدور لي - تقولي - تنصّفي - إلخ).

### تدريب (٤)

اتبادلوا الأخبار عن بعض.

طالب (أ) أخبار عن نفسك أو زميل أو عائلة أو أيّ معلومات جديدة سمعتها.

طالب (ب) يسأل إمتي / إزاي / فين / إيه؟

اتبادلوا الأدوار وكرّروا النشاط.



## افتكر

(١) الكلام المباشر وغير مباشر.

مباشر  
أنا هاعدي عليك بكرة.  
غير مباشر  
هو قال إنه هيعدي عليا بكرة.

أنا	إنت	إنتي	هو	هي	إحنا	إنتوا	هم
قُلْتُ إِنِّي	قُلْتُ إِنَّكَ	قُلْتِي إِنَّكَ	قَالَ إِنَّهُ	قَالَتْ إِنَّهَا	قُلْنَا	قُلْتُوا	قَالُوا
					إِنَّا	إِنكوا	إِنَّهُمْ

(٢) الفعل و الفاعل و المفعول به في كلمة واحدة.

النفى

الطلب	ممكن	تعملي (إنت)؟	ماتعمليش (إنت)
	لو سمحت	اعملي (إنت)	ماتعمليش (إنت)
المستقبل	بكرة	هيعملي (هو)	مش هيعملي (هو)
الماضي	امبارح	عملي (هو)	ماعمليش (هو)
المضارع	دلوقتي	بيعملي (هو)	مابيعمليش (هو)

(٣) لنقل الأخبار وتبادل المعلومات:

ماسمعتش (عن) اللي حصل؟ = سمعت (عن) اللي حصل؟  
ماعرفتش اللي حصل؟ = عرفت اللي حصل؟



## الوحدة السابعة

### محتويات الموضوعات في الوحدة السابعة

- ♦ تقديم (١) اللوم و الشكوى و الاعتذار و الحديث عن المستقبل.
- ♦ تقديم (٢) الحديث عن المستقبل و حلّ المشاكل.

### ٤ در دش معانا

- ♦ تقديم (٣) التعرف على المشكلة و حلّها في المستقبل. تأكيد الكلام أو تبريره.



## فهرس الكلمات الجديدة في وحدة ٧

### تقديم (١)

سَقَطَ - قطع الكهربا - ضاع الوقت - وَضَلَ النور - معرض الكتاب - يزَعَق - يلوم  
- يشتكي - معاك حق - فواتير - تقارير - مُراهق / مُراهقين - محاضرة - يَدِي  
محاضرة - اسكت - يمُون.

### تقديم (٢)

وَفَدَ - خَدَ - عشان - أناقش معاه - على فكرة - شوفيلي حلّ - شوفيلي ميعاد  
- ميعاد غدا - عشاء - للأسف - مُساعدة - يطلّع - يلمّ - يَمَسَح - الحنفية  
- الفرن - البقالة.

### تقديم (٣)

الأوكازيون - إِبْتَدَى - يادوب ٥ ساعات - قواميس - بخيلة - الشرا.

### من واقع الحياة

ذُوق - فظيع - هایل - يوطي الصوت - عشان خاطري - يتنَفَّس - يزود - يكثر  
- الصّحة - التلوّث - نظافة - البيئة - النهر - التدخين.



## تقديم (١) كنت مستعجل

كلمات مفيدة: محاضرة / يدّي محاضرة / اسكت / يمّون



دكتور مكرم أستاذ جامعة  
وعنده محاضرة.  
كان مستعجل لكن تأخر على الشغل.  
اسمع بيقول لأيمن صاحبه إيه اللي  
حصل و املا الجدول.

أيمن  
مكرم  
إيه يا مكرم شكلك متدايق و زعلان .. فيه إيه؟  
أبدأ. كنت عايز أدّي محاضرة للطلبة الأسبوع الجاي عشان ماخدوش  
محاضرة النهارده .. بس مش هاقدر أدّي المحاضرة .. عشان همّ  
عندهم أجازة الأسبوع الجاي.  
و ليه ماقدرتش تدّي محاضرة للطلبة النهارده؟  
أبدأ .. صحيت متأخر و كنت مستعجل قوي. و كنت عايز أوصل بسرعة  
عشان المحاضرات.  
أيمن  
مكرم  
طيب إيه المشكلة؟ إنت كان ممكن تاخذ العربية و تروح بسرعة.  
آه .. خدت العربية و سقت بسرعة و عملت حادثة .. طبعاً نزلت من  
العربية و اتكلّمت مع صاحب العربية و رحنا القسم عشان كسرتله  
الفانوس بتاعه.



- أيمن ياخبر! ماكانش لازم تسوق بسرعة كده. وقعدت كتير في القسم؟
- مكرم أنا غلطان .. عشان قعدت حوالي ساعة وبعدين سقت العربية بسرعة
- أيمن عشان الشغل .. وفي نصّ السكّة وقفت العربية.
- مكرم يوه .. تاني! وإيه كان السبب المرّة دي؟
- أيمن خلص البنزين .. نسيت أحطّ بنزين. فأخذت تاكسي بسرعة عشان كنت
- مكرم عايز أشتري بنزين من المحطة.
- أيمن طيب واشتريت البنزين؟ و رُحت الشغل؟
- مكرم لا .. لا يا أيمن .. تعرف حصل إيه؟ نسيت محفظتي في البيت.
- أيمن إيه! لا .. لا ماعندكش حقّ يا مكرم. إنت غلطان .. ماكانش لازم تنسى
- مكرم تمون بنزين و ماكانش مفروض تصحى متأخر.
- أيمن أيوه أنا عارف و متدايق. إن شاء الله المرّة الجاية هاصحى بدري.

اسمع و املا الجدول زيّ المثال.

أيمن قاله إنه	مكرم قال إنه
١- ماكانش لازم يصحى متأخر.	١- صحي متأخر.
٢- ماكانش المفروض يسوق بسرعة.	٢- ساق بسرعة.
	٣- نسي يمون بنزين.
	٤- عمل حادثة.
	٥- كسر فانوس عربية تانية.
	٦- مالدّاش المحاضرة.
	٧- راح القسم و اتأخر.



### لاحظ القواعد

(١) لغة الشكوى و اللوم و الاعتذار:

(أ) هو بيلوم / بيشتكي إزاي:

ضمير	كان	الجملة	
أنا	كنت	أصحي بدري.	لازم
إنت	كنت	تحطّ بنزين.	
إنتي	كنتي	تروحي المحاضرة.	ممكن
هو	كان	يجيب المحفظة.	
هي	كانت	تذاكر عشان الامتحان.	كان
إحنا	كنا	نسافر بدري.	المفروض
إنتوا	كنتوا	تيجوا معنا.	
هم	كانوا	يروحوا المستشفى.	



(ب) أو يبيعتذر إزاي:

ضمير	كلمات مساعدة ثانية		
أنا	كنت	عايز	أدّي محاضرة بكرة ..
إنت	كنت	عايز	تزور بسّ ..
إنتي	كنتي	عايزة	تسافري بكرة لكن ..
هو	كان	عايز	يروح الشغل بسّ ..
هي	كانت	عايزة	تطبخ بكرة لكن ..
إحنا	كنّا	عايزين	نفوت عليك لكن ..
إنتوا	كنتوا	عايزين	تروحوا المستشفى بسّ ..
هم	كانوا	عايزين	يصلّحوا التلاجة بسّ ..

كان + لازم / المفروض / ممكن / عايز + فعل مضارع من غير بـ

النفى ماكانش + لازم / المفروض / ممكن / عايز + فعل مضارع من غير بـ

(٢) مفردات للاعتذار

أنا آسف - للأسف - معاك حق - أنا عارف - أنا غلطان - إن شاء الله المرة  
الجاية مش .. وها ..

لاحظ المعنى	أنهي؟
كان لازم تذاكر إمبراح. ليه ماعملتش الواجب؟	لغة الشكوى
لو سمحت يامتر .. الجارسون كان لازم يرجعلي باقي الحساب بس مارجّعش حاجة.	لغة اعتذار
الأتوبيس كان المفروض يوصل السّاعة ٥ و دلوقتي السّاعة ٦ و لسة ماوصلش.	لغة لوم
ما عندكش حق. كان لازم تصحى بدري شوية و تروح الشغل.	الكلام عن المستقبل
لو سمحت يافندم كان لازم أركب الطيّارة دلوقتي. لكن مش لاقى اسمي على الطيّارة.	
أنا آسف ماكانش لازم أتأخر قوي كده لكن اللي حصل إن ..	
معاك حق .. أنا غلطانة .. كان لازم أرجع بدري يابابا.	



كنت عايز أروح معاك الأوبرا بس آسف جداً .. يوم الجمعة الجاية مشغول قوي.	
كان ممكن أسافر معاك بكرة بس مراتي عيانة.	



## التدريبات

تدريب (١ - أ(١))

كلمات مفيدة: سقط / قطع الكهرباء / ضاع الوقت /  
يأجل / وصل النور / معرض الكتاب

اكتب: كان لازم / ماكانش لازم / المفروض / ممكن / عايز.  
كرّر الحوار مع زميلك بالتبادل.

١- طالب (أ): سميرة ..... تذاكري أحسن من كده عشان إنتي سقطتي.

طالب (ب): أيوه أنا آسفة .. بس ..... أروح المستشفى إمبراح  
مع ماما.

٢- طالب (أ): ..... تسوق بسرعة كده يا كمال .. كده كسّرت العربية؟

طالب (ب): أنا عارف أنا غلطان .. بس ..... أوصل المدام  
الشغل بسرعة.

٣- طالب (أ): قطعولي الكهرباء إمبراح يافندم .. مش عارف ليه؟

طالب (ب): عشان ..... تدفع وصل النور من شهرين!



- ٤- طالب (أ): يا محمد ابنك مادفعش فاتورة التليفون إمبراح!
- طالب (ب): يمكن عشان ..... يروح البنك في الأول .. وضاع الوقت.
- ٥- طالب (أ): مانمتش إمبراح كويس ليه؟
- طالب (ب): عشان ..... أحضر حفلة عيد ميلاد المدير .. و سهرت للساعة ٤ الصبح.
- ٦- طالب (أ): كده برضه نسيت تصلحنا التلاجة؟ ..... تصلحها النهارده.
- طالب (ب): أنا آسف جداً بس أنا ..... أخلص شغلي كله الأول.
- ٧- طالب (أ): ..... تقول لمحمد ييجي بكرة بدري شوية.. ليه ماقلتلهوش؟
- طالب (ب): أنا آسف يافندم فعلاً ..... أقوله بس هو .. ماردش على التليفون.
- ٨- طالب (أ): ..... أحجز تذاكر في قطر أسوان عشان بكرة .. بس ماكانش عندي وقت.
- طالب (ب): ليه ماكانش عندك وقت؟ ..... تحجز من بدري شوية.
- ٩- طالب (أ): ..... تعمل الواجب ده كله من إمبراح ماعملتلهوش ليه؟
- طالب (ب): أنا غلطان بس ..... أوصل صاحبي المطار و اتأخرت.
- ١٠- طالب (أ): ..... أروح معرض الكتاب بعد بكرة بس عندي اجتماع.
- طالب (ب): ماعندكش حق ..... تأجل الاجتماع بعد معرض الكتاب.

### تدريب (١ - أ(٢))

- ١- قول مع زميلك أنهي عبارة (لوم - شكوى - اعتذار - كلام) عن المستقبل في التدريب اللي فات.
- ٢- استخدم جمل (أ) في الحوار اللي فات و زميلك يقول رد من عنده. اعكسوا الأدوار و كرروا النشاط.






## تدريب (١ - ب) في بيتنا مُراهق

كلمة مفيدة: مُراهق / مُراهقين

ممدوح و ابتهاج عندهم أولاد في سن المراهقة باهر و نوال. كل واحد منهم ييفكر في نفسه بس .. دائماً عاملين مشاكل.



اسمع و جاوب .. مامتهم متدايقة وللا مبسوطه؟ اسمع مرة ثانية. ماما بتقول  
إن باهر ..

١- كان لازم ..... عشان ..... (كَمِّل الجملة)

٢- باهر عمل كده ليه ؟

٣- نوال كان لازم ..... و ..... (كَمِّل)

٤- نوال عملت كده ليه ؟

٥- مامتها كانت عايزة منها إيه؟

٦- إيه رأيك باهر و نوال سمعوا كلام أمهم؟ قالوا إيه؟

إنت كنت بتعمل إيه لما كنت في سن المراهقة؟

اتكلم مع زميلك كان لازم تعملوا إيه في الوقت ده.

لكن ماكنتش بـ..... عشان .....	في سن المراهقة كان لازم
	الدراسة
	الوقت
	العيلة
	الأصحاب



## تدريب (١ - ج)

### تمثيل

كلمة مفيدة: يزَعَق

### موقف (١)

طالب (ب)



طالب (أ)



طالب (أ) إنت بابا .. بتزعق و بتكلم الأولاد عشان كان لازم يعملوا حاجات زي:  
المذاكرة - الهدوم - الزبالة - الراديو - السجاير - الكتب - يشتري طلبات السوبر  
ماركت - النور - التنضيف - وصل النور - فاتورة التلفون.

طالب (ب) إنت ابن .. ماعملتش الحاجات دي .. ومش عايز تعملها .. وبتعتذر  
و بتقول السبب. أو هتوافق تعملها زي المثل:



طالب (ب)			طالب (أ)
موافق	السبب	اعتذار	١- كنت عايزك تشتريلي طلبات من السوبر ماركت و تجبيلي الحاجات دي بسرعة.
حاضر.. هاخلص المذاكرة و أنزل على طول.	عشان أنا كمان كنت عايز أغير زيت العربية بتاعتي.	لا مش فاضي دلوقتي أنا آسف.. بعدين.	

## موقف (٢)

كلمات مفيدة: فاتورة / فواتير - تقرير / تقارير

طالب (أ) إنت مدير الفندق بتسمع شكاوي الضيوف و بتعتذر عنها.

طالب (ب) إنت ساكن في الفندق ده و عندك مشاكل زي:

١- الأوضة مش نظيفة.

٢- السخان بايظ.

٣- الأكل بيتأخر.

٤- التليفون بايظ.

٥- مافيش رحلات كفاية.

٦- الأكل وحش.

٧- مافيش خدمة عشان التوصيل للمطار.. إلخ.

استعملوا لغة الشكوى و اللوم في الحوار. اعكسوا الأدوار و كرروا النشاط.



### موقف (٣)

طالب (أ) إنت سكرتير بتسمع اللوم من المدير.

طالب (ب) إنت المدير وبتتكلم مع السكرتير عن شغل ما خلصش أو شغل مش كويس.

اتكلم عن: الجوابات - التليفونات - الرسائل - الفواتير - التقارير - البنك

- الحسابات .. إلخ.

### موقف (٤)

طالب (أ) إنت كنت عايز تروح رحلة الأسبوع الجاي.

طالب (ب) إنت مش عايز وبتعتذر لزميلك.

### نص الاستماع لتدريب (١ - ب)

ابتهاج إيه ده. كده الجيران زعلانين منّا يا باهر كان لازم توطّي التليفزيون

شويّة. ماوطّيتهوش ليه؟ كده برضه؟

باهر معلش ياماما أنا آسف .. بسّ أنا باحبّ الصوت العالي.

ابتهاج لا. كان لازم توطّي التليفزيون شويّة. وإنتي يانوال إيه هدومك دي؟

كنت عايزاكي ترتبيلي الأوضة. فيه ضيوف دلوقتي.

نوال إيه ياماما بسّ فيه إيه؟ أنا معايا تليفون.

ابتهاج كان المفروض تشيلي الهدوم دي من ساعة .. ماشيلتهاش ليه؟

نوال حاضر .. حاضر هاشيلها لما أخلصّ التليفون.

ابتهاج سببي التليفون ده كفاية كده .. و كان لازم تقعدي تخلصي مذاكرتك ..

و كنت عايزاكي تشتريلي تورتة عشان الضيوف.

نوال حاضر ياستّي .. أنا آسفة هاعملك كلّ حاجة بسّ سيبيني دلوقتي أخلصّ

التليفون بتاعي.

ابتهاج يووه .. يابنتي كفاية .. أنا عايزة أعرف مين اللي معاكي على التليفون ده؟



## تقديم (٢)

نازل دلوقتي .. راجع على طول

اسمع الحوارات دي و كمل الكلمة الناقصة.



مسافر و راجع على طول



راجع حالاً



ما قلتيتش إنت مسافر إمتى؟  
ساح  
مسافر بكرة إن شاء الله ..  
جليل  
رايح فرنسافي مشوار شغل.  
ساح  
هتقعد قد إيه؟ مدة طويلة؟  
جليل  
لا لا .. أنا راجع بعد أسبوع  
هاقعد أسبوع بس.

ممدوح يا نجوى أنا نازل بعد شوية  
السوق. مش عايزة حاجة من  
السوق؟  
نجوى لا يا ممدوح شكراً. آه .. إنت  
هتتأخر وللا راجع بسرعة؟  
عشان أنا خارجة مع أختي ..  
خارجين في مشوار.  
ممدوح لا. راجع حالاً. بعد شوية  
صغيرة.  
نجوى طيب أنا مش خارجة .. هستنأك.



كَمِّل الكلمة الناقصة.

١- ممدوح ..... دلوقتي.	١- جليل ..... بكرة.
٢- هوَ ..... بسرعة.	٢- هوَ ..... فرنسا.
٣- مراته ..... مع أختها.	٣- هوَ ..... بعد أسبوع.



لاحظ القواعد

(أ) معنى اسم الفاعل مع كلمات بتدل على الزمن:

لاحظ الجملة	إمتى؟	المعنى
١- هوَ نازل السوق	بعد شويّة	الكلام عن المستقبل.
٢- هوَ راجع من السوق	بسرعة	الكلام عن المستقبل.
٣- هيَ خارجة	بعد شويّة	الكلام عن المستقبل.
٤- هوَ مسافر أوروبا	بُكرة	الكلام عن المستقبل.
٥- هوَ راجع البيت	بعد أسبوع	الكلام عن المستقبل.



(ب) اسم الفاعل من أفعال بتدلّ على الحركة و الانتقال من مكان لمكان:

اسم الفاعل	الجملة مع اسم فاعل بتدلّ على الانتقال	فعل يدلّ على الانتقال
نازل	هوّ نازل وسط البلد بعد شويّة.	بينزل
طالع	هوّ طالع الشقة اللي فوق حالاً.	بيطلع
خارج	هوّ خارج من السينما و راجع البيت على طول.	بيخرج
داخل	هوّ داخل الأوضة ينام.	بيدخل
رايح	هوّ رايح السوق.	بيروح
راجع	هوّ راجع بسرعة.	بيرجع
مسافر	هوّ مسافر أسبوع بس.	بيسافر
جاي	هوّ جاي من السفر بكرة.	بيجي

(٣) التصريف:

أنا	أنا	إحنا
إنت	إنّتي	إنّتوا
نازل	نازلة	نازّلين
هوّ	هيّ	همّ

(٤) النفي:

مش + نازل - نازلة - نازّلين



(٥) لاحظ: دائماً بعد اسم الفاعل من الأفعال اللي بتدلّ على الانتقال كلمة تعبر عن المكان أو الزمان.

ناقش معنى اسم الفاعل في كل جملة.

#### أمثلة:

هو نازل في شقة خالتي لما يوصل الشهر الجاي إن شاء الله.

مارك نازل في فندق شبرد و هيسافر بكرة.

هو طالع من حمام السباحة بعد شوية.

الإعلان بتاع الشركة طالع في جورنال بكرة إن شاء الله.

هو داخل كلية التجارة إن شاء الله.

المدير داخل مكتبه بعد ما يخلص كلامه مع الضيوف و هيشوف مشكلتك.

هو خارج من البيت دلوقتي.

سمير خارج في مشوار .. عايز منه حاجة؟

رايح من شبرا للزمالك عشان يوصل مامته لأختها.

رايح بعد الماتش لأصحابه.

جاي بعد الماتش على طول و هاتغدي معاكي.

جاي من السفر بكرة؟ جاي في أنهي قطر؟

أنا مسافر من مصر لأمريكا المرة دي في ١٢ ساعة.

مسافر بعد بكرة إن شاء الله.

راجع من برّة إمتي؟

راجع على طول وللا هتتاخر؟

## التدريبات

### تدريب (٢ - أ)

#### اتنينات

- أ- واصل السؤال بالإجابة المناسبة.  
ب- غير الفعل في الجملة لاسم الفاعل و كرر الحوار مع زميلك.

أ- هاروح المطار أوصل أخويا.	١- ياأستاذ رامي هترجع إمتى؟
ب- آه طويل. هاروح من مصر الجديدة للهرم. هياخد ساعتين تقريباً.	٢- هتروح فين دلوقتي؟ الوقت متأخر.
ج- لا. مش هارجع على طول.	٣- هانزل البلد أشتري فستان تيجي معايا؟
د- أنا جاي يوم السبت إن شاء الله.	٤- مش هتخرج من الأوضة ياأحمد؟ عايزة أنضفها.
هـ- فكرة هائلة. وأنا هانزل عشان أشتري شنطة.	٥- هتروح معايا للدكتور؟
و- لا. هاروح الماتش آسف.	٦- هترجع بعد الشغل على طول؟
ز- آه قوي. هاسافر من مصر لأمريكا في ١٤ ساعة تقريباً.	٧- هتسافر إمتى؟
ح- آه. حاضر.. هأخرج حالاً.	٨- هتيجي إمتى؟
ط- هاسافر بعد بكرة.	٩- هتطلع تجيبلي المحفظة من الشقة؟
ي- هارجع بسرعة إن شاء الله.	١٠- هتسافر مسافرة طويلة؟
ك- آه .. هاطلع وأنزل على طول.	١١- هتروح فين مشوار طويل؟






## تدريب (٢ - ب) أنا عندي مشكلة

كلمات مفيدة: وفد / خد / عشان

أستاذ حسان مسافر وعازي يقابل المدير قبل السفر.. لكن المدير ماعندوش وقت  
و السكرتيرة بتاعته بتقول المدير مشغول.  
اسمع و اكتب في الأجندة: السكرتيرة قالت المدير مشغول.



١- هي قالت إن المدير يوم الاثنين .....

يوم الثلاثاء .....

يوم الأربعاء .....

اسمع مرة ثانية و صحح.

٢- طالب (أ) استعمل نفس أسئلة الموظف.

طالب (ب) قولوا أسباب تانيّة زيّ المثال و اعملوا حوارات زيّ اللي فاتت.

أ - المدير هيرجع إمتى؟ عايز أقابله بكرة.

ب- المدير النهارده مش فاضي .. نازل عشان.....

للأسف بكرة هوّ رايح .....

بعد بكرة عنده ضيف جايّ من .....

يوم ..... هوّ مسافر .....

يوم ..... هوّ راجع من ..... و متغديّ مع .....

يوم ..... خارج ..... و عنده حفلة .....

كرّروا النشاط و اعكسوا الأدوار.

### تدريب (٢ - ج)

طالب (أ) إنت عايز مُساعدة من زميلك عشان يعملك طلبات.

طالب (ب) مش عايز تساعد و بتعتذر زيّ المثال.

مثال:

طالب (أ): ممكن تغسللي المواعين عشان أنا نازل البلد و ما عنديش وقت؟

طالب (ب): للأسف، .. أنا مش فاضي .. أنا خارج دلوقتي و ..... إلخ.

كلمات مفيدة: يطلّع / يلمّ / يمسح / الحنفيّة / الفرن / بقالة

### أفكار مساعدة:

١- يودّي البدلة بتاعتك للمغسلة.

٢- يصلحك الحنفيّة.



٣- يغسلُكَ الغسيل.

٤- يشتريكَ طلبات البقالة.

٥- يطبخُكَ أكل.

٦- ينضِّفُكَ الفرن.

٧- يطلِّعُكَ الزبالة برة.

٨- يجيبُكَ الجورنال.

٩- يلمِّكُكَ الزبالة.

١٠- يمسِّحُكَ الترابيزة.

فكروا في طلبات تانية و اعكسوا الأدوار.

### نص الاستماع لتدريب (٢ - ب)

حسان لو سمحتي أنا كنت عايز أقابل المدير عشان أناقش معاه مشاكل في

الشغل .. أنا على فكرة مسافر آخر الأسبوع ده. و النهارده الاثنين.

سكرتيرة بس كده إنت متأخر قوي ياأستاذ حسان .. كان لازم تيجي بدري

شوية .. دلوقتي المدير مشي. الساعة ٥ خلاص.

حسان مشي إزاي؟ أنا لازم أقابله .. شوفيلي حلّ. عايز أقابله بسرعة. طيب

ممكّن بكرة؟

سكرتيرة للأسف .. هوّ مش جايّ المكتب بكرة عشان عنده شغل برة.

حسان طيب شوفيلي ميعاد بعد بكرة.

سكرتيرة بعد بكرة جايّ وقد من شركة سياحة.. ونازل معاهم في مشوار و بعد

كده رايح معاهم معاد غدا.

حسان وبالليل؟ ممكّن أقابله بالليل؟

سكرتيرة لا بالليل برضه عنده حفلة عشاء معاهم.

حسان طيب إيه رأيك في الخميس؟  
 سكرتيرة يوم الخميس هو مسافر أسوان ومش راجع لغاية يوم الحد.  
 حسان يانهار إسود! طيب وبعدين أعمل أنا إيه في المشاكل دي؟

٤ دردش معانا



### تقديم (٣)

ما أنا عارف

أنور عنده مشكلة. إيه هي؟ مراته عايزة منه إيه؟ اسمع.



أنور إيه مالك متدايقة ليه؟  
 أميمة كده برضه يا أنور بتدخن سجائر وسط الناس؟ شوف كلهم  
 متدايقين منك إزاي؟  
 أنور ما أنا عارف إنهم متدايقين. بس أعمل إيه؟  
 أميمة أنت قلتلي إنك مش هتدخن عشان صحتك و عشان الناس اللي معاك.



- أنور ما أنا فاهم .. أنا آسف أنا غلطان.
- أميمة طيبّ ليه بتعمل كده؟ ماكانش لازم تدخن تاني.
- أنور عشان .. أنا مش قادر يا أميمة .. أنا تعبّان بس مش قادر.
- أميمة يعني إيه مش قادر؟ ماتروح للدكتور.
- أنور ده كلام مضبوط .. معاكى حق .. كان لازم أروح للدكتور من زمان.
- حاضر أنا هاروح للدكتور ماتزعلش. طيبّ إيه رأيك أروح الإِسبوع الجاي؟
- أميمة طيبّ إيه رأيك .. مانبتدي من النهارده؟ و دلوقتي؟
- أنور النهارده؟ دلوقتي؟ حاضر .. طيبّ ممكن أخلص السجارة دي؟
- أميمة لا .. ياللا خُصّ السجارة برّة المطعم.
- أنور حاضر .. خلاص أنا خارج برّة دلوقتي أهه.
- أميمة لازم تشرب حاجة مفيدة. مابتشربش لبن أو عصير ليه؟ ياللا اخرج ماتشربش سجائر تاني.
- أنور ياستي ما أنا سمعت و فهمت .. وأنا خارج أهه .. و رايح للدكتور بعد الضهر. مبسوطه بقى؟

لاحظ الجمل اللي في الجدول مع ما.

الوظيفة مع ما	المعنى	الجملة مع ما
تأكيد	أيوه أنا عارف.	ما أنا عارف.
اقتراح	إيه رأيك تروح للدكتور؟	ماتروح للدكتور؟
نفي	ماباحبش اللبن في أيّ وقت.	ماباشربش لبن خالص.
تأكيد	أنا متأكد إنّي فهمت الكلام.	ما أنا سمعت و فهمت.
نهي	إوعى تشرب.	ماتشربش سجائر تاني.

## لاحظ القواعد

### (١) استعمال (ما)

الافتراح	تسأل / تيجي / تروح / ماتقول .. إلخ.	ما + الفعل
التأكيد	أنا / إنت / إنتي / هو / هي / إحنا /	ما + الضمير
النفي	إنتوا / هم	
النهي	مانامش / مابينامش / ماتنامش	ما + الفعل + ش

### (٢) للسؤال عن المشكلة و التعرف عليها

أ- مالك / مالك / مالكو؟

ب- فيه إيه؟

ج- إيه الحكاية؟

د- إيه المشكلة؟

هـ- خير .. حصل إيه؟ .. إلخ.

### (٣) الاقتراح للحل

أ- ماتيجي - ماتعمل - ما + الفعل المضارع.

ب- إيه رأيك تعمل ..؟

ج- إيه رأيك تعملي ..؟

د- إيه رأيكو تعملوا ..؟



## التدريبات

### تدريب (٣ - ١)



١٢

رتب الحوارات القصيرة دي مع زميلك.

حوار (١) أحمد شكله متدايق. رتب الحوار مع صاحبه نبيل عشان تعرف متدايق ليه.

- |      |   |
|------|---|
| أحمد | طيب ماتشتري الطلبات دي وقت تاني عشان إنت شكلك تعبان قوي.    |
| نبيل | أبدأ متدايق عشان نازل تاني السوق .. مراتي عايزة طلبات تاني. |
| أحمد | إيه مالك .. حصل إيه؟ متدايق كده ليه؟                        |
| نبيل | ما أنا عارف .. بس أعمل إيه؟ .. ماهي مراتي هتزعل.            |



١٣

حوار (٢) نوال عايزة تنزل البلد .. مها مش عايزة تنزل معاها ليه؟

- |      |  |
|------|--|
| نوال | معلش ماتنزلي معايا تاني .. إيه مشكلتك؟                           |
| مها  | الأوكازيون؟ .. طيب ما أنا نزلت إمبارح يا نوال.                   |
| نوال | يا مها ماتيجي نزل النهارده قصر النيل؟ بيقلولوا الأوكازيون ابتدى. |
| مها  | المشكلة ما عنديش وقت و مسافرة بكرة.                              |
| نوال | ما إحنا راجعين على طول مش هنتأخر. يادوب ٥ ساعات بس.              |



١٤

حوار (٣) باسم هيتجوز النهارده. هو اشترى البدلة؟ ليه؟

رامي طيب ماتاخذ تاكسي للتحرير و اسأل هناك على الميدان و المحل؟  
ياللا بسرعة.  
باسم أيوه ما أنا عارف و رايع أجيب البدلة .. بس مش عارف أروح المحل.  
رامي إيه اللي حصل؟ إنت ما اشترتش البدلة بتاعة الفرحة؟ ده بكرة الفرحة!  
باسم حاضر ما أنا خارج أهه و نازل بسرعة .. ماتخافش هأخذ تاكسي  
و هأجيب البدلة بسرعة.

اسمع وصحح. كرر الحوارات مع زميلك.



١٥

تدريب (٣ - ب)

صاحبتي عندها مشكلة

كلمات مفيدة: قواميس / بخيلة / الشرا



اسمع وجاوب.

١- منال متدايقة عشان خارجة مع

صاحبته؟

٢- إيه مشكلة صاحبته عفاف؟

٣- تفتكر اقتراحات رجائي أحسن

حل للمشكلة؟

٤- عندك صاحب عنده المشكلة دي؟

بيعمل إيه معاك؟

احكي لزميلك عن الشخص ده عملت إيه معاه.



اسأل زميلك عن اقتراح ثاني لحل المشكلة.  
كرّروا الحوار اللي فات.

### تدريب (٣ - ج (١))

#### تمثيل

كلمة مفيدة: شريك الشقة

طالب (أ) عندك مشاكل زيّ:

- ١- دايماً نمرّة الامتحان وحشة قوي.
- ٢- شريكك و زميلك في الشقة ما بيدفعش الإيجار معاك.
- ٣- زميلك أخذ منك فلوس و مارجعهاش.
- ٤- بقيت بتاكل كثير و بتتخن.

طالب (ب): حاول حلّ المشكلة و استعمل لغة الاقتراحات زيّ المثال:

طالب (أ): أنا متدايق قوي .. دايماً نمرّة العربي وحشة و مش عارف أعمل إيه.

طالب (ب): طيّب ماتذاكر أكثر .. مابتتكلمش ليه دايماً مع مصريين. ماتقعد في

القهوة كثير؟ .. إلخ.

### نص الاستماع لتدريب (٣ - ب)

- رجائي إيه مالك يا منال. متدايقة ليه؟  
منال أبداً.. عشان خارجة بعد شوية مع عفاف رايعين نشترى كتب  
وقواميس من وسط البلد عشان المذاكرة .. وبعدين يمكن وإحنا  
راجعين نفوت نشترى هدية عيد ميلاد.  
رجائي طيب زعلانة ليه؟ ما إنتي بتحبي تروحي المكتبات و تشترى كتب  
و بتحبي تشترى هدايا .. بتحبي كل الشرا؟  
منال أيوه ما أنا عارفة .. باحب كل الشرا .. بس المشكلة مش في الشرا.  
المشكلة في عفاف.  
رجائي عفاف! مالها عفاف؟ دي أحسن صاحبة عندك!  
منال أيوه ما أنا فاهمة بس هي بخيلة جدا.  
رجائي بخيلة! ليه؟ بتعمل إيه؟  
منال كل مرة أنا اللي لازم أدفع التاكسي .. و الطلبات في الكافيتريا ..  
و دلوقتي أنا نازلة و معايا فلوس كتير عشان عارفة إنها مش هتدفع  
تمن الكتب و القواميس اللي هتذاكر فيهم.  
رجائي طيب ماتقوليلها تدفع معاكي؟  
منال لا ماقدرش. وإحنا خارجين من المطعم إمبارح سألتها على فكة..  
فقالتي إنها مابتاخدش فلوس أبداً وهي خارجة معايا.  
رجائي آه .. معاكي حق دي فعلاً بخيلة بجد.. خلاص سيبك منها. ماتخرجيش  
معاها. و شوفيلك صاحبة تانية.





## من واقع الحياة

### الاستماع

#### جيران ماعندهمش ذوق

كلمات مفيدة: ذوق / فظيع ≠ هایل /  
يوطّي الصوت / عشان خاطري



مدام نجية جارة أستاذ حسنين.  
أستاذ حسنين ساكن في الدور اللي تحتها.  
اسمع وجاوب: مدام نجية جارة كويسة.

اسمع مرة ثانية وجاوب.

- ١- الجار كان بيعمل إيه؟
- ٢- إيه المشكلة؟ هو متدايق ليه؟
- ٣- مدام نجية كان لازم تعمل إيه؟
- ٤- أستاذ حسنين هيعمل إيه؟
- ٥- مدام نجية هتقول إيه للأولاد؟
- ٦- مدام نجية والأولاد .. جيران ذوق؟
- ٧- إيه رأيك عندك جيران زيّ كده؟ اتكلم عنهم.
- ٨- قول لزميلك عن حكاية سمعتها عن جارك أو لأصحابك.



## نص الاستماع لواقع الحياة

- حسنين مدام نجية  
مساء الخير يامدام .. أنا جاركو اللي ساكن في الدور اللي تحتكوا.  
أهلاً وسهلاً. أي خدمة؟  
حسنين أنا طالع ونازل أدور على الصوت العالي ده جاي منين. وبعدين  
لقيت الصوت ده جاي من عندكم.  
مدام نجية وياه المشكلة؟  
حسنين ده صوت جامد قوي يامدام .. ده أنا قاعد في البيت و مش قادر  
أسمع نفسي خالص .. و مراتي متدايقة جداً والأولاد مش عارفين  
يذاكروا.  
مدام نجية معلش ياأستاذ .. عيد ميلاد ابني النهارده وأصحابه بيسمعوا مزكا  
ومبسوطين .. و بيرقصوا شوية مع بعض فيها إيه يعني؟  
حسنين أيوه يافندم. بس كان لازم تقوليلهم إن فيه جيران تاني في  
العمارة .. وماكانش لازم يستعملوا ميكروفونات عالية كده .. إحنا  
مش في ديسكو.  
مدام نجية أيوه ياأستاذ مأنا عارفة إن مش لازم ميكروفونات .. بس دول أولاد  
صغيرين و عايزين ينبسطوا. ماإنت عارف سن المراهقة بقى.  
حسنين أيوه يافندم. بس دي حاجة مش معقولة. ده صوت فظيع .. معلش  
عشان خاطري و طّوا الصوت شوية. أنا خارج دلوقتي و رايح مشوار  
و راجع على الساعة ١٠ .. فلو سمحتوا تخلصوا كلّ الدوشة دي قبل  
الساعة ١٠ عشان عايزين ننام الليلة دي.  
مدام نجية طيب .. طيب أنا داخلة أقوللهم يوطّوا الصوت شوية .. خلاص  
ماتزعلش .. إحنا آسفين ياسيدي .. مع السلامة.



## القراءة

نبيل نزل من البيت و ساب لأمّه الرسالة دي. اقرا الرسالة:

ماما أنا نازل أدور على سبّاك علشان الحنفية باظت و أشوفلي مهندس  
كومبيوتر كويس عشان الكومبيوتر برضه باظ. راجع على طول. إوعي تفتحي  
الحنفية لغاية لما آجي. أنا مش هتأخر.

١- إيه المشكلة بتاعة نبيل؟

٢- هو عايز يدور على مين؟

٣- إزاي تقدر تساعد نبيل .. عندك اقتراح؟

## الكتابة

اكتب رسالة لعيلتك أو زميلك عشان تقول له عن مشكلة عندك و هتعمل إيه  
و هتتصرف إزاي عشان تحل المشكلة دي.

## الكلام

تعمل إيه في المشكلة دي؟

كلمات مفيدة: يتنفس / يزود / يكثر / الصّحة / التلوّث /  
نضافة / البيئة / النهر / التدخين

## موقف (١)

بصّ للصّور اللي تحت .. دي صور لمشاكل في بلاد و مدن كتير في العالم.

١- ناقش مع صاحبك ليه دي مشاكل؟

٢- دلوقتي اسمع المشكلة و حطّ (✓) قدام الصورة المناسبة:

- الدوشة كتير و الناس بتبقى متدايقة و عندها صدا ع و مابتقدرش تشتغل.
- الشوارع زحمة و مافيش مكان تركن العربيه أو تمشي في الشارع.
- الصوت عالي و الناس مابتعرفش تسمع بعض.
- الدخان بيدايق الناس و مش كويس عشان الصحه.
- المدينة و الشوارع بقى شكلها وحش من الزباله في كل مكان.
- مافيش نضافه و ده مش كويس عشان الصحه.
- الناس بترمي زباله في النهر والبحر و ده مش كويس عشان السمك والحيوانات.
- و الموضوع ده بيكثر و بيزود التلوّث في البيئه.






التدخين في المطاعم



تلوث الميّه



الدوشة والزحمة



رَمْي الزبالة بيزوّد التلوّث

٣- اتكلم مع زميلك عن الصور اللي فاتت و ناقش:

- في أنهي بلاد أكثر؟

- إيه سبب المشكلة؟

- تفتكر نعمل إيه في المشكلة؟

- إيه بيزوّد المشكلة دي؟

- استعمل لازم - كان لازم والمفروض - ضروري / ممكن.

- ده إحنا ..... الحكومة بتعمل .....

- مش لازم وإحنا خارجين نرمي الزبالة في الشارع .. كان لازم - أو المفروض

نرمي الزبالة في صندوق الزبالة .. إلخ.



## موقف (٢)

### مشاكل شخصية

#### تمثيل

طالب (أ) إنت عندك المشاكل دي .. اطلب مساعدة و اسأل على النصيحة.

١- وَقَعْتُ و مش عارف تمشي و مش قادر تروح الامتحان .. و عايز حدّ يساعدك.

٢- السخّان بايظ والدنيا برد .. وعايز حدّ يشوفك كهربائي.

٣- مش فاهم درس العربي كويس.

٤- خطيبك بخيل. مش عايز يعزّمك على حاجة و مش عايز يشتريك حاجة.

٥- عندك مشوار للمطار و عايز حدّ يوصّلك .. و نسيت تقول لحدّ.

طالب (ب) اقترح إزاي تساعد زميلك. اقترح النصيحة المناسبة في المستقبل.

طالب (ب) إنت عندك زميل في الأوضة متعب جداً بيعملك مشاكل.

اشتكي لطالب (أ) و احكي له عن الزميل ده.

#### مشاكل زي:

- بيرمي كتبه و هدومه.

- بيسمع راديو بصوت عالي.

- بيلبس جزمته.

- بيدخّن في الأوضة.

- مابيرميش الزباله.

- بيسيب النور و الع طول الليل.

- بيلخبط الدولاب.

- مابيغسلش المواعين زيّك.

طالب (أ) اقترح إزاي تساعد زميلك .. و قول له يعمل إيه في المستقبل.



## افكر

### (١) للشكوى واللوم.

الإثبات	كان لازم / المفروض / ممكن + فعل مضارع من غير بـ.
النفي	ماكانش لازم / المفروض / ممكن + فعل مضارع من غير بـ.

### (٢) الاعتذار

مثال: كنت عايضة أزورك لكن ما قدرتش.

### (٣) الحديث عن المستقبل والكلام عن المشاكل وحلّها باستعمال أفعال

#### الحركة والانتقال.

هو: نازل - طالع / داخل - خارج / رايح - جاي / مسافر - راجع.

لضمائر المفرد المذكر	لضمائر المفرد المؤنث	لضمائر الجمع
نازل	نازلة	نازلين
النفي: مش نازل	النفي: مش نازلة	النفي: مش نازلين

### (٤) استعمال ما

١- ماتيجي نقعد على القهوة.	اقتراح
٢- ماتشربش سجائر تاني.	نهى
٣- ماباحبش الفراخ.	نفي
٤- ماأنا عارف.	تأكيد



## الوحدة الثامنة

### محتويات الموضوعات في الوحدة الثامنة

♦ تقديم (١) الكلام عن الإنجازات.

♦ تقديم (٢) وصف الإنجازات والأحداث.

### ٤ در دش معانا

♦ تقديم (٣) السؤال عن معلومات وأشياء و وصف إنجازات.



## فهرس الكلمات الجديدة في وحدة ٨

### تقديم (١)

اتَّصل بـ - رسومات - المشروع الجديد - دوسيه - وشك - كلية الهندسة -  
ملف - النمرة مشغولة.

### تقديم (٢)

حَلَق - غويشة - سِلْسِلَة - طَقَم - طبق نحاس - قُتْرِينَة - فَضَّة - دَهَب - صَايغ  
- كَوَى - نَشَّر - مَسَح - لَمَعَ - مَوَّن بنزين.

### تقديم (٣)

أبو صِلعة - عَزَف - كلية السياحة - بطولة مصر - ماافتكرش - افتكر - شهر  
عسل - تَرْقِيَّة - مركز في الشغل.

### من واقع الحياة

بسيطة - احكي لي - ربنا يخللي - فُرْصَة سعيدة - لَسَّة ساكنة - لَسَّة بدري - غير  
الشغل - جميع الأنواع - حسب النوع - أصلي.



## تقديم (١)

أنا لسة بانضف

مدام ناهد عندها ضيوف كثير النهارده.

اقرأ حوار مدام ناهد مع سعدية الشغالة.

اسمع الحوار و جاوب .. هي عملت إيه .. و لسة ماعملتش إيه؟



ناهد ياللا يا سعدية. خلصتي وللا لسة؟

سعدية أيوه يامدام .. خلصت حاجات .. و لسة باخلص حاجات تاني.

ناهد خلصتي إيه؟ و لسة بتخلصي إيه؟

سعدية خلصت أوضة النوم من ساعة. نصفت الأوضة كويس قوي ورتبت أوضة

السفرة من ساعتين. و شلت سجادة الأنتريه و نصفت تحتها إمبراح.

ناهد كويس قوي. طيب دلوقتي؟ لسة بتعملي إيه؟

سعدية لسة بانضف أوضة الصالون .. و لسة باطبخ الأكل عشان الضيوف

.. و لسة باغسل. الهدوم لسة في الغسالة .. و لسة باشتغل في المطبخ.

و لسة ماعملتش السلطة و لا الرز كمان.



ناهد .. كلّ ده يا سعيّة!! لسة بتطبخي و بتنضّفي .. و لسة ماعملتش  
السلطة و الرز و البيت هينضف إمتى؟ الضيوف جاين الساعة ٤ ..  
و إنتي لسة بتشتغلي؟ و دلوقتي الساعة ٣ و لسة ماخلصيتش الأكل.  
أعمل إيه دلوقتي؟ طيب فين السواق. مشي؟  
سعيّة لا لسة بيشتري طلبات .. لسة ماجاش.

لاحظ الجدول الشغالة عملت إيه و لسة بتعمل إيه

إمبارح	الساعة ١ الظهر (من ساعتين)	الساعة ٢ بعد الظهر (من ساعة)	دلوقتي الساعة ٣ بعد الظهر
شالت السجادة. نضّفت تحت السجادة.	رتّبت أوضة السفرة.	نضّفت أوضة النوم.	لسة بتنضّف الصالون. لسة ما طبختش كلّ الأكل. لسة بتغسل الهدوم. لسة ما عملتش السلطة.



لاحظ القواعد

(١)

إمبارح/من ساعة عملت إيه؟	دلوقتي بتعمل إيه؟	دلوقتي ماعملتش إيه؟
نضّفت الفعل الماضي	لسة بتنضّف لسة + ب + فعل مضارع	لسة مانضّفتش لسة + ما + فعل ماضي + ش



إمبارح	النهارده
خلاص نَضَفْتُ السجادة. خلاص + فعل ماضي حاجة حصلت و خَلَصْتُ.	لَسَّة بترتب أوضة السفارة. لَسَّة + ب + مضارع حاجة لَسَّة بتعملها.

## التدريبات

### تدريب (١ - أ)



الساعة دلوقتي بقت خمسة. الناس في المكتب لازم يمشوا.  
اكتب جملة تحت كل صورة مين خلَص و مين لَسَّة بيشتغل؟ صحَّح مع زميلك.

			
تامر..... اشتغل	هشام..... بيشتغل على	نبيل..... اتكلم	أحمد..... التليفون
			
ماجدة..... كتبت	تهاني..... بتكتب	نهال..... قرت	هناء..... بتقرا



تدريب (١- أ) ((٢))


طالب (أ) اسأل زميلك عن الناس دي دلوقتي بتعمل إيه؟



أحمد .....؟

سميرة .....

كريمة بتعمل إيه؟




كامل .....

نورا .....؟

سلوى .....

طالب (ب)





أحمد .....

سميرة .....؟

كريمة .....





كامل .....؟

نورا .....؟

سلوى .....؟



٤

تدريب (١ - ب)

السكرتيرة النشيطة

كلمة مفيدة: رسومات المشروع

اسمع و جاوب.

١ - سارة موظفة نشيطة وللا كسلانة؟

٢ - المدير ده صعب وللا كويس؟

٣ - اسمع مرة تانية و املا

الجدول.



سارة عملت .....	سارة لسة .....	سارة لسة ما .....



## تدريب (١ - ج)

كلمة مفيدة: مؤن بنزين

### موقف (١)

اعملوا حوار في الموقف ده:

إنت و مراتك رايعين حفلة و اتأخّرتوا على الحفلة.

طالب (أ) الزوج: إنت لبست / مؤن بنزين / لسة معاك تليفون / ميعاد المقابلة.

طالب (ب) الزوجة: إنتي لسة مالبستيش / الدش / المكياج / الهدوم / اشتريتني الهدية / الكيكة في الفرن.

### موقف (٢)

اعملوا حوار في الموقف ده:

بكرة امتحان و الأب و الابن بيتخانقوا. طالب (أ) الابن: إنت عملت حاجات و لسة ماخلصتش حاجات.

طالب (ب) الأب: اسأل ابنك عن الحاجات اللي خلصها و اللي لسة ماخلصهاش.

### نص الإستماع لتدريب (١ - ب)

المدير يا سارة فين ملف الحسابات بتاع الشركة؟ جيبتي الملف من مدير

الحسابات وللا لسة؟

سارة لسة يافندم ماجيبتش الملف .. مدير الحسابات لسة بيحضّره.

المدير طيب ملف شركة الصفا؟ خلّصتي الملف ده؟

سارة لسة يافندم باخلصه.

المدير اتّصلتي بشركة التليفون؟

سارّة	لسة ما اتصلتش بالشركة. النمرة مشغولة على طول.
المدير	يووه .. كتبتي الردّ على الجوابات؟ عملتي القهوة؟
سارّة	أيوه يافندم كتبت الردّ و عملت القهوة كمان.
المدير	طيبّ فين رسومات المشروع الجديد؟
سارّة	الحقيقة الرسّام و المهندس لسة بيرسموا. لسة ما خلصوش.
المدير	طيبّ حضرتي الدوسيه عشان الاجتماع مع مدير شركة الكاتب؟
سارّة	الاجتماع؟ الدوسيه آه .. نسيت .. لسة يافندم ما عملتش حاجة في الدوسيه.
المدير	إيه! الاجتماع بعد نصّ ساعة و إنتي لسة ما حضرتيش الدوسيه! اتفضلي برّة .. مش عايز أشوف وشك النهارده خالص.

## تقديم (١٢)

### لسة من شويّة

اسمع الحوارات القصيرة دي و قول الناس دول عملوا الحاجات دي من إمتي؟

ناجي	أهلاً وسهلاً اتفضّل شاي.
دانيال	لا. شكراً. لسة شارب حالاً.
ناجي	أجيبك حاجة تاكلها؟
دانيال	لا يا ناجي ألف شكر أنا لسة متغدّي من شويّة في البيت. أنا جاي أقعد معاك شويّة بسّ.

– دانيال شرب الشاي إمتي؟ هو لسة شارب حالاً.

– هو اتغدّي إمتي؟ هو لسة متغدّي من شويّة.





مدير: خلّصتي الجواب يا هناء؟  
 هناء: أيوه. لسة مخلصه دلوقتي.  
 مدير: اتّصّلتني بمدير شركة إلكترو؟  
 هناء: أيوه يافندم. لسة متّصلة  
 بينهم حالاً.  
 مدير: صبحي السّواق موجود برّة؟  
 هناء: أيوه .. لسة قاعد و مستنّي  
 حضرتك.

- السكرتيرة خلّصت الجواب إمتى؟ هيّ لسة .....  
 - هيّ اتّصلت بالشركة إمتى؟ هيّ لسة .....



الست: نصّفتي أوضة الصالون؟  
 الشغالة: أيوه ياهانم لسة منضّفة  
 الأوضة من نصّ ساعة.  
 الست: طيّب طبختي الأكل؟  
 الشغالة: أيوه لسة طابخة الأكل من ١٠  
 دقائق. ياللا الأكل سخن.

- الشغالة نصّفت إمتى؟ هيّ لسة ..... من نصّ ساعة.  
 - هيّ طبخت الأكل إمتى؟ هيّ لسة ..... من .....

## تقديم (٢ب)

لسّة من شويّة

اقرا الجملة.

أنا لسّة داخل من الشغل.

سؤال: هو دخل من الشغل إمتى؟ من شويّة.

الزمن: ماضي قريب.

لاحظ القواعد

(١) الكلام عن إنجاز حصل في ماضي قريب.

الجملة	التركيب
- هي لسّة منضّفة من نصّ ساعة. - هو لسّة شارب من شويّة. - هم لسّة متغديين حالاً.	لسّة + اسم فاعل + حالاً / من شويّة / من نصّ ساعة

(٢) لوصف حالة مستمرة

الجملة	التركيب
- هو لسّة قاعد لغاية دلوقتي. - هي لسّة مستنيّة لحدّ دلوقتي.	لسّة + اسم فاعل + لغاية دلوقتي / لحدّ دلوقتي



(٣) للكلام عن إنجاز في المستقبل:

الجملة	التركيب
<p>- لسة هاخد دش وبعدين أتغدى.</p> <p>- هوأخد دش ولا لسة بعد شوية هياخد؟</p>	لسة + هـ + فعل مضارع

حدّد الزمن في الجمل دي مع المدرّس.

الزمن			
مستقبل	ماضي	دلوقتي	
			لسة بتنضّف.
			لسة مانضّفتيش.
			لسة واقف على الباب.
			لسة قاعد قدام التليفزيون.
			لسة نايم لغاية دلوقتي.
			لسة هيزاكر.
			لسة بتطبخ.
			لسة لابسة البلوزة بتاعتها من الصبح.
			لسة هتكتب الدرس.

## التدريبات

### تدريب (٢ - أ)

كلمات مفيدة: كوى / نَشَر / مَسَح / لَمَع

اكتب الكلمة المناسبة مع لسة .. و كرر الحوار مع زميلك زي المثال.

- ١- طالب (أ): يا أم أحمد .. كويتي القمصان للبيه؟  
طالب (ب): أيوه ياست هانم أنا لسة كاوية ٤ قمصان من ربع ساعة.
- ٢- طالب (أ): هناء السواق مشي وللا لسة موجود؟  
طالب (ب): لا يا حسام. السواق مامشيش ..... تحت في العربية.
- ٣- طالب (أ): يا عم عاطف مسحت العربية عشان أنا خارج دلوقتي؟  
طالب (ب): أيوه يا بيه أنا ..... العربية من ٥ دقائق.
- ٤- طالب (أ): يا سعدية لمعتي الموبيليا؟  
طالب (ب): أيوه ياست هانم ..... الموبيليا وهاخلص البيت كله بعد شوية.
- ٥- طالب (أ): دفعت فاتورة التليفون يا حسني؟ النهارده آخر يوم .. افكرت؟  
طالب (ب): آه .. الحمد لله افكرت و ..... ها النهارده الضهر.
- ٦- طالب (أ): إحنا مش هناك برّة النهارده؟  
طالب (ب): لا مافيش أكل برّة أنا ..... حمام وبطاطس لذیذة قوي.
- ٧- طالب (أ): تشرب شاي معايا؟  
طالب (ب): لا شكراً أنا ..... من شوية.
- ٨- طالب (أ): ماتغدّي معانا يا هاني؟  
طالب (ب): لا شكراً عشان ..... مع العيلة في البيت بعد شوية.





٨

## تدريب (٢ - ب) لَسَّة راجعة من بَرَّة

كلمات مفيدة: طبق نحاس / مشغول / صايغ / غويشة / حلق / خاتم / خرطوشة

أشرف و أمال هيسافروا بَرَّة عشان يخضروا فرح أخت أمال.

أمال نزلت خان الخليلي عشان

تشتري هدايا و تجيب حاجات تاني  
للفرح و السفر.



اسمع و املا الجدول:

إيه الحاجات اللي عملتها؟

السؤال	الجواب
١- أمال رجعت إمتى؟	هي لَسَّة واصله من ٥ دقائق.
٢- الحاج محمود خلّص الخاتم الفضة؟	هو لَسَّة ماخلّصش
٣- الحاج محمود كتب على الخرطوشة بالفرعوني؟	هو لَسَّة
٤- أمال طلبت السلسلة عشان الخرطوشة إمتى؟	هي لَسَّة
٥- أمال اشترت الطبق النحاس إمتى؟	هي لَسَّة
٦- هي اخدت الغويشة من الصايغ إمتى؟	هي لَسَّة
٧- الصايغ هيخلّص الطقم بتاع العروسة إمتى؟	هو لَسَّة
٨- أشرف وصل البيت إمتى؟	هو لَسَّة
٩- أشرف أخذ الدُش إمتى؟	هو لَسَّة

هي لسة	١٠- الشغالة عملت الرز والسلطة إمتى؟
هي لسة	١١- الشغالة طبخت الملوخية إمتى؟
هم لسة	١٢- الأولاد نزلوا إمتى؟

كرّر الحوار مع زميلك.

اسأل زميلك عمل إيه من شوية .. و لسة ماعملش إيه.

### تدريب (٢- ج)

#### تمثيل

- ١- طالب (أ) إنت صاحب البيت و بتسأل الشغالة خلّصت التنضيف و للا لسة؟  
بتعمل إيه؟ لسة هتعمل إيه؟
- ٢- طالب (ب) إنت شغال / شغالة كسلانة. عملت حاجات و لسة بتعمل حاجات  
تاني. بتقول عملت إيه؟ و ماعملتش إيه؟ و لسة بتعمل إيه؟ و لسة عامل إيه؟  
و لسة هتعمل إيه؟

### نص الاستماع لتدريب (٢- ب)

- |      |   |
|------|---|
| أشرف | أهلاً يا أمال إنتي رجعتي إمتى من السوق؟   |
| آمال | أنا لسة راجعة من ٥ دقائق. لسة واصلت و تعبانة قوي.   |
| أشرف | ليه إنتي لفيتي كتير؟ ما اشتريتش كل الطلبات و للا إيه؟   |
| آمال | لا .. لسة ما اشتريتش كل حاجة. الحاج محمود بتاع الفضة قاللي<br>إنه لسة ماخلصش الخاتم الفضة .. ولسه طالبة منه سلسلة عشان<br>الخرطوشة اللي بيكتب عليها بالحروف الفرعوني .. ويمكن يخلص كل<br>حاجة بكرة. |



أشرف أم .. آه إنتي اشتريتني الأسبوع اللي فات الطبق النحاس المشغول اللي كان في القترينة عنده مش كده؟

أمال لا .. لسة مشترية الطبق النهارده وجايباه معايا أه .. شوف. حلو؟

أشرف آه .. حلو قوي. طيب و رُحتي للخواجة ريمون الصايغ؟

أمال آه .. رحت و لسة واخدة منه الغويشة الذهب بتاعتي .. ولكن لسة بيعمل

في الطقم بتاع العروسة كله. العُقد و الحلق و الخاتم الذهب .. وإنت عملت إيه؟

أشرف أنا برضه لسة واصل من الشغل من نص ساعة .. و لسة واخد الدش

بتاعي من ٥ دقائق .. و لسة قاعد و مستنّي عشان نتغدى مع بعض.

أمال و الشغالة خلّصت و للا لأ؟ سألتها؟

أشرف آه .. قالت لي إنها لسة مخلصّة الرز و لسة بتعمل السلطة و لسة طابخة

الملوخيّة و الفراخ حالاً. ياللا ناكل بقى .. الأكل سخن.

أمال طيب فين الأولاد؟ مش سامعة صوتهم.

أشرف لسة نازلين حالاً رايعين يشترّوا بيبسي و راجعين على طول.

أمال طيب أنا هاقوم آخد دُش و نتغدى على طول.

٤ دردش معانا



### تقديم (٣)

و ده .. مين ده؟

كلمات مفيدة: شهر عسل / ترقية / مركز في الشغل

عماد مش متجوز و معزوم مع زميلته ميمي في حفلة عند ناس أصحابهم.

اسمع الحوار و جاوب هو عايز يعرف مين بالضبط؟





عماد وده مين اللي قاعد على كرسي الكمبيوتر قدامنا ده يا ميمي؟  
ميمي آه .. اللي قاعد قدام الكمبيوتر ده؟ ده وديع منصور .. إنت مش عارفه  
و للا إيه؟

عماد لا. مش عارفه. ده أول مرّة أشوفه. مين هو؟  
ميمي إم .. ده ياسيدي أحسن واحد بيصلح كومبيوترات ده لسّة من حوالي  
أسبوع كده واخد أحسن جايزة من الشركة بتاعته.

عماد طيّب و مين الست دي اللي واقفة ورايا جنب التلّاجة؟ مش دي  
ناهد صاحبك؟

ميمي أيّ واحدة؟ آه دي؟ لا. مش هيّ دي. لا. ماعنديش أيّ فكرة مين دي.  
ماشفتهاش قبل كده. لا لا .. ماعرفهاش.

عماد إم .. طيّب ودي مين دي الحلوة اللي قاعده على الكرسي هناك وراكي؟  
ميمي دي عفاف عبد الهادي. دي بنت صاحب شركة هادي موتورز. دي عندها  
أحلى عربيّة في الشلّة. كلّ شويّة تغيّر عربيّتها. بسّ برضه شاطرة قوي.  
دي لسّة مخلصّة ماجستير في البنزنس عشان تساعد أبوها بعد كده.

عماد إم .. طيّب و دول .. مين دول اللي واقفين جنب التلّاجة هناك؟



ميمي آه .. دول أشرف ونرمين. دول لسة متجوزين من شهر. ولسه راجعين  
من برّة. كانوا في رحلة شهر غسل و شغل في نفس الوقت. دول عملوا  
برنامج حسابات هایل للشركة و لسة واخدين ترقية.  
عماد إم .. طيب باقولك إيه. ماتعرفيني بعفاف دي. أنا كمان لسة واخد ترقية  
و مرتّب كويس و مركز هایل في شغلي .. إيه رأيك؟  
ميمي لا .. ياسيدي روح اتعرف إنت بنفسك. لكن استنى هنا! وريني دي إيه  
البدلة الجميلة دي اللي إنت لابستها؟ جديدة دي وللا إيه؟

#### لاحظ القواعد

#### (١) للسؤال عن الناس و الحاجات



للسؤال عن الحاجات	للسؤال عن الناس	
ده إيه الكتاب ده؟	ده مين ده؟	مفرد مذكر
دي إيه البدلة دي؟	دي مين دي؟	مفرد مؤنث
دول إيه الفساتين دول؟	دول مين دول؟	جمع



#### (٢) لما نقول معلومات عن إنجازات الناس:

الاسم	الضمير الغائب (التالت)	الجملة من غير الإسم أو الضمير الغائب
وديع	هو	ده لسة واخد جايزة من أسبوع.
عفاف	هي	دي لسة مخلصّة الماجستير من شهر.
أشرف و نرمين	هم	دول لسة متجوزين الشهر اللي فات.

(٣) لَمَّا مانعرفش حدَّ أو الموضوع بنقول:

- لا مش عارف. - لا ماعنديش (أي) فكرة.



شاف	يعرف	
لا ماشفتهوش قبل كده.	لا ماعرفهوش.	هو
لا ماشفتهاش قبل كده.	لا ماعرفهاش.	هي
لا ماشفتهمش قبل كده.	لا ماعرفهمش.	هم



(٤) طريقة ثانية للسؤال عن الناس والحاجات:

الإجابة	الناس
لا مش هو / أيوه هو	مش ده أحمد؟
لا مش هي / أيوه هي	مش دي نوال؟
لا مش هم / أيوه هم	مش دول ناهد و سمير؟

الإجابة	الحاجات
لا مش ده. أو أيوه هو.	مش ده كتاب العربي؟
لا مش دي. أو أيوه هي.	مش دي البلوزة؟
لا مش دول. أو أيوه هم.	مش دول كتبك؟





١٤

## التدريبات

### تدريب (٣ - ١)

١- اسمع الحوارات دي و حطّ (✓) على الصورة المناسبة.



٢- اسمع مرّة ثانية و وصل:

<p>- لسة راجعة من لندن.</p> <p>- لسة مشتري عربية تويوتا.</p> <p>- لسة مشتريّة بوتيك.</p>	<p>- عندها بوتيك حريمي.</p> <p>- عندها مطعم.</p> <p>- بيشتغل في المطار.</p>	<p>- أم شعر طويل. لابسة فستان سواريه .. ماسكة شنطة.</p> <p>- الطويل اللي كان معانا في المدرسة.</p> <p>- لابسة بلوزة خضرا بكم طويل و بنطلون جينز.</p>
--	---	--

٣- اقرا الحوارات و كرّرها مع زميلك.

٤- طالب (أ) استعمل أسئلة الحوارات.

طالب (ب) جاوب إجابات ثانية من عندك.


٥- اعكسوا الأدوار و كرّروا النشاط.



## تدريب (٣ - ب)

كلمات مفيدة: عَزَف / كلية السياحة / بطولة مصر

- ١- بصّ للصورة. طالب (أ) اسأل زميلك عن الناس اللي في الصورة.  
طالب (ب) استعمل العبارات المساعدة عشان تعملوا حوار زيّ المثال.



العبارات المساعدة:

- اشتغل في السفارة من أسبوع.  
- عَزَل الأسبوع اللي فات.  
- أخذت جايزة من أسبوع في الموسيقى.  
- اتخرج من كلية السياحة.



- أخذ ترقية وبقى مدير مطعم الأسبوع ده. - درست ماجستير في عزف الكمنجة.
- عنده ولدين و بنت. - كسب بطولة مصر للتنس.
- بيدرس في مدرسة فرنساوي. - اتجوزت الأسبوع اللي فات.
- بتشتغل مديرة حسابات. - صحفي في مجلة الرياضة.
- كتب مقالة إمبارح عن التنس. - عندها عربية مرسيدس.

### مثال للحوار:

أ- مش دي نوال؟	ب- أي واحدة؟
أ- اللي لسة متخرجة معانا من الكلية.	ب- اللي لابسة عقد أحمر؟
أ- آه. بالظبط.	ب- لا لا. دي مش هي .. دي ماعرفهاش.
كمل الحوار من عندك.	كمل الحوار من عندك.

٢- اعكس الأدوار وكمل النشاط.

٣- استعملوا نفس الصور و لكن بمعلومات مختلفة من عندكم و كرروا النشاط.

### تدريب (٣ - ج)

#### موقف (١)

إنت وزميلك روحوا حفلة.

طالب (أ) استعمل الكلمات المساعدة تحت كل صورة و اسأل معلومات عن ٤ صور

من الصور دي. و قول معلومات تانية عنهم من عندك.

طالب (ب) اتكلم عن نفس صور زميلك .. وافق على بعض المعلومات .. و صحح

المعلومات التانية.

قول معلومات إضافية من عندك. غيروا الصور و كرروا النشاط و الأدوار.



## مثال للحوار:




### صورة (١)

طالب (أ): مش دي مدام شكرية اللي بتشتغل مديرة في شركة السلام؟

طالب (ب): لا. دي مش مدام شكرية دي مدام عنايات.

طالب (أ): إزاي؟ مش هي دي اللي لسة.....؟

طالب (ب): لا ..... ماعرفهاش. مش متأكد .. ماافتكرش دي ..... إلخ.

صورة (١)	صورة (٢)	صورة (٣)	صورة (٤)
			
مدام عنايات / مديرة مدرسة	كمال / فرقة	ياسمين / إمبراح	نوال / صاحبة بوتيك

			
وسام / شركة كومبيوتر	داليا / فرقة باليه	ولاد عمّة محمود	قيولا ونزيه في فرنسا



## موقف (٢)

إنت و زميلك اسألوا عن باقي أفراد الفصل.

طالب (أ) وده مين ده؟ مش ده ..... (كلام مش حقيقي من عندك).

طالب (ب) وافق أو اختلف .. و استعمل معلومات تانية من عندك.

## نص الاستماع لتدريب (٣ - أ)



١٥

الله! صورة الفرح بتاعتك حلوة قوي.

نبيل

آه. شكراً شفت خالتك و عمته في الصورة كمان؟

هاني

آه. صحيح .. طيب و دي مين دي؟

نبيل

أي واحدة؟

هاني

اللي لابسة فستان سواريه. أم شعر طويل و شنطة خضرا.

نبيل

آه. دي؟ دي أخت مراتي. دي كان عندها السفير بياكل في المطعم

هاني

بتاعها و سابت المطعم .. عشان تحضر الفرح.



١٦

يا سونيا مش دي ماجدة؟ اللي مع الناس دول؟

سمير

فين دي؟ أي واحدة فيهم دي؟

سونيا

اللي لابسة بلوزة خضرا بكم طويل؟ اللي لسة مشتريّة بوتيك حريمي

سمير

في شارع الوادي؟

لا لا. مش هي دي. مش شكل ماجدة خالص. لا لا دي ماعرفهاش

سونيا

أبدأ. دي ماشفتهاش قبل كده خالص.



١٧

بص يا صبري مش ده بهيج اللي هناك ده؟

عفت

فين ده؟ لا لا ده مش بهيج .. ده مين ده؟ لا لا. ماعرفهوش.

صبري

إزاي! مش ده بهيج اللي كان معانا في المدرسة؟ الطويل ده؟

عفت

صبري  
عفت  
صبري

اللي لسة مشترى العربية التويوتا.. ويشتغل في المطار الجديد؟  
أه .. بالظبط. أبو صلعة ده اللي بيشتغل في المطار.  
يمكن هو؟ أنا مش شايفة كويس عشان بعيد. لا .. لا أنا مش متأكد قوي  
يا عفت .. عشان كمان الراجل اللي هناك ده لابس كاب.



## من واقع الحياة

الاستماع



عملت إيه في حياتك

عادل و سناء اتقابلوا قدام

السوبر ماركت.

اسمع و قول:

(أ) عادل و سناء بيعرفوا بعض من زمان؟

(ب) اسمع و املا الجدول بالمعلومات:

المعلومات عن	عادل	سناء
الدراسة		
الجيش		
الشغل		
الأولاد		
العربية		
السكن		



- (ج) تفكر عادل مبسوط من حياته ليه؟ سناء مبسوطه من حياتها ليه؟  
 (د) اتكلم مع زميلك في حوار زي كده .. وكل واحد يقول عمل إيه في حياتك درس إيه؟ لسة بيدرس إيه؟ لسة عامل إيه؟ لسة هيعمل إيه؟

### نص الاستماع لواقع الحياة

- عادل آه. أنا آسف جداً .. آسف قوي.  
 سناء لا معلىش. مافيش حاجة .. بسيطة.  
 عادل الله! مين؟! سناء؟ مش معقول! إزيك يا سناء؟  
 سناء مين؟ مش معقول! عادل؟ أهلاً.. أهلاً.. إنت فينك يا عادل؟ أنا ماشفتكش من أيام المدرسة! قوللي أخبارك. بتشتغل فين وإيه؟  
 عادل أنا الحمد لله كويس. بعد المدرسة دخلت كلية الهندسة. وطبعاً دخلت الجيش بعد الكلية.  
 سناء اتجوزت يا عادل؟ عندك أولاد؟ بتشتغل إيه؟ احكي لي.  
 عادل آه. اتجوزت و كان عندي ولد و دلوقتي بقى عندي اتنين إحنا لسة مخلفين قريب. و الحمد لله اشتغلت في الكلية مدرّس و لسة باشتغل هناك. بقيت أستاذ دلوقتي و لسة هاعمل مكتب هندسي بتاعي بعد شهرين إن شاء الله. وإنتي إيه أخبارك؟ أنا من زمان ماسمعتش حاجة عنك.  
 سناء أنا برضه درست و اتخرجت من كلية الطب و اشتغلت دكتورة في مستشفى الساحل و لسة باشتغل هناك و خلّفت ولد و بنت. لسة بيروحوا المدرسة طبعاً.  
 عادل و لسة ساكنة في شبرا و لسة بتسوقي العربية القولكس؟  
 سناء لا. إحنا لسة معزّلين. رحنا شقة على النيل. لكن لسة باسوق عربيتي القولكس. عربية زي الفل عمرها ١٥ سنة و لسة بتوصلني في كل حتّة.  
 عادل طيب ياستي ربنا يخلّي القولكس و صاحبة القولكس. فرصة سعيدة قوي.  
 سناء أنا أسعد.



## القراءة والكتابة

ده إعلان عن معروضات لحاجات من خان الخليلى فى جريدة الوسيط. اقرا الإعلان و الأسعار و المعلومات عن المعروضات دي.

# السلامة

معروضات خان الخليلي

الميعاد يوم الجمعة الساعة ١٠ صباحاً المكان فندق شهر زاد المهندسين


خاتم كل الألوان / كل  
المقاسات / فضي -  
ذهبي



جلابية قطن منقوشة  
بدوي بكم وينص كم



عُقد أصلي ألوان  
وسادة



حلق بدوي فضي جميع  
الأشكال. فضي - ذهبي




مفتاح الحياة فضي  
أو ذهبي



خرطوشة بحروف  
فرعوني كل الأنواع



طقم فضة أو ذهب



طبق مشغول  
نحاس



السعر حسب النوع و المقاس



## الكتابة

اقرأ الإعلان و اكتب لستة إنت عايز إيه و لسة ماشتريتش إيه.

عايز أشترى	لسة ماشتريتش	أشتريت	لسة هأشترى

## الكلام

### موقف (١)

أبو عزيز تعبان قوي في المستشفى و جه الشغل متأخر.  
كمل الحوار و كرره مع زميلك:

- شهير ..... ؟  
عزيز أنا لسة واصل من ٥ دقائق. متدايق شوية يا شهير.
- شهير ..... ؟  
عزيز بابا تعبان قوي. ودّيته المستشفى إمبراح وسهرت جنبه  
ولسه جاي من عنده دلوقتي.
- شهير ..... ؟  
عزيز لا لسة شارب في المستشفى قبل ما آجي على طول.
- شهير ..... ؟  
عزيز لسة متصل بيها وقالت إننا لسة هتوصل الولاد المدرسة  
و بعدين لسة هنروح .....

شهير

..... إلخ. (٢)

عزيز

..... إلخ.

كَمِّل الحوار من عندك.

### موقف (٢)

إنت راكب المترو مع زميلك. شفت ناس حاسس إنك عارفهم:

طالب (أ) اسأل عن الناس دول.

طالب (ب) فيه واحد تعرفه و واحد لا.

استعملوا لغة السؤال و الإجابة في الحوار.

### موقف (٣)

إنت ماشفتش زميلك من زمان.

طالب (أ) اسأله عن حياته و عن عيلته.

طالب (ب) اتكلم عن إنجازاتك و عملت إيه في الوقت اللي فات.

اعكسوا الأدوار و كرروا النشاط.

## افتكر

### (١) للكلام عن استمرار الإنجاز:

لَسَّة بياكل.

لَسَّة + ب + فعل مضارع

لَسَّة واقف لغاية دلوقتي.

لَسَّة + اسم فاعل



(٢) للكلام عن إنجازات لسة ماتمتش:

لسة + ما + الفعل + ش لسة ماكلش - ماخلصش

(٣) للكلام عن إنجاز من وقت قريب:

لسة + اسم فاعل لسة مخلص من شويه.

(٤) للكلام عن إنجاز في المستقبل:

لسة + هـ + فعل مضارع لسة هايخلص.

(٥) للحصول على معلومات عن شخص أو إنجازاته:

السؤال	الإجابة
وده مين ده اللي واقف .....	آه. ده ! مش عارف / ماعرفهوش.
دي مين دي اللي .....	ماشفتهاش قبل كده / ماعرفهاش.
دول مين دول اللي .....	ماعرفش / مش متأكد / مش فاكر / ماعرفهمش.
مش ده / دي / دول .....	لا مش هوّ ده / مش هيّ دي / مش همّ دول.
	أو أيوه هوّ ده / أيوه هيّ دي / أيوه همّ دول.

## راجع معانا

من وحدة ٥-٨

### تدريب (١)

المواقف دي حصلت لك الشهر اللي فات:

- حاجة ماكانش مفروض تشتريها لكن اشتريتها.
- واحد كان لازم تبعته رسالة إلكترونية (e-mail) بس مابعتش.
- حد كان لازم تتصل بيه بس ما اتصلتش.
- حاجة كان لازم تعملها وما عملتهاش.
- مشوار كان مفروض تروحه و مارحت هوش.
- حد كان لازم تزوره بس مازورتهوش.
- فلوس كان المفروض تدفعها و مادفعتهاش.

اتكلم مع زميلك عن كل موقف من المواقف دي زي المثال:

طالب (أ): إمبراح اشتريت أباجورة في الأوكازيون بس ماكانش مفروض أشتريها

أصلاً. لونها مش حلو و غالية و ماعجبتش جوزي.

طالب (ب): و أنا كمان عملت نفس الحكاية برضه اشتريت .....

### تدريب (٢)

اكتب اسم الفاعل.

١- طالب (أ): أنا ..... بكرة السينما فيه فيلم حلو .. ما تيجي معايا؟ (يروح)

طالب (ب): لا .. شكراً أنا لسة ..... الفيلم ده إمبراح. (يشوف)



٢- طالب (أ): إئتوا ..... أمريكا إمتى؟ (يسافر)

طالب (ب): إحننا ..... الأسبوع الجان إن شاء الله.

٣- طالب (أ): ماشفتيش نوال؟

طالب (ب): أنا شفت نوال إمبارح و كانت ..... (بتمشي) في شارع قصر

الذيل و ..... أكياس كثيرة (بتشيل).

تدريب (٣)

اطلب مساعدة زميلك في الطلبات دي:

الشنطة - العربية - المطار - فاتورة الكهرباء - الدرس الجديد - الغدا

(استعمل ممكن تعمللي)

تدريب (٤)

كمل الحوار.

طالب (أ): سمعت عن ماجد؟

طالب (ب): لا ..... إيه اللي حصل؟

طالب (أ): .....

طالب (ب): ياه! ياخبر إسود! إمتى ده حصل؟

طالب (أ): .....

طالب (ب): طيب ما تيجي .....

طالب (أ): لا هو لسة تعبان دلوقتي ممكن .....

طالب (ب): طيب ما تيجي ..... البيت؟

# Glossary      فهرس

tent	خيمة
the way	السكة
leg	رجل
thief	حرامي
ran	جري
prison	سجن
overpower	تغلب
player	لاعب
players	لعبة
a good beating	علقة سخنة
cap	طاقية
held	مسك
was stolen	اتسرق

<b>Presentation</b>	<b>تقديم (١-٣)</b>
line	طابور
bride	عروسة
wedding	فرح
strange	غريب
cute	ظريفة
sweet	لذيذ
to finish	نخلص
they say about him	بيقولوا عليه
to be finished	تخلص
I wonder	ياترى
near	قرب
the end of	آخر
really	فعلا

## Module 1      الوحدة الأولى

<b>Presentation</b>	<b>تقديم (١-١)</b>
was born	اتولد
studied	درس
graduated	اتخرج
joined the army	دخل الجيش
left the army	خرج من الجيش
social status	الحالة الاجتماعية
military status	موقف التجنيد
child	طفل
marriage	الجواز
had a baby	خلف
lived	عاش
prize	جائزة
date of birth	تاريخ الميلاد
the story of my life	مشوار حياتي

<b>Presentation</b>	<b>تقديم (١-٢)</b>
The White Desert	الصحرا البيضاء
warm clothes	هدوم ثقيلة
spring	عين
springs	عيون
oasis	واحة
many oases	واحات كتير
announced	أعلن
I think	افتكر
arrived	وصل



**Presentation** تقديم (٢-٢)

grandfather	جدّ
grandmother	جدّة
paternal uncle	عمّ
paternal aunt	عمّة
maternal uncle	خال
maternal aunt	خالة
shoulder	كتف
leaning on	ساند
paternal cousin	بنت عمّي
maternal second cousin	بنت ابن خال
paternal cousins	أولاد عمّي
maternal cousins	أولاد خالي
to celebrate	يُعِيد
the day of	يوم العيد
the feast	
toy	لعبة
all the time	طول الوقت
describe	اوصف
alternatively	بالتبادل

**Presentation** تقديم (٣-٢)

luck	حظّ
who has red hair	أمّ شعر أحمر
who has a beard	أبو دقن
blender	خلاط
necklace	عقد
job opportunity	فرصة شغل
I have an errand	ورايا مشوار
to run	
at your service	تحت أمرك
I have an opportunity	قدّامي فرصة

one moment لحظة واحدة

magnificent هائل

he thought فكر

he forgot ناسي

out of order عطل

**Real Life** واقع الحياة ١

The Ring Road الطريق الدائري

he got lost تاه

he got scared خاف

it rained الدنيا مطّرت

graveyard المقابر

**Module 2** الوحدة الثانية**Presentation** تقديم (١-٢)

they look	شكلهم فرعوني
pharaonic	
holding	ماسك
axe	فأس
resting	يستريح
lifting	رافع
farmer	فلاح
wife of a farmer	فلاحة
scenery	مناظر
to describe	يوصف
state	حالة
looking at	باصص
to shave	يحلّق
with his legs	حاطط رجل
crossed	على رجل
crown	تاج
king	ملك
queen	ملكة



Coptic  
monuments  
generally  
Valley of  
the Kings  
right  
museums

آثار قبطية  
عموماً  
وادي الملوك  
صحيح  
متاحف

### Presentation

river  
lower than  
higher than  
illuminated  
noisy  
dark  
tender  
slow  
hard  
fast  
intelligent  
smart  
an invention  
much nicer  
modern  
more modern  
newer

### تقديم (٢-٣)

نهر  
أوطى  
أعلى  
منور  
مزعج  
مضلم  
طري  
بطيء  
ناشف  
سريع  
ذكي  
يشغل مخه  
اختراع  
أظرف  
حديث  
أحدث  
أجدد

### Presentation

I would like  
to introduce  
favorite  
broke  
hit  
arm  
leg

### تقديم (٣-٣)

أقدم لك  
المفضل  
كسر  
خبط  
دراع  
رجل

do you have five  
minutes?  
in a hurry  
unfortunately  
really?

معك ٥ دقائق؟  
مستعجل  
للأسف  
بجد؟

### Real Life

I am late  
a bald man  
material  
scale  
the poor man  
reception  
unbelievable

### من واقع الحياة ٢

تأخرت عليك  
راجل أصلع  
قماش  
ميزان  
الراجل المسكين  
الاستقبال  
مش معقولة

### Module 3

### الوحدة الثالثة

### Presentation

huge  
quiet  
organized  
crowded  
safe  
fantastic  
comfortable  
spacious  
entertaining  
delicious food  
friendly people  
excellent  
beaches  
Roman  
monuments  
pharaonic  
monuments

### تقديم (١-٣)

ضخمة  
هادي  
منظم  
زحمة  
أمان  
هايل  
مريح  
واسع  
مسلي  
أكل لذيذ  
ناس لطيفة  
ممتاز  
الشواطئ  
آثار رومانية  
آثار فرعونية



donkey	حمار
cow	بقرة
at a distance of	على بعد
pollution	تلوث
private cars	عربيّات ملاكي
subway	مترو الأنفاق
changed	اتغير
village	قرية

<b>Presentation</b>	<b>تقديم (٢-٤)</b>
sand	الرمل
feast	عيد
gift	عيدية
feast cookies	كحك
to fly a kite	يطير طيارة
dogs	كلاب
countryside	البلد
sweet potatoes	بطاطا
pigeons	حمام
animals	حيوانات
childhood	ذكريات الطفولة
memories	

<b>Presentation</b>	<b>تقديم (٣-٤)</b>
cleaners	مغسلة
to stain	يبقع
to dirty	وسخ
evening dress	فستان سواريه
stain	بقعة
directions	وصفة السكة
Ministry of	وزارة الخارجية
Foreign Affairs	
fire department	مطافي
palace	قصر
building	مبنى

my work is	شغلي وافف
affected	
I am honored	اتشرفت
the honor is mine	الشرف ليّا
banana skin	قشر موز
what is wrong?	إيه حكايتك؟
fell down	وقع
form	كون
to start	يبدأ
to get to know	التعارف
in common	مشتركة
to discover	يكشف
I am happier	أنا أسعد
to pass by	يعدّي

<b>Real Life</b>	<b>من واقع الحياة ٣</b>
tiring	متعب
comfortable	مريح
don't bother	سيبك منها
with her	
dream girl	فتاة أحلام

#### Module 4 الوحدة الرابعة

<b>Presentation</b>	<b>تقديم (١-٤)</b>
gardens	جناين
trees	شجر
electricity	نور
bicycle	بسكلتة
order	نظام
they cut it off	قطعوها
newspaper vendor	بيّاع جرايد
simple	بسيطة
life	الحياة
magnificent	يجنّ





**CD included**

Samia Louis

# Kallimni 'Arabi Aktar

An Upper Intermediate Course  
in Spoken Egyptian Arabic 3

